

# 野香亭集

## 野香亭集序

李編脩丹壑刻其詩集既成而問序於予丹壑爲相國容齋先生嗣君憶乙巳丙午間予在京師與先生及說巖虎臣公敵茗文曰緝諸君子爲文酒之會公餘閒暇輒相與過從譚笑上下其論議詩篇酬唱相得甚驩後二年而余奉使江淮先生亦請急以去中間各以事故相契濶至乙卯復會於京師而舊遊大半散去每酒場吟地低徊再四因是與先生情好尤親方是時丹壑年纔八九歲

## 野香亭集

王序

予固未之知也嘗與今冢宰陳公前禮部尙書文敏葉公暇日飲先生臥遊堂中酒酣先生從容爲予言吾有子誦君綠楊城郭是揚州之句頗知愛慕願一出謁予殊驚訝急呼相見則丹壑年方髫鬢風神瑩徹吐納閒雅進止盤辟甚有禮而可觀也因舉左傳國語及史記秦本紀雜叩之隨問酬答如翻水因共驚嘆以爲聖童自是予每遇客必與言容齋有才子成就殆未可量於是丹壑之名噪長安矣而其學亦與年俱進後四年丹壑舉京



兆又明年成進士選入翰林讀中秘書年最少才名益起文章詞賦儷於古之作者而於詩爲尤工予每覽前代學問源流之故如徐士秀蘇昌容父子並以文采著聞當世後先輝映以爲美譚竊怪天之生才萃於一門而不知其精討錙銖覆量尺寸門庭以內薰陶融液以成其材蓋非偶然也先生之詩鴻博絕麗有牢籠百家類萃萬物之槩丹壑承其家學少變而爲清新綿婉其旨溫以厚其音和以雅其辭麗以則讀之者循環反覆不能自

野香亭集

王序

二

休風騷耆碩咸相稱歎以爲不可及是豈獨天分之優蓋亦其源流之有自歟

今天子

稽古右文大雅宏達之材並蒙恩遇丹壑方簪筆承明著作之庭行且以經術致高位乘時奮庸庶幾曩者韋平之盛事復見於今則又豈徒以詩人相位置乎哉予老矣讀丹壑之詩因追憶二十年前友朋晨夕之樂升沉存歿凡幾變更今官京師者獨予與陳公及先生三人在耳歲月不居嘗有歐公願我蹉跎之歎而獨喜吾容齋之有子能

野香亭集

王序

三

振大其家聲年方富而才之將日進而未有底也因書之簡首濟南漁洋山人王士禛撰

今海內才情之士號能詩者衆皆自以謂攻考金石出入宮徵然士困帖括獵時名或幸得之神理銷歇鼓其餘勇躑躅呶嚶於詞場徵逐之間欲以追踪昔人難矣丹壑未典謁之年席帽離身簪筆華省文章瑰瑋一時艷羨天才橫放根於性生然以視今之學者其淺深涯際用力爲何如也故其爲詩鋒穎旁出含咀百家擷英摘華晚朏一世且吾誦之而浩然以嘆也選予與

尊甫先生搜揚風雅探源泝流每高會賦詩移日分

野香亭集

一

夜今各以事羈言念斯事有疇昔之感焉得吾丹壑繼美斯文直與蘇許國父子比烈競雄而余得寓目其間豈僅如君家玉溪長吉之藻艷以陵夸一時乎余是以喜而評之如此高都陳廷敬

序

余嘗謂前之詩人無如義山子瞻之奇者義山之詩博奧極矣摭拾羣書抉搜隱怪至于放誕風流清言麗句雖自謂國人盡保展禽酒肆無譏阮籍夫誰信之其大致欲歐溫段諸人皆出已下乃已西崑之冠也而韓碑一篇則又不然闕其意既作韓碑徑效昌黎清廟明堂曲終雅奏平日獵祭之繁無所用之世之徒以艷體目玉溪生者淺也子瞻之詩泉源萬斛其涌也莫可端倪其淳也渺無

野香亭集

田序

一

涯矣夫詩至元亮子美觀止矣沿波討瀾通津委注譬之黃河所從來遠而崑崙之墟去嵩高八萬里尙可溯而識之咄咄坡老世之論詩者有重趼追尋望風謝路已耳是以奇也丹壑先生瞻學多通才辭美茂集英畧穢駢羅橫陳故爲詩也事出于沉思義歸于瀚藻如會稽野鹵從江淹壁魚化出縑而爲絲遂成異錦以先生官侍從有年閉戶著書嗜好特殊其詩奇其人奇也歐陶永叔云學士一官非文章不可當代著作之林能詩者多矣

先生分其才技可了十人卽他人所作遠次于先生亦足以薄風騷立壇坫而况先生乎不知先生之詩與之論義山子瞻之詩可得而聞乎王道充得相鶴經飄然有乘氣御風于天地間之意顧所畜皆胎禽凡鳥夢想青城芝田知無從問涂耳余讀先生詩驚歎稱奇而悔鄉之爲詩也衆吹竽焉又建鼓而從之亦甚惑矣濟南田雯撰

野香亭集

田序

二

序

夫人之有懷也言之所不能盡則見之於文辭書之於冊而已見之於文辭書之於冊而猶有所不能盡者於是乎有詩以道其不能盡之情蓋古之人有有其聲而無其辭者矣聲之所感雖辭可以不設未有無其聲而可以詩者也故余之論詩必以意爲主以聲爲用嘗薄毛序鄭箋不識詩人比興之義惟朱子集註畧轉換一字句間使人反覆吟詠自有感發此爲得之蓋作詩之體至唐始備

野香亭集

姜序

一

論詩之法至朱子而始明余每自信其言以爲不妄頃於漁洋先生所得讀野香亭詩集野香亭集者爲合肥丹壑李先生所著先生之於詩也既本之於今相國家學其冥搜心得取境近而蘊義遠有陶韋王儲之風至其才思所溢間旁出於韓蘇諸家特用以開拓其境界而已不以自詭其法也余尤喜其樂府古淡婉切廻環可誦雖張王參筆無以過也以爲詩必如是則意與聲會始可以返而復之古蓋嘗屢言之云爾先生謂爲知言卽屬

余書之然先生以名公子年少登第滯史館二十年泊然無競進意其所寄興八九常在酒鎗茗椀山村水墅之間宜其風格之超脫如此至其經途觸目凡田家疾苦吏治清濁與夫南北風土之險易厚薄無不習知所以感切諷諭而發之以忠厚之旨傳之以和平之聲者又不一而足古觀人者往往於其人一吟詠間知其有以天下任之意若先生之詩之志吾殆不得以詩人命之已慈谿姜宸英撰

野香亭集

姜序

二

序

余生平不善爲詩而好詩凡古人之詩莫不爲之留連涵泳而咀味其旨趣之所存頃居京師數年凡名公鉅卿以及四方羈人遊士之以詩贈遺者悉皆爲之淘汰擇別而觀其所用心今年春乃得讀野香亭詩集若干卷蓋李丹壑先生之所作也其音和平而大雅其旨綿渺而蘊藉其情能感人而使之俯仰唱嘆歡忻悽切發揚舞蹈而不能自己已而先生又集數年以來之詩若干首付之雕

野香亭集

戴序

一

刻而悉舉以示余余益循環諷誦屢日夜而不厭嗟乎以余之好詩而至是始能讀先生之詩甚矣余之陋也且夫世之說詩者指摘聲病講求格調摹擬彷彿而務欲似乎古人其說非不善也然第得其似而失其真竊其衣冠笑貌而不得其神理意思之所在雖一一多似而我之爲我者亡矣非其亡夫我也本無所謂我焉而勉強支綴以襲取之於外卽有一二名章雋句而不可謂之能詩也今讀先生之詩無美不具而不能指某篇曰似某

家又指某句曰似某家也嗚乎此真先生之詩也余嘗聞先輩之論制義者矣曰制義之爲道無所用書然非盡讀天下書無由措思也無所用事狀非盡更天下事無由措字也吾以爲詩之爲道亦若是則已矣先生於書無所不讀函蓋充周不見涯涘而舉其所閱歷與觀記者往往卽事以徵情爲之悄然以歎邈然以懷油然而動取之於心而注之于手諧之于韻宜其能成一家之詩而非勉強支綴徒以摹擬彷彿爲工者之所及也先生爲

野香亭集

戴序

二

合肥相國之伯子往余讀相國之詩雄渾深厚如地負海涵牢籠萬象而不可窺測也今讀先生之詩如清籟入耳明月入懷又如遠山數點前村一枝幽微淡遠而難以窮其勝也會先生屬余爲序余喜當今之能成一家之詩者在相國父子間也於是乎書之康熙丙子季秋望日桐城戴名世撰

序

隱几塔焉兀守醯雞甕底抱書太息空淹石炫峯頭安思秣馬以宵征不憚擔簦而遠驚黃河泰岱益信穎濱弱冠之書明堂辟雍備觀北地兩都之賦媿機雲之遊洛下得見茂先似軾轍之至京師已師六一望洋而嘆初何知大小之家入室未能遂許以高深之測原夫韻是金聲嗽皆玉唾楊虛受鏗鏘幽渺石曼卿縝密方嚴溫柔原四始之遺綺麗去六朝之習絕無摹擬自合古人獨出精神

野香亭集

章序

一

便稱作者杜甫之懷李白云似陰鏗復生蘇軾之贊韓駒謂是光義再見幾于有古而無今何至得人而喪我則不若聲華高卓所在名言而究之音調和平又非濫體信斯文之未墜識大雅之必傳屬附門牆竊窺涯涘再三披誦敢存阿好之私一二發端略似質疑之意從來金張華胄大都曳白爲常王謝名流祇以淡玄相尚矧良弓良冶出自沙堤聞禮聞詩入趨綸閣而百城坐擁殊無矜貴之心四庫游行備極鑽研之况熒熒燈火把卷清



宵寂寂簾幃攤書白晝毋論牙籌檀板絕未關心  
卽凡方褥長簷都無屑意探看囊裏僅得乾螢檢  
點篋中祇餘瘡癥所未解一也或者老而好學傳  
聞高適之詩窮則彌工著有宛陵之集而賦靈光  
于十五直影花磚羣髦士以三千掄材杏苑聲氣  
則於今日上文章則是處風行更何藉乎詩書乃  
致忘夫寢食同官相對偏苦于禮數之拘名士過  
從每樂此嘯歌之趣所未解二也且若少年科第  
鮮伐毛洗髓之功高會倡酬率滿腦肥腸之態風

野香亭集

章序

一一

雲月露旣牽綴以成篇清廟明堂亦膨脝而得句  
而野香亭外別具新裁天祿閣中都非俗艷攪其  
大槩多悠揚婉轉之詞閱至終篇半感慨躊躇之  
作代窮儒而措語寫貧士之欲言所未解三也師  
笑而云居吾語女朝吟夕諷舍茲無以鳴歡吮墨  
濡毫惟此差堪適意卽平生之寄託賴若輩以獻  
酬便足抒寫性靈發揮景物豈必笙鏞祝嘏纔格  
祖以和神玳瑁珊瑚始裝書而架筆耶功聞命  
而還循環又讀如鴈橫天末如鶴唳雲端如秋蛩

號雨砌之間如春鳥弄晴窓之外一輪庭月將爽  
氣以俱來半篆爐香留新聲而不去錢塘受業章  
藻功拜撰

野香亭集

章序

三



序

丁丑冬次兒自京師歸言一時詩人所交稱者必首推李丹壑太史已而出其贈行之卷約數十人太史詩爲最復取所携諸名流詩集讀之尤無足當太史者益信京師之論爲不誣夫詩之格調雖衆而豐約歡悴必本之於性情太史席居者極一世之榮遇而讀其詩若有不足於中而言之者何也次兒則述太史家居短絺篲衣臨風緩帶飄飄若神仙中人嘯咏烟月手携一編夜久不倦不以

野香亭集

費序

一

人地自矜貴時有湖山蕭然之致而觸物流連感嘆若有不勝者蓋其胸次如此而發之於詩者悠然而遐遠也太史詩計年爲一冊自庚午至今約千餘篇其行世者已見於新城澤州諸先生之序今復合甲戌以後所作而命之梓風格與年益進大異於世之爲詩者也余嘗考古詩人其臺閣鴻儒類以雄麗宏博競勝清癯而內瑩者惟張曲江爲然曲江以功業著於元宗朝而四海咸仰其風度讀太史詩亦可想見太史其人矣成都費密撰

序

僕讀合肥相國詩與公長君太史丹壑先生詩嘆曰百年之論定於是矣自明李空同創言復古軌範前人示天下以必趨囿天下以不敢亂天下翕然從之王李繼起高論益昌規格既定守而不變者數十年也迨徐袁出而說始稍異焉以自然爲宗以性靈爲貴內慙於已不求合古竟陵常熟壇墀遞更而宋元雜論紛如矣今則門戶各立互相抵牾宗唐者必斥宋爲斜徑好宋者復指唐爲戒

野香亭集

費序

一

途相背而馳迄無定論又近百年夫詩必負絕人之才真積力久上下古今之變以自得其指歸而詩乃可傳苟生才者薄矣又工力無大過人也僅規規於聲色氣象之間求合古人或任情而出中繩尺其詩膚榮而骨不堅貌澤而神不王讀之徑直而無餘意焉勿問其言漢言魏言唐言宋而皆僞也均於詩無當也崛起一代者必能窮極根柢而不爲雜說所搖惑於向者諸公之論合之而不相雜抑離之而不相乖今相國之詩勃然而光

凝然而堅渾然而無不包肆然而無不極其樹本發源之地冥與道合故絕依擬之跡而縱橫不越乎規矩是以遠駕於空同濟南而齊驅於建安天寶信足爲天下後世法矣若太史之詩則不然太史浸淫江左之華化裁大曆長慶之格以至眉山之疎放宛陵之秀潔劍南之渾雄遺山之穠郁無不籍而醞之鎔而鑄之汰其礪礪挹其精英高哉如鶴之唳於秋旻也幽哉如蕙之發於僻壤也苟非力學致思反覆游泳卽不能窮其旨趣矣太史

得相國家學而卓然不隨步趨如孟堅之於叔皮子瞻之於明允者然視相國風格雖殊而樹本發源冥與道合者其指歸則同也所謂合之而不相離離之而不相乖化於古而非摹擬也出於性而非臆見也百年矛盾不符之論直待相國父子詩出始大定矣天下方競趨宋元而失其真勢將擗爾根鄙而不可收止立之標的者必如太史乃可哉成後學費錫璜拜撰

序

唐以詩取士四聲八病之學童而習之人人而能之能者既多則工者亦不乏中世數百年學宮令甲專以經義爲得失而言詩之學遂衰間有能者亦復不得工蓋其白首陟唔止此經生章句必待一第始得棄舉子業以從事於詩迨從事焉而其氣已衰且其章句之習墨守膏肓未能澄汰以入古人之堂奧此雖欲稍工不可得况求其幾于古人乎是故今之能詩者必有高世之才而士大夫

之能詩者必早得一第朝氣猶新新者乃能自拔于流俗而外此則難矣近代言詩者以何李爲稱首仲默十五舉鄉書十九成進士獻吉得第之歲亦甫盈二十諸家之不得與二子爭名者非獨遜其才亦由歉于遇也吾師合肥夫子旣已貫穿六經網羅百氏縱橫千古殫精著述爲海內宗矣嗣君丹壑編脩復稟靈異之姿搗染家學成童取科第較仲默更先三載入仕六年始及弱冠遂刻意吟咏成一家言其詞茗鮮迴秀彷彿信陽視北

地剽椎模擬者蓋不啻聲聞之于大乘其能振吾師之緒紹聞庭訓方駕古人無可疑者吾知丹壑之賦畀者厚卽令至今俯首舉子業中始終難抑塞其菁華也余與丹壑同年入史館又辱吾師門墻之末習丹壑既久命序其詩不敢有溢詞獨是丹壑爲仲默鄉人而仲默之稱詩往往駕太白於少陵之上古今詩人之宗多推李氏丹壑之才當不難爲青蓮卽獻吉且瞠乎後矣浙西徐嘉炎撰

野香亭集

徐序

二

序

自古才不易生遇亦罕覩金張嗣世未有文章王謝傳家半虛官閥是以武威堪繼所嫌張奐無文梁苑相仍常恨枚臯未仕惟李編修丹壑家有賜書才堪獻賦擅蘭成之異彩不愧肩吾假衛驕以數華輒如希逸斯固龍門之繼起居然虎觀之先資顧或器貴晚成官嫌早達高常侍五十爲詩公孫弘六句應詔壯歲學春秋豈難諳練老年趨幕府未負平生而乃夙具聰明少成頭角楊惲六

野香亭集

毛序

一

歲便通史藏遺書黃琬兒時能說天文大意舉經筵于殿上謁帝知名正朋字於膝前入官有劾猶且束髮授校書耻因父任孩提爲少監不藉門功薦鄉書于志學之時唱臚句在算丁之候比之元稹之舉進士正復同年仿諸陸贄之授翰林尙虛一歲妙齡登秘省彌存若谷之懷弱冠入綸闈原有凌雲之氣然而端居一室惟事斯文考鑒千秋不爛難弄趨庭受詩禮父卽嚴師同館被絲綸子如後進追燕許兩家之盛成獻義一代之奇論人

物則必推典午以前語詞章不使在永貞而下當  
應授簡蔚爲天上雲霞對客揮毫疾若秋來風雨  
偶下東吳而鼓棹感送江神譬登西華以聯吟勢  
凌山嶽藉此茗華之簡勒爲琬琰之詞文閨六甲  
李白何殊筆著五花江淹斯在乃以薰蕕之異臭  
謬從鷄鶴以同羣通門託庇訝曾分荀令之香芸  
館追隨愧數倚夏侯之玉誦羊孚之佳句軼思穿  
雲讀孫綽之新辭金聲擲地但藉校讐之末因而  
揚厲其間庭前吟芍藥請觀端尹之詩天上有麒

野香亭集

毛序

二

麟倍憶春坊之作蕭山毛奇齡撰

序

予於近人詩入手輒昏然欲睡至讀丹壑先生諸  
集則神氣澎湃振首尾更翻忘寢廢食惟恐其竟也  
先生是編先是曾假自友人迺奚囊削草粘錯成  
卷煤泐脫膏楮敗若絮稍不經意卽多圻裂予私  
心好之湖邨靜展溫以名香琅琅洛誦聲撼四鄰  
于是身心攝入者累日旋爲友人取去神思恍忽  
如出桃源時值先生重來白下欣然以繕錄者見  
示再一縱觀則又瀾湧峯迴奇境天闢宛若從未

野香亭集

王序

一

觸目是誠青蓮之于敬亭一看一回新矣因慨詩  
之亡也亡于盡天下皆冒詩人彼枵腹者無論卽  
一二稍知瀏攬其于樂府輒曰漢魏汨其精魄僅  
襲字句而漢魏之亡卽亡于字句五言輒曰陶謝  
罔識骨格假設膚理而陶謝之亡并亡其膚理近  
體輒曰高岑曰元白棄却所固有之性情妄欲乞  
靈古人希踪優孟而高岑元白之亡乃卽亡其所  
固有高岑元白之性情尤可嗤者生本寒餓句學  
癡肥輒曰此吾鉅響上應清廟明堂而不知清廟



明堂翻自餐霞濯露則亦蠅趨蜣轉愈形其污濁而已時惟先生屬詞婉至命意高遠卽事成篇由篇立格或藉古題而書時事或立新意而愜古詞具漢魏陶謝高岑元白之神而無比擬剗刻掎扯之跡此道茫茫問起衰手舍先生其誰或謂先生容與丹地堂構青雲而其篇什冲澹踰于秋水先生之詩未類其人予則以爲惟其有先生之人始有先生之詩有如天人上居有頂衣六銖而履五緯弄雲物而依日月生而遍體皆清那得人間一

野香亭集

王序

二

點烟火氣可漸染所謂眞清廟明堂翻自餐霞濯露夏絕今古世有知此意者方可與之論詩否則北窓搢枕搖手相謝以瞌睡正濃也可繡水王槩撰

續刻野香亭集記

吾鄉李文定公容齋千首詩與其嗣君丹壑太史野香亭集向係合刻兵燹後板俱燬失其藏書之家亦因流離轉徙散佚殆盡辛未春余至京師於廠肆中檢得容齋詩攜帶南歸付之剞劂仍以未得野香亭詩不克都爲一書爲憾適王生少雲自里來談次言及家有存本旣歸郵寄來鄂因亟命手民刊刷成帖與容齋詩先後頗頗俾覽是編者想見風雅一門之盛爰書巔末并諸簡首以誌拾

野香亭集

一

遺補缺之意云至其詩涵濡庭訓牢籠衆有自成一家新城澤州諸公之序已詳言之無庸鄙人贅述也歲次戊子孟夏月書於楚北薇垣之妙香山館平梁蒯德標識

野香亭集 丙寅稿

合肥李孚青丹壑撰

紫驢馬

紫驢如桃花春日躍錦韉赭尾懸蒲梢芳堤駝少年  
膊達爲微汗鼻敵因噴泉腰垂玳瑁鞍背掛珊瑚  
鞭過堤猶散錦廣埒常鋪錢有時舞筵能潛繫  
娼樓邊春光暗蹉跎柳絮拋新綿長嘶柳陰中相  
顧不得前

寶劍篇

野香亭集

丙寅

寶劍輕以長終日三摩挲寒飆清若水吐氣凌秋  
河玻璃飾其秘刻琢成龜鼉誰信破牌間偃蹇藏  
太阿當時棄原楚雜草兼刈禾光彩閼塵土蝕繡  
如衣衰神物有顯晦此恨良亦多塗之赤堇錫千  
載不復磨猶愧孟嘗客彈鋏宛轉歌

野田黃雀行

秋風吹平野棲禾滿前疇稭未及分黃雀聲啾  
啾方春桐始華責錢買畊牛耨草翻熱湯汗下如  
泉流刈獲不到家爾乃先相謀黃花開滿徑羽翼

不復週且待滌場日聚我窮欄陬笑爾腹有限不  
足丁養羞但聽啁啾聲戚戚生人愁

長相思

美人弄機杼織成錦繡段當牕有花樹對之互相  
按數尺織花條數尺織花幹數尺根與葉離離連  
復斷寄充君子裳此意良可見根株有時離絲理  
終不變

芙蕖

芙蕖何灼灼挺出汗泥中翠蓋承珠露澹漾香從

野香亭集

丙寅

二

風不識植根淺但見翻波紅我欲採爲衣襪積誰  
能縫寄言幽居人遠道難相從

石菖蒲

菖蒲生盤礪乃爲人所知幸得親君子剪伐亦不  
辭大氣噫爲風莖短不能吹鬱鬱山上松反有傾  
頽時徒矜所處高每爲當世嗤

蘭

茁茁秋蘭英種之在離房非敢象其德聊以薦馨  
香名爲人所忌以香禦不祥所以楚人佩往往充



素裳不見九畹花至今滿江湖

美人蕉

蕉花本窈窕枝葉亦翩翩一身任舒卷藉此心中  
丹棄之卽土苴愛之成琅玕微軀何足惜願結君  
子歡非不抱苦志長恐自植難秋風戒前途顧影  
徒辛酸

樹中草

陽春生氣蓄小草蒙天恩椿梧猶可活何必皆深  
根所恨託跡淺寄此喬木身甫幸受樾蔭謂可辭

野香亭集

丙寅

三

風塵一朝被剪伐遽與枯槁隣生物各有常皆得  
逢青春如何寄託殊榮落隨所親

上元前一日喜方楚邑歸自秦中

太華頻年久壯遊相逢已值換殘裘秦關雨雪人  
無恙淝水鶯花鬢未秋綠畝再尋南國隱斑衣應  
慰北堂愁春燈好共來朝看笑解金龜問酒樓

上巳南譙道中

細路紆廻入亂峯晴烟一抹望重重疎林布穀啼  
殘雨古寺桃花閉午鐘勝地幽人懷舊隱春程芳

艸記前踪登臨不盡蘭亭感滿目蒼涼倚碧松

早春漫興

松陰殘雪石堦平數畝幽居遠市城鰕菜沾唇忘  
薄俸魚書在手憶神京爐頭紅釀春初試匣底青  
萍冷欲鳴多病尋常渾不寐硯水新泮苦吟成

贈方楚邑

方子樂恬澹棲隱明遠臺近居繞修竹向湖松窓  
開畢歲窮一經寂寞不可道世事淮水流幽情滿  
秋艸掩卷惜青歲撫劍生雄心暮雪燕臺筑春風

野香亭集

丙寅

四

秦市琴中酒每夜歸探薇動盈把宿昔負氣骨豈  
能終牖下花落休文病山深种放眠未逢楊得意  
徒著子虛篇

春日送笑門歸岳猶

客有田園興翛然返舊廬春波淮水漫夜雨甓山  
踈紅杏新征旆青驪舊載書清和看漸近鷄黍待  
回車

薄遊秣陵客王太守江樓和岩公韻

烟柳依依雨乍收古津桃葉快名遊君苗旅咏慚

焚硯王粲鄉心正倚樓六代難尋芳艸夢三山猶  
挂夕陽愁登臨共欲謀深醉何惜千金質錦裘

秣陵南樓卽事示蔡龍文

南窓低雲氣亂山當樓東茗粥坐落日心清生晚  
鐘彈琴對流水飲酒憐春風十年不堪憶離合如  
轉蓬何當異鄉尋復話紅塵踪爲君一沉醉悠悠  
天地空

秦淮夜雨

雲壓鍾山黯不開茫茫烟樹怯登臺苦吟正爾愁

野香亭集

丙寅

五

春去不寐何當聽雨來半榻鄉心燈影亂六朝往  
事笛聲哀高樓作賦懷孫楚未肯飄零負酒杯

金陵雜書

三山門外接平蕪綠樹深園畫閣孤正是落花時  
節好鴛鴦夢穩莫愁湖

鳥聲淒切晚風聽隔岸峯峯遠黛青獨把一杯江  
渚上斷烟殘日指新亭

青山直上白雲層古刹登臨感廢興暮靄濛濛鴉  
路失松楸何處晉諸陵

野香亭集

文物銷沉王氣空牛羊散落後湖東西州西望無  
人處春暉年年發故宮

小艇橫斜蘆荻灣一竿空釣碧渥淥月明風細凭  
高望江令青溪謝傅山

麥浪初平布穀飛柳塘曾起鱖魚肥長干風日留  
人久典盡春衣不道歸

晚春旅愁

晚春愁旅食朝雨滯歸船斷續還鄉夢迷濛中酒  
天牛羊吳苑草松柏晉陵烟憑吊情何極登樓正

野香亭集

丙寅

六

黯然

釣魚臺

柳陰濃淡後湖津漁笛悠然入聽新寂寞空臺春  
卿綠垂綸江左是何人

慈湖早發

曉路黃山北驅車月在天典衣牛渚酒洗耳鴈門  
泉樵牧深村語麒麟廢塚眠空餘楊柳色猶鎖六  
朝烟

靈墟山中

亂石蒼松映翠微，丹陽湖畔柳依依。  
雲深漫訝無仙跡，時有凌空白鶴飛。

葛城道上

榆柳荒城綠正肥，江聲漸遠麥風微。  
問程已覺家山近，不帶春歸帶雨歸。

旅興

江上尋芳久，年光過落花。  
野雲衝鳥散，山店背溪斜。  
故國夢千里，舊遊天一涯。  
家園櫻筍候，歸及焙新茶。

野香亭集

丙寅

七

浦口留別

金陵酒正熟，坐惜青春深。  
醉後見歸雁，難爲江上心。  
煩憂暫一謝，餘樽堪再斟。  
疲馬嘶野水，旅途愁獨吟。  
別各無語，澹然但沾襟。  
莽莽紅塵外，岐路橫古今。  
孤烟出小市，山鳥喧空林。  
歸當蠶事畢，庭槐已濃陰。  
禾黍淨新雨，羣動生夏音。  
蘿徑須灑掃，待君幽聽琴。

歸途經田家作

暮春驅車出柳陰，未滿塘歸途經江臯。  
麥秀半人

長四郊遍，時插蠶時多採桑。  
耕者來逡巡，餉饁兼提筐。  
遊子倦道路，解鞍聊徜徉。  
風烟栗里村，水竹朝川莊。  
吟成欹旅枕，欲訪無何鄉。

贈梅山僧

塵海茫無着，梅山自往還。  
雲孤飛錫處，松冷閉門天。  
花雨生公法，鐘聲惠遠禪。  
他時乘暇訪，應在虎溪邊。

蟬

樹杪蟬聲早，風微送遠林。  
薄絲齊女鬢，幽怨蔡邕琴。

野香亭集

丙寅

八

琴清潔羞羣動，孤高托一吟。  
螳螂不相負，何事起機心。

蜂

園圃貞虫出，芳華晝景清。  
選香紗臂倦，釀蜜栗臺平。  
假子羣初引，眞仙飯已成。  
天寒房割罷，春事好經營。

蝶

雙蝶過簾鉤，飛飛傍畫樓。  
飲花迷雨醉，藉草臥風柔。  
夢幻疑莊叟，身輕笑魏收。  
夫君能傳粉，少婦莫

深愁

螢

腐艸成微火低飛避太陽讀書疑月影臨水亂星光雨殢明虛牖風流遶洞房隋家歌舞散舊苑夜蒼涼

蟻

寸土爲城府君臣大義留丸泥卜晴雨綠木養春秋天地原無碍干戈闢未休相邀滄海上戴粒笑熬遊

野香亭集

丙寅

九

蚓

踪跡渾難定蟠泥濕復行不令人易見自與世無爭具體龍跼小觀機出處清屈信隨賦性槁壤足平生

燕

弱影差池見烏衣舊感多翠翻高牖柳紅掠小溪荷絮說花三月雙棲錦一窠漢宮春色好莫向日南過

鶯

野香亭集

粧閣閒清晝如簀驚晏眠一簾紅墜雨萬柳綠爲天烟淨影時見風柔聲正圓王孫憐睨睨堤畔欲停鞭

鴛鴦

比翼芳洲上依依自一行交眠文梓月弄影水雲鄉明鏡思溫嶠空羅笑宋王纖纖畫樓女新繡合歡囊

杜鵑

望帝歸何處啼魂竟未休鶯花巫峽夢烟雨蜀江

野香亭集

丙寅

十

愁中夜傷紅粉他鄉感白頭春風三月暮憔悴怨高樓

題俞叟漁家樂圖

吳生已去無遺畫須江俞叟稱其亞十指慘淡走風雲往往不肯輕傳寫遨遊齊魯復幽燕鬚髮皤皤黃綺年廬舍荒涼三畝失歸家猶少杖頭錢荷香時候來金斗布衣百結露雨肘萍蹤蕭寺暫淹留繩床風雨蓮花漏乍驚邂逅芳樽前手把漁家樂一編波濤飄渺亂毫末疑在桃花源水邊一川

二六五

新綠平如掌，浴鳬飛鷺潮。初長七十二溪，何處求  
溟濛。却挂高堂上，烟消浦漱夕陽黃。漁人相逐柳  
陰傍，披叢橫楫歌還笑，弄笛乘流樂未央。網罟歷  
落鮮鱗起，東西舴艋鳴榔駛。魴鯉鱸鰖恣搜羅，盡  
日可得滿腥底。三三五五坐船梢，競採青荷次第  
包。換取濁醪謀一醉，睡酣不覺月輪高。披圖茫茫  
心目澈，此翁繪事真殊絕。我有吳綾一疋餘，憑君  
爲寫山陰雪。

表兄過山齋對飲兼懷昉思

野香亭集

丙寅

十一

蕭齋耐幽棲，好山日當牖。亭午罷攤書，松林理茶  
臼。短籬犬忽喧，荆扉聞小叩。呼童訊且迎，中親笑  
攜手。數晤少寒暄，隨意傾盃酒。鶯花及早春，江海  
思吾友。倦遊歸武林，貧交京國久。采葛賦三秋，清  
狂如舊否。吟醉快生平，刺促亦奚有。懷君思如何，  
微風吹楊柳。

次韻笑門登稻香樓

獵獵風蒲影來登，池上樓酒依金谷。數人似鏡湖  
遊遠，岫殘虹挂新鱗。細網收餘情，猶爛熳郢唱許。

相酬

清華寺卽事

步屨殘陽沒祇林，水一涯香厨初飯鷄。淺瀨正鳴  
蛙，坐裏晚鐘歇。醉餘新月斜，會看梅雨後。重過就  
荷花。

夜雨

隕色雨霏微，幽窓暑氣稀。涼侵紅燭院，細入白蕉  
衣。竹密螢時見，桐清鳥一飛。愁來更漏短，逸興欲  
何依。

野香亭集

丙寅

十二

獨坐忽聽此，令人凋素顏。那堪孤館裏，回憶十年  
間。街鼓徹深巷，寺鐘聞遠山。綠醅聊取醉，吟咏得  
清閒。

五日

令節當新雨，開筵傍竹池。棹歌來競渡，鳥語笑彈  
棋。楚客金螺酒，吳娘玉臂絲。絺衣風正爽，短笛欲  
橫吹。

廣華精舍

白氎風初試，紅榴雨乍涼。窺窓松鼠靜，散帙蠹魚



忙吟苦驚僧定談深換佛香  
龍堂尋舊蹟閒坐說  
蕭梁

月夜卽事

閒庭羣動息露坐對琴樽  
月色疎簾外泉聲修竹  
根山鐘涼過水魚舍夜開門  
此際長安道猶多車馬喧

長夏

長夏愛樓居宵涼讀道書  
雨侵桃簾冷竹暗水亭  
虛小市朝喧酒前溪夜捕魚  
不須尋栗里柳影在

野香亭集

丙寅

十二

吾廬

大悲蘭若贈獨朗禪人

幽棲通曲徑鳥外一亭偏  
隔竹望溪水出林生野  
烟舊巢猶見鶴新柳未聞蟬  
佳句多清曠疑從齊已傳

夏日閒居二首

槐陰梅雨暗西齋  
水釣山樵日夕佳  
林外橘亭疑楚頌  
牕前重迭得齊諧  
盤空賸有鹽如雪  
客到曾無酒似淮  
風景自能怡野性  
不教重憶洛陽街

野香亭集

石榴房老墜餘紅  
枕簾琴書閉戶中  
野稻青針初刺眼  
新蟬綠鬢早吟風  
馬卿遊倦家徒落  
潘岳居閒賦自工  
獨盡孤樽深竹晚  
牕鷄淡罷月輪東

雜興

百尺桐陰直追涼  
獨坐閒城臨秋水  
岸樓枕夕陽山竹  
塢樵人往田家社  
酒還池蓮新得雨  
紅到綠楊灣

採蓮曲

風緊蕩舟疾落日  
滿漁浦蓮葉深不  
開烟中聞笑語

野香亭集

丙寅

十四

語

金釧映羅衣輕橈破浪微  
霧迷恐相失隔柳喚同歸

筮者

未作良夫御蹢躅出市村  
世人皆欲笑難遇趙平原

酬張秀才見贈卽送南游

佳句凌江鮑相貽  
慰索居未達宣室召  
空著廣川書山月寒  
彈鋏牕燈夜剪蔬  
家貧嗟失意愁釣富



春魚

離緒苦難道殷勤勸一卮十年成此會千里又何  
之驢背湖田遠蟬聲野日遲文高空白眼誰識重  
丘爲

七夕

池涼華露重簾捲絳河秋漢女金針巧班姬畫扇  
愁月斜迴輦路香散曝衣樓一水何能隔年年有  
蓐收

雨

野香亭集

丙寅

十五

瀟瀟不可聽况復在貧居土潤蟻無穴槐涼蟬欲  
疎濕雲愁雁羽舊夢記僧廬郭外溪應滿來朝看  
打魚

立秋日郭外避暑作兼懷友人

巖阿寂寞事樵漁一葉驚看下來居野水平田秧  
綠遍紡燈比屋女紅初風生竹籟衣裳薄露滴松  
廳絡緯踈惆悵關河烟草暮飄零王粲未回車

秋夜飲洪以時西齋

竹逕秋燈接行過處士家樽前明月夜簾外小山

花適興成賓主當杯感歲華陳遵正投轄街鼓莫  
頻擣

送洪以時楚遊

霜氣初凝散曉烟深杯相送白雲天平蕪秋色愁  
嘶馬遠道離情托贈鞭十里青山樊口酒半江黃  
葉武昌船大堤曲與襄陽樂風日留人可判年

送王廷徵訪友吳門兼訊江陰陸明府

吳門遊子懷鄉切浩歌揚袂惜離別滿堂秋氣意  
無窮琵琶嘈嘈彈西風綠樽未盡行上馬長揖言

野香亭集

丙寅

十六

尋臯伯通十載倦遊悲暮景壯心蹉跎寶刀冷寒  
雨瀟瀟江路遙青山滿目愁形影年過五十憐無  
成湖田就荒鬢雪生賀循船中訂膠漆潮平穩渡  
輕帆疾石乳堪烹柳毅泉霜林小橋洞庭橘清河  
公子暨陽守平生金石貧交久若話烟霞及故人  
憑君能寄新吟否

友人送酒

門巷秋光正可憐故人忽送酒如泉沾唇玉液蓄  
薇細瀉盞黃柑琥珀圓陶令何慚籬下菊阮生不

費杖頭錢蘆洲日落漁翁過應有鮮鱗到席邊

送張秀才歸杭州

襤被秋風野日懸鱸魚時節惜離筵王侯上客淳  
于貴閭巷諸生季次賢南岸黃花驅馬路西陵紅  
樹渡江天移家烟水憐棲託重感臨岐淚灑箋

清華蘭若贈僧

寒霧初消白社晴閒聽寶月說無生翻殘貝葉山  
衣破咒遍蓮花菜骨輕洞口虎眠松子落潭中龍  
靜竹風清自憐躑躅風塵裏心折斜陽磬一聲

野香亭集

丙寅

十七

臥病

寒雨鳴虫候窮秋伏枕情貧妻諳藥裏小豎事茶  
鑪栗里閒吟減吳興太瘦生癭床愁不寐無暇理  
杯甕

題徐明府茅屋壁

隣竝頻相過柴門竹樹連有時偕野步間日乞清  
泉入口銀絲鱸醃顏藥玉船秋來新雨足聞已熟  
湖田

送查信斯

野香亭集

送遠勞樽酒天寒賦綠波山川銷黑髮風雪渡黃  
河野戍晨炊少荒原暮獵多牢騷攜短筆何處寫  
悲歌

野香亭集

丙寅

十八

野香亭集

丁卯稿

合肥李孚青丹壑撰

雜詩

晨風清四野獨上南湖山  
山中芳桂榮絕巘不可攀  
仙人挾素書招我青霞間  
靈文辨天衢御神指崇壇  
長塗橫兩岐虎豹守九關  
前矚伸孤企返顧寡羽翰  
日暮寒飈吹海水生微瀾  
道路榮荊榛原野浩漫漫  
所期勵貞信遙念青雲端  
衝飈晚凌厲迢迢東海舟  
龍鼉翼逝楫蛟龍擁前

野香亭集

丁卯

旂三山邈難卽但覺天地浮  
黃金百常觀元玉千似樓林  
端綠髮翁珮璫鳴琳瑯問我  
在濁世寧復憶浮丘攀岩記  
風律藉蕙陳錫卣日月如雙  
丸旋運若環軸服氣煉金骨  
方擬鴻濛游

題松雪圖

白雪不擇地挂之長松間  
長松儻蒼蒼疑在青城山  
素練風蕭瑟皎皎照寒月  
道人畫未成十指盡冰裂  
從來凌雲姿每在拳拳時  
歲寒得本性觀者知不知

吳趨曲

黃梅雨歇蓮瓣紅維舟正近吳王宮  
主人好飲能醉客酒盞傾來露華白  
官街鼓起靜不譁人影滿堦花枝斜  
吳宮泰娘巷南住有客醉歸墮鞭去

行路難

君不見伍子胥吹簫吳市悲流離  
君不見蘇季子黃金用盡那得仕  
自古丈夫作事難少年磊落空長嘆  
春風吹雨梅花殘夏風吹雨梅子殷

懷蔣岐吉

野香亭集

丁卯

梅風洒南窗火魚漾池曲倚檻懷友朋  
渺焉隔淮服結想越江沚屬念企鴻鵠  
分袂歷九秋廻腸詎三宿柏野稀故紅  
蘭皋遍新綠伊予復何事滯淫在江麓  
意得却炎涼道直忘寵辱但此念斷金  
豈獨想憂玉釜煮笠澤蕓書削洞庭竹  
欲放千里棹芳草正迷目

古意

暇豫感修日園柳暗老春東風吹前池  
散此冰上鱗條柔變鳴鵲鹿角摧爲薪  
坐觀物候殊萬感皆

紛綸桃李亦有花竹箭亦有筠端居閬顏色此意  
難重陳

山人採芝歌

青山窈窕春復春入山便見山中人終年學道還  
採薪醉來便臥青溪濱危崖結茅澗水落返景蒼  
茫照林薄幽禽拾翠向晚風野鹿啣花傍烟閣從  
來三秀產石泉仙家種芝如種秔商山老翁好吟  
咏尙留一卷採芝篇我欲從君入山去烏帽青鞋  
領佳趣白雲一片嶺頭橫問君艸堂在何處

野香亭集

丁卯

三

擬古

楚楚蜉蝣生芊芊蘭若繁踰時不再見過者寧復  
存茲理在終古小大詎異倫嵯峨朱樓上忽焉生  
網塵激越絲管中薤露增酸辛榮華易彫落智士  
安所論長懷餐霞姿飄飄入青雲

擬曹攄思友人詩

園景曜東壁驚風廻西山懸象代卷舒四時推以  
闌俯察清泉涌仰視嘉卉殷瞻茲同心人踟躕不  
能言夙昔過我廬朔風吹嚴寒繁情歎中夜相顧

有餘歡鳴琴宛在御飛爵紛未閒明月垂廣庭華  
鐙散重關君侯抱軼才文彩颺奇翰連宵賦中情  
微曙誰知還輕水隨漸流羣翮揚風搏乖人易鬱  
紆感嘆無由宣願言崇令德努力長加餐

古寺懷人

靈鷲何崔嵬置之浮雲端扶筇數登陟爲訪心所  
歡幽徑竹風涼閒堂鳥雀喧茶竈烟霏微烹此南  
澗泉夫君本名彥寄跡匡廬間華文過純錦彩筆  
如巨椽窮冬來廬江晚歲游剡川所至便泥飲曲

野香亭集

丁卯

四

徑長牽攀放鶴杳未歸云在毛公顙佇立起遙思  
但見飛鳥還

少年行

少年自喜盛裘馬翩翩得意風塵下逐獵惟矜狐  
兔肥出門不識牛羊價尋春南陌復西樓琴瑟罷  
琵琶打毬官吏平交盡傾倒主人新拜富平侯江  
干花柳多酒市城中無景與方比頻向爐頭買笑  
歌十千豈復云奢侈行樂流連暮與朝杏園來去  
月輪高醉歸不顧金吾禁燭滅難忘弄玉簫但得

新聲有衛鄭纒頭可舉銅山贈但得常時遊狹斜  
安用區區營室家杯槃狼籍那卽罷縱博酣呼夜  
專夜仲蔚蓬蒿何足論焦先窮凍奚爲者春光淡  
蕩歡未已壯歲還思曳金紫富貴從來止一生古  
人空惜身後名

讀史

莊哉一汲黯氣節本其真倨傲喜游俠談笑傍無  
人臥治說東海年餘頌聲頻上聞拜主爵朝野稱  
直臣修潔在絕俗犯顏寧愛身不爲將軍下詎畏

野香亭集

丁卯

五

廷尉嘆丈夫當如此英風留千春碌碌公孫弘安  
可與比倫

游仙詩

曠懷天地小寄興在游仙溟海環洲島崑崙秘洞  
天蓬丘弱水外瑤圃閬風顛石闕銀鏤榜璇宮玉  
斲椽星冠暎曜髮霞錦染香荃麈尾麟鬚拂繩床  
鳥毳氎松脂食翠鬣水瀕煉丹鉛神鼎烹金液天  
池酌醴泉紫梨甘似蜜碧李大于拳飛駕驂孤鶴  
虛舟泛採蓮蘆刀割棗實朱草種芝田鹿老皆千

歲花開卽百年圍棋驚橘剖賣藥喜壺懸管發雲  
璈響膏添海肺燃鮫魚腥莫辨桃核瓣空鑄換骨  
終疑鎖睇毛豈憚羶有腸堪拱鼠能蛻羨鳴蟬吹  
火爐難候丸泥穴未埏擬從飛鳥去欲向醉鄉眠  
跪進黃公履行隨白石船相期羨門子早使秘書  
傳

明妃曲

白題新舞月中看衰草高原野燒殘却憶漢宮深  
夜飲雙鳧紅蠟照銅盤

野香亭集

丁卯

六

江南曲

江上柳如烟輕舟出前浦泝潮遠相迎那能復作  
苦

寒山雲不斷綠樹遠依依日暮水波急清江獨浣  
衣

定情詩

鴈字還傳錦魚車應有書憑將一尺素裁作合歡  
襦

薊北雲程遠江南花信遙願隨今夜夢還上舊河



橋

邦溝

邦溝女郎不解愁三十四學梳頭粧成閣下調  
鸚鵡問汝南來是幾秋

青樓曲

銀塘晚酌倚殘醺起看游魚織水紋幾點落花風  
過處暗將團扇掩羅裙

前有一樽酒行

前有一樽酒主人起爲壽金杯進綺筵相對願長

野香亭集

丁卯

七

久一祝主人富牛馬滿田廐再祝主人貴青紫擁  
高位三祝主人年松喬當比肩滄海有時淺此歡  
不可斷

元夕程漢赤招飲

春空蟾滿天如水熒煌火樹千門裡人間樂事重  
元宵六街踏月香塵起西園公子愛留賓竹林之  
下茅亭新相逢長揖縱談笑世途禮法何須論晶  
盤翠釜出珍錯銀瓶迸瀉琉璃落平原十日感當  
深厚于一石情難却逡巡不計酒籌多鵬鼓鵝笙

簾下歌白首何戡傷短柱紅顏蘇小怨雙蛾剪綵

爲燈竹樹遍水池映月光如練夜色迷濛人不寒

年光又已梅花綻銀蠟燭殘凡幾更披襟促坐話

平生鶯花滿眼會應數春風婪尾時相迎遙遙漏

水催壺箭晚烟欲燼杯槃倦鷄聲客散月仍高香

車阿那遺金鈿多君年少氣稜稜文采風流一郡

稱他時會賜紅綾餅同看春明結綵燈

神女宛轉歌

羅括續齊諧記語

吳江月新吐會稽少年泊舟處渚寒亭空四無人

野香亭集

丁卯

八

清歌未了琴聲新琴聲淒切續復斷霜華繁兮夜  
欲半戶外依稀若有聞悄立雙鬟霧中見輕歛紅  
袖前致辭爲言女郎二八時風便聆君暢操美偶  
因冥契通相思逡巡已共仙姝至雪膚花貌神如  
水信手聊彈一再行纖指冷澁和且清中散沒後  
眞傳絕人間不曾有此聲殷勤更奏遲風起登歌  
白雪何足擬指滑調諧疾復徐絕勝當年慶安世  
江清沙冷看斜漢撫絃不語動長歎閒携斗酒話  
良宵小婢篴篴着意調金釵緩扣情無限歷歷繁



音宛轉嬌欹斜寶髻翠蛾顰芙蓉帳暖醉和春情  
重一身應不惜採桑陌上是何人曉雞齊唱動寒  
江枕畔俄驚鐘漸撞繞梁窺井愁難共錦被香囊  
珮一雙把袂叮嚀頻掩淚火籠玉琴感君意旅途  
邂逅念平生荒涼十六年中事飄零佳遇倍難忘  
憶到西軒欲斷腸翠幄象牀從此隔解維月落天  
茫茫

漫興

幽人高臥白雲邊微雨瀟瀟壓爨烟日午騎驢入

野香亭集

丁卯

九

城郭紅塵不到帽簷前

題麻姑進酒圖

仙釀新成泛玉瓶霧裾瓊珮立亭亭須知一瞬三  
千歲莫向人間戲蔡經

咏鵝

漠漠烟蕪蔓艸平霜毛玉羽愛羣鳴自辭懸瓠城  
邊雪嬾向唐家博水衡

梅花和韻

積雪長江水不流梅花萬樹滿江樓丹霞點額宮

閨遠明月吹簫關塞愁何日故人來庾嶺此時舊  
吏想揚州老僧爲羨瓊英好翻向慈恩感昔遊

遊朝霞山

春水平橋路欲無數聲橫笛一舟孤夕陽隔岸遊  
人少芳艸連山叫鷓鴣

清波一路泛輕舸幾處秧車落日高屋角農家蠶  
正熟池南池北種櫻桃

春日郊行

嵐氣拂山開波光逐浪廻隔林鐘響絕雲外一僧

野香亭集

丁卯

十

來

無題

簾外朱樓隔畫橋繡餘欹枕得閒宵送春何急嫌  
鶯囀繫馬無情怨柳條杏子衫爐銀鴨煖鼠姑房  
冷翠鸞搖半牕幽夢初驚後腸斷西鄰月夜簫

春遊詞四首

春水此揚舫當筵醉復醒花潭含藻綠松嶺帶烟  
青簫管廻雲幄衣裳濕翠屏扣舷無限意長嘯入  
滄溟

垂綸懷曩哲把酒對名山老樹披雲近孤花拂徑  
閒暮樵逢谷口清磬落巖間不盡登臨興携筇任  
往還  
放棹尋歸路幽情遠近生山光臨几淨波色蕩沙  
明鷗弄春蒲細魚跳水荇清前溪紛落照疑入小  
蓬瀛  
古寺圍蒼木人家出畫橋松門環水檻江雨散春  
條鷗鷺依沙穩亭臺入鏡搖深溪經百轉歸路莫  
辭遙

野香亭集

丁卯

十一

題畫

蒼松茅屋萬峯尖僻逕無人風勢嚴昨夜前山作  
寒雨曉來溪水一篙添

野香亭

草亭臨水菜花繁鷄犬悠然自一村石榻無人清  
夢覺鷓鴣啼遍不開門

夾竹桃

北牖欣相對天天帶雨生刻鳩堪作杖織簾可名  
笙葉瘦宜藏蝶枝柔不住鶯武陵漁父隱新訂七

賢盟

漁舍

如茵芳艸綠晴沙桑柘深村一徑斜雨過板橋春  
水活小桃花裡賣魚家

酬友人惠酒

五柳先生吟未休王弘雅意送新篋繩床一醉臨  
風臥目署人間麴院侯

送義上之須江

不避炎蒸賦別筵薰風正值芰荷天匣中孤劍藏

野香亭集

丁卯

十二

三尺囊裡殘書出半肩須塢蟬聲沽酒處龍潭柳  
色落帆前夜涼吹笛潮初長湖岸無人月滿船

贈吳秋林

小山叢桂開淮右流水雙橋跨敬亭學得華山高  
臥法不須深羨伍喬星

晚步

落日在山山在庭黃梅雨過微風生一天涼靄見  
虹掛數里幽篁惟鳥鳴獨立小橋看晚漲偶逢隣  
叟談新晴此翁久與俗情淡聊爲修琴還入城

中元

青蓮光霽月初升法座巍然講大乘  
花果幡幢供佛罷寺門秋水散荷燈

次韻笑門久雨

暑盡秋霖重槐花濕更飄鄉心生蟋蟀  
旅草寄芭蕉舊酒貧交過新涼肺病消  
烟深香積暮清磬起僧寮

憶田家

田家曾信宿野老善忘機明月沽村酒  
輕風掩竹

野香亭集

丁卯

十三

屏晨裝雞唱遠秋塞鴈行稀應念乘車客  
今朝歸未歸

晚興

卿堂容樂志菊滿酒如澠力杵烟村月鳴梭  
竹屋燈雨頻秋稼少湖濶夜漁增門徑疎車轍  
蕭然似越僧

寄周山人東會

飄泊南徐客艱難少定蹤荆溪門外水句曲  
檻前峯性喜隨猿鶴名難上鼎鐘孝廉黃叔度  
道義郭

林宗結艸惟栽柳耕巖欲賃春鬢毛霜已遍消息  
雁無逢酒熟開籬菊吟多老牖松十年成底事相  
憶愧塵容

秋水

秋水菱芡熟漁家都傍河採菱沽濁酒今日賣魚  
多

石季倫

身沒財誰有雲荒金谷春傷心歌舞隊幾個墜樓  
人

野香亭集

丁卯

十四

送表弟歸永城

飲盡壚頭酒歸途柳正黃曉寒山市火古路菜田  
霜流寓憐清洛誅茅念射陽青雲期努力莫任馬  
蹄忙

樓居懷笑門

樓高斜景去簾捲薄寒侵靜對一牕月忽來何處  
砧酒聲留客晚秋樹閉門深百尺誰同臥懷人泗  
水潯

郊行

寓目秋原外，荒荒野燒生。急流雙槳去，斷嶺一僧行。暮獵圍殘雪，春犁破晚晴。歸鴉飛欲倦，還傍舊巢鳴。

晚眺

平野炊烟盡，南山澹落暉。天清飛鳥疾，秋冷採菱稀。籬短將移菊，瓶空欲典衣。柴扉閒不閉，坐待晚樵歸。

贈樂瑾友

秋聽閉夕陽，不厭村酒濁。薄醉行且歌，漢書挂牛角。

野香亭集

丁卯

廿五

角

晚歸

水落殘秋日，易斜溪頭開。盡木奴花數竿，苦竹王猷宅一片。寒峯謝朓家，買酒已逢村散市。穿林早見月，侵沙歸遲非是南山獵。醉尉無須問鹿車。

徐公佑送雙橙賦謝

雙翠殘秋得，携歸滿袖鮮。眞憐霜落後，忽到酒醒邊。香帶荊州露，枝留白帝烟。殷勤相贈意，應勝洞庭圖。

野香亭集

晚秋和徐公佑過張季文南畝宴集之作

木落城南野，燒繁鹿門居士愛。丘樊晴郊閒，荷劉伶鍾孤逕。初開仲蔚園，社後偏宜謀。醕酌花前不用論，寒暄習池已羨山翁醉。早晚還期竹下樽。

鴈

衡陽秋晚楚弓鳴，遠陣霜天濶不驚。高柳門邊南北路，孝王池上稻梁情。書遲玉塞重雲影，夢斷紅樓五夜聲。辛苦銜蘆飛更落，飄零烟水念平生。

秋日王堯聞宅對酒

野香亭集

丁卯

十六

相招殘雨後，蟋蟀亂離根。落日林逋鶴，秋風仲蔚園。交情孤劍在，酒債敝裘存。底事愁回首，蕭蕭葉正翻。

秋熱懷楚邑

江南秋尚熱，絺綌猶在體。風景疑芳春，開花到桃李。出戶懶巾櫛，隱几廢書史。坐臥一牕中，孤吟與獨醉。方生青雲器，耕讀鮑臺址。經時尺素稀，悠然動遐企。

秋興

草閣凋桐葉魚梁放酒船  
隔溪聽水碓落日見人烟  
往事雲俱去新愁雁共還  
漸看初月上已近竹林邊

徐公佑爲巢湖之遊詩以寄之

霜寒蝦菜美寂寞對秋天  
偶見雨中菊因思湖上田  
沙清楓葉路風細榜師船  
不遇顏光祿誰爲送酒錢

何事山翁興偏宜在習池  
自就漁棹疾應笑鹿車  
遲村市殘烟裡鷄豚落日  
時鳴榔初舉網可寄石

野香亭集

丁卯

十七

魚詩

訪公佑不遇

秋霜寒野逕日午叩雲關  
不對滿籬菊去遊何處山  
烟銷鷄犬靜牕閑竹松閒  
未遇孫登話空聽長嘯還

九日次韻蒼存

好節憑誰醉天寒葦戶貧  
茱萸催少賤文字老艱辛  
葉似隨風帽花疑送酒人  
龍山何處是落日欲傷神

九日短歌

西風瘦庭樹籬菊黃金錢  
夕景急飛鳥水綠浮秋烟  
黍香酒熟蟹初肥柴桑居士  
醉不歸閒共漁樵開口笑已  
看山月挂松扉

霜降日有感

馴見霜威動豐山秋箭殘  
燕雲愁白鴈宮錦記黃盤  
蕭殺鐘聲應飄零木葉乾  
謝公佳咏在吟罷夕天寒

遣興

野香亭集

丁卯

十八

坐裏年光疾繁霜接早冬  
蟹肥叢菊酒龍老著書  
松村雨寒收稻山風夜散  
鐘無眠支木枕牆角有哀蛩

答內人贈別

霜高殘菊後欲發轉躊躇  
弱息憐牽袂高堂念倚閭  
曉鐘醒別酒凍柳拂行車  
莫以煩憂劇尊漳間侍疎

出門行

曉鷄角角大星沒行人治裝  
向殘月卿堂罷酒離



憂長開門鴉啼天有霜回首殷勤語僮僕耕耨莫  
使湖田荒楓林日高炊烟早雲外茫茫廣陵道旅  
思不愁凋朱顏前途應上南徐山

之南徐留別諸親故二首

寒城霜氣老芙蓉解袂匆匆怨曉鐘小別頓愁違  
巷北浪游未卜遇臨邛離情墜雨歌三疊遠道停  
雲意萬重携出輕裝何所有白藤書笈一枝筇  
楓林不斷日初斜浦外村砧暮景賒樽酒但慚勞  
組綬風塵猶恐遠烟霞路通京口山如畫秋盡揚

野香亭集

丁卯

十九

州雪似花正馬江濱莫惆悵鴈行應是到天涯

柴家岡曉發

村犬啁啾晨光生行人上岡岡不平符融城外酸  
風重白驢疲鳴打不動楓林蕭颯愁殺人寶刀匣  
冷霜花凍土屋殘燈曉尚明三家兩家開戶聲一  
鞭裊裊向前去烟中漸近南譙路

白酒岡

古路猶傳釀酒家沾唇已勝白鼉茶一卮不解相  
如渴安得全開頓遜花

野香亭集

石塘道中

廢壘炊烟三兩家曉曉初日散棲鴉小春時候江  
村暖猶見南譙九月花

譙城道上

地濶巾車緩褰帷飽看山樹凋饑鵲叫村暖午鷄  
閒兒女生新夢風塵侮故顏親廬行漸遠回首白  
雲間

鳳凰山早發

鳳凰何代至山有鳳凰名上嶺孤城小臨河細路

野香亭集

丁卯

二十

平斷橋紅柿合初日紫貂輕漸近靈巖道茫然攬  
轡情

全椒旅宿

躋攀情浩蕩憑吊動深嗟野火林中盡長河店外  
斜縣樓峯四面城柝月千家記得經行處春愁見  
杏花

葛城旅宿

小溪杉作架野寺石爲牆江口留殘堞茅峯下夕  
陽輪蹄長坂亂狐兔古墳荒暫喜征衣解新柑惹

袖香

次韻楚邑揚州覽古

煬帝繁華青史空荆榛何處舊離宮瓊花不傍雷  
塘土楊柳猶生殿脚風斗野月光江浪白竹西燈  
影酒樓紅蕪城賦好愁難讀往事荒涼一笛中

揚州雜咏

廣陵風物耐淹留楊柳青黃似早秋帝子高樓波  
去疾宮人香塚月明愁河邊酒舍歌初起夜半商  
船火未收身遠又逢鴻雁少鄉心無盡水悠悠

野香亭集

丁卯

二十一

渡口烟消散暮鴉官河依舊傍寒沙雲中白雁來  
迷路枕上青山夢到家吊古惟勞銀不律斷腸豈  
獨玉鉤斜興亡已繫羈人感况復淒清對葦花  
當年政治古風存建節全憑宰相尊堤樹已凋開  
府里渚田猶傍故侯村木蘭不厭鐘前飯玉洞還  
酣雪後樽惆悵精靈來往路蕪城無主又黃昏  
樊川佳興句猶傳廿四橋基阿那邊一代繁華消  
浩劫百年烽火變炊烟興臺錦繡墟頭酒商女琵琶  
月下船却過邗溝觀舊壘射陽湖北艸連天

輕揚風俗四時春倦客追遊已浹旬自古魚鹽稱  
澤國于今衣馬盡游民夜長橋月猶堪步漏靜街  
燈尙有人王粲離家雖寂寞山川佳麗不妨貧  
夢斷寒枝曉鵲催暫拋塵事一登臺平蕪杳杳參  
軍賦高閣依依水部梅畫角又生城闕日玉簫偏  
入古今哀琴書擬作南徐客滿目風霜首重回

觀射

綠弦風勁凍雲低撚箭爭誇五善齊天外射聲鵬  
已得區區何足中山鷄

野香亭集

丁卯

二十二

廣陵聽雨與楚邑

瀟瀟能阻夢颯颯欲吹襟冬暖不成雪夜長還有  
砧聲跼南畝業迢遞北堂心明日紅橋路天晴且  
共尋

旅思

晚景好維舟閒遊動旅愁檣枝殘謝宅艸色上迷  
樓歲月過黃葉風塵笑黑裘平山堂外月寂寞吊  
千秋

望金山作

頭陀畱勝槩空半出峯巒江濶客舟緩潮來僧夢  
寒東南天一柱吳楚地千盤烟水愁蕭索中流眼  
倦看

瓜洲夜泊

漂泊杜司勳愁多酒不釀蘆荒瓜步月舟對蒜山  
雲漁火寒初着鄰簫細可聞那堪事行役歲暮在  
江濱

梅花

牕外垂垂素影沉羅浮寒盡不成陰師雄覺後香

野香亭集

丁卯

二十三

初入和靖歸來雪正深對酒祇疑青鳥喚巡簷何  
事白驢尋橫斜慣逗春風信偏繫揚州水部心

丁卯稿

終

丹壑先生天才最高下筆妙天下編年詩二卷蘊  
藉深秀於語言文字外超然獨絕讀之百過不厭  
一唱三嘆猶有餘音也海鹽彭孫適

野香亭集

彭啟

十一

野香亭集 戊辰稿

合肥李孚青丹壑撰

澗底松

松生澗底青蓋圓含冰負雪凡幾年山深路僻少  
人識俯仰六合成棄捐建章三月火光亂椽如頰  
玉柱如炭名工裹食求棟梁白木枯桑卽強幹美  
材不在賞奇姿徒爾爲孤立鬼相笑靜處神獨悲  
吁嗟乎但蒙顧盼受雕刻何辭斧伐根株移澗底  
松誰其知

野香亭集

戊辰

十一

空城雀

紇干山頭夏已雪啾啾黃雀裂毛骨提挈齊尋生  
處安空城雖空猶勝寒徘徊四面無他鳥女牆古  
木作巢好老者戀雛甘忍饑尋常不敢田頭飛蓬  
蒿伏處計亦得儔侶縱是家鄉非自矜暫脫網羅  
患又畏牧童帶弓箭請君試看村莊鷄雛間飽食  
隨意啼

行路難

君不見蓬萊弱水流千春一朝乾淺飛埃塵金石

偏宜紫芝侶繁華不逐黃泉人史雲釜魚窮到骨  
何曾萬錢過眼沒身世邯鄲一枕中華門綉闥同  
彫歇行路難悲西東原嘗春陵吾其從酒闌歌促  
無次第令人腸斷袁山松

固城道上

古柳愁人過灞橋亂山殘日馬蕭蕭燕南不似江  
南暖二月中旬雪未消

呂仙祠二首

黃土紅塵生死場茫茫何處覓慈航山川未老人

野香亭集

戊辰

十一

頻換不是盧生鬢亦霜  
輪蓋奔馳逐利名晨鐘暮鼓怨勞生世人盡作盧  
生夢未識盧生醒後情

次韻仲符郊外書事

兔葵燕麥新來肥風和已見蝴蝶飛攤書高臥罷  
通謁野性終與人情違往事逝波那可問舊栽小  
柳都成圍坐惜塵埃浣顏色奚必五十方知非趙  
郎打門一握手郊原聊試金鞭揮故園池臺渺雲  
樹眼前景物猶依稀馬蹄行緩已向夕倒懸初月

開林霏暫息喧闐共語笑拂衣棲託誰知幾薄宦  
浮名有底急五湖鰕菜思人歸督郵未醉對床話  
無眠苦憶南山屏

題白六吉寫真二首

鐵鏡丹砂混市人上池金液不妨貧涪江春暖堪  
垂釣誰遣先生到軟塵

逐虎鳴雌抵掌間支筇揮塵駐蒼顏爐灰畫盡神  
仙少應共名僧隱華山

御溝新柳

野香亭集

戊辰

三

春色通新柳清陰夾御溝葉舒堪冒蝶條弱不勝  
鳩浪隔鴛鴦瓦絲牽翡翠樓風前涵帝澤雨外拂  
龍舟鐘動烟初合鴉啼露未收依依宮禁畔詎管  
別離愁

獨坐

深夜春風寒梨花澹如雪但聞簾外香不知上明  
月

清明日郊園卽事

日高九衢塵飛揚勞人無復知春光蘊鹽寂寞計

野香亭集

仍左攤書抱膝心傍隍門前兒童拍手笑柳枝亂  
挿黃金長不因百舌呼早起何由走馬城南莊雉  
堞過盡粉垣出短籬紆折榆兩行鄰雞報午景愈  
靜亭高白晝花茫茫槐葉冷淘坐無事樽中酒味  
如建康櫻桃風細麥苗茁茁鳴鳩乳燕聲低昂踏歌  
闌草各取適牙牌棋局紛鋪張石屏松澗寄幽興  
題詩未了行千觴傍林人影太匆遽誰家油壁催  
斜陽碧山白雲宛相似江淮回首天蒼涼歸來月  
色粲萬瓦薄寒吹面街凝霜

野香亭集

戊辰

四

清明日小集妙光閣和韻  
冷食憐閒晝香陀騎暫停舊愁連上巳新火試中  
冷石磬蓮花咒繩床貝葉經樓高山到眼渾似佛  
頭青

徐公佑招飲僧寮卽事

徐孺僧窓一榻寬鶯花三月未全看紅塵少有棲  
遲地白社聊爲故舊歡竹院棋聲殘雨細松龕燈  
火晚鐘寒貧交寂寞惟君健感激思彈貢氏冠  
次韻伸符雨中見懷

二八三



竹齋聽雨情無那角枕閒欹北牖風趙隱新詩堪  
過日比鄰真似住西東

中酒

傾盡花前白玉壺何妨倒載過街衢夢酣却被鶯  
催起恐有時苗刻木呼

上巳

芳時無事早休衙人說楊昌酒易賒新月初黃莫  
辭醉錢龍宴上女如花

病起

病起怯勞悴雅欲尋自然向夕喜疎放一榻當窓  
眠繁星失孤月行潦渾清泉應知茂陵客寂寞誰  
相憐

喜雨

闐闐雷忽動祈祈雲欲平微涼颯然至雨色迷高  
城引領眺西山蒼翠難爲名平蕪滌塵土清曠辨  
神京空濛壓郊郭直覺東南傾久負三農望中疇  
欣初盈貧交一二輩杯酒聊娛情太息趙與李漏  
微車未停美睡不知醒身外非所營

野香亭集

戊辰

五

短歌行

短歌復短歌不樂將奈何往事如隔世舊遊成逝  
波故人丹霄落勸酬金叵羅踞坐樓上牀相向容  
顏酡青紫與巖壑出處兩蹉跎蓬萊水三淺飯頃  
千年過昨日桃李花今成空枝柯雙轅駕疲馬相  
悞良已多短歌復短歌不樂將奈何

月夜

春樹已變枝春月兩回白不免費杖頭時時會賓  
客醉卽濡髮書亦復愛周易殘鐘醒未眠鄉心動

野香亭集

戊辰

六

遙夕

病中懷從弟碧

小病不須親藥裹布衾木枕每生愁道傍作舍知  
難就好語常思馬少游

刺促行

男兒志願老未灰望塵懷刺誰爲媒士生世間應  
爾耳傍人勿復多疑猜衣輕策肥歲月速低何豈  
不思爛熟前路幽險悲一身王陽孝子尊忠臣

送夏履端落第南歸四首

楊花零落鴈門西，雨外平蕪草色齊。今日送春兼  
送客，鄉心愁殺杜鵑啼。  
騎驢失笑空塵土，賦不趨時眼孰青。潦倒布衣裾  
懶曳，等閒怕啖五侯鯖。  
孝廉四十路猶窮，拂袖言歸一畝宮。腸斷蘆溝橋  
上月，柘枝新舞怨黃通。  
人中原憲貧非病，襤被毋嗟失意回。一葉到門湖  
水碧，蜀山無恙草堂開。

郊行二首

野香亭集

戊辰

七

撩亂鄉愁穀雨天，短筇閒挂阮孚錢。一驢駝去楊  
花裡，酒旆闌村樹兩邊。  
日長桑柘正蠶眠，三月家家放紙鳶。倍憶山窓兔  
園冊，春泥黃犢學耕田。

題槐樹

一蓋冥冥卽鄧林，步檐垂蔭薄涼侵。鳥聲懊惱春  
何疾，兔目紛披晝欲陰。把盞不辭晨夕坐，臨風如  
和短長吟。東陽廢後無聊甚，生意婆娑寄感深。  
次韻趙秋谷同年

野香亭集

田家望歲祝豚蹄，新雨俄生草閣西。坐裡羈愁鶯  
語老，春前鄉思柳條齊。招携不用籃輿舁，過從無  
妨展齒泥。紅藥正開山簡醉，接鄰倒着莫相迷。

客思柬秋谷

苦茗沉香費朗吟，韶華又老栗留音。黃塵十一年  
中面，白髮三千里外心。岸上牽船聊當屋，窓前種  
竹欲成林。聞君春甕床頭注，爲遣長鬚乞共斟。

送阮巖公歸石頭

阮籍途窮厭往還，風塵憔悴變紅顏。文人氣骨貧

野香亭集

戊辰

八

猶傲蕩子交游老，未閒南國荒鷄中。夜夢秣陵殘  
日六朝山，江鄉風景憐無恙。櫻筍歸時好閉關。

送玉少歸里二首

之子青雲器，時艱暫息機。家貧爲客早，年少識人  
稀。未滿相如志，空憐曼倩饑。遲迴無一可，且着老  
萊衣。

躑躅愁孤宦，逢君返舊溪。交游輕似土，詞賦賤如  
泥。路暖過蠶月，天長倦馬蹄。故人京洛盡，惜別萬  
行啼。

三月晦日言懷

北地旱少雨出門桑葉稀春去不相待岑寂愁芳  
菲疎嬾成痼疾心賞還相違三騶聊對飲適意無  
是非日暮登高樓白雲看孤飛落花如蕩子飄散  
何時歸緬懷墻東隱獨採南山薇

小婢新嫁絕句

不數羊權萼綠華掃眉娘子七香車毛詩生小能  
成誦多恐前身是鄭家

對雨懷昉思

野香亭集

戊辰

九

春去雨廉纖微寒向夕添池平泉細響泥濕燕輕  
沾待詔猶耽酒先生自織簾陰鏗有佳句此際韻  
應拈

立夏日對雨書感

結夏如僧寂蕭疎對雨天闌街泥活活接席水濺  
濺戲語作危了閒情中聖賢晚來聞布穀一倍憶  
山田

豐臺看芍藥

豐臺猶記城南隅欲游未果空踟躕平明好友喜

連袂東家蹇驢閒可租垂鞭沙軟徑紆折覆盂累  
蔓疑江都誰將嬌媚細粧飾隨風向背成名姝十  
畝晴霞吹不散半天紅日柔難扶我來逢春已兩  
度眼中所見如此無低迷濃艷望杳渺惜無佳思  
摹張蘇三枝五枝訝奇絕小橋亦足寬罨孤窓前  
銅瓶映冷潔悠然相對聊百壺

又絕句

紅綃婀娜雨中添乞命休論價不廉却憶廣陵三  
月見檀郎謝女日鈎簾

野香亭集

戊辰

十

次韻芝田看藤花

新栽小樹猶孺子欲思吐蕊未易得何當春後延  
清芬要使羣芳減顏色把君好句三過讀令我擊  
節忘飲食溟濛數畝暗朝暮酒杯如臂花相織翻  
怪幽蘭碍戶生等閑剪伐無人識

偶紀

枝頭鷓鴣鳴始覺竹秋過早月猶在牕未能卽穩  
臥燈檠短欲滅餓鼠跳書澗靜裡念田園鄉夢偶  
然作櫻筍餉隣叟新泉釀陳糯一樹海棠紅嘯咏

持杯坐鐘聲忽喚回貧人甕已破

閒意二首

客去樽殘鳥欲棲醉來口燥啖黃蘗簷低僅可容  
人立戶矮纔堪與帽齊老竹有聲疎漏雨野花無  
色賤如泥一身寂寞同枝指浪得浮名喚滑稽  
臥聞樹底叫提壺正值鄰人折簡呼文士無聊混  
傭保歲星不偶讓侏儒閒催稚子成雞柵貧遣蒼  
頭賣鹿盧拄笏西山多爽氣應須料理著潛夫

斗室

野香亭集

戊辰

十一

獨榻羣書擁鼻吟綠槐蔽日勝欹林晴牕新瓦西  
南向頓有龐公出世心

懷楚邑二首

茂陵消渴近何如頗怪春來音信疎想到臨湖垂  
柳碧叅軍臺下閉門居  
去年浪跡寒山寺風雪三江嘆轉蓬今日蘆溝橋  
上立渾河南望雨濛濛

抱膝吟

初月偏挂光漸微薄幃氣暖蒼蠅飛几上周易讀

野香亭集

未竟抱膝坐愛槐葉肥虛室生白兀然靜短籬犬  
臥人聲稀脫粟菜把亦免俗花猪不足五日饑酒  
家南董譜難覓恨無焦革來扣扉茅柴聊以解幽  
獨倦眼觀物如烟霏昨者鄉里報書至負郭得兩  
桑新園雞肋去留成兩失十年浪惹塵汚衣且與  
二豪共偃仰橫眠欲向無何歸

夏日書懷

維摩腰圍漸消瘦座無好客口無酒禪僧飛鷹大  
不耐官官之事豈必有夏來一月佳興孤勞形執

野香亭集

戊辰

十二

版詩腸枯昨聞近郊穀已壯掉頭舊隱思蜘蛛

送徐公佑宰翼城

榴花紅欲盡麥浪碧初平把酒長安陌之官新絳  
城柳陰汾水渡雲氣太行程杳杳雙鳬去徘徊空  
復情

對雨書懷

涼生虛幌雨如潮竹檻披襟暑乍消空裏寄書何  
足據道傍作舍轉無聊泥深絕少閒游侶晝永徒  
成獨酌謠腸斷十年題壁興江南寺裡聽瀟瀟



食瓜

長安街市瓜盛鬻千錢買得傾筐足龍蹄羊髓互  
鉤帶黃甲小虫不敢啄常年此時花未了儉歲何  
由翻早熟恐是園丁澆灌勤織女星當戊辰祝眼  
前喜見堆案來寒玉真堪破炎毒豐肌嫩滑落刃  
亂雪霜滿手紅映肉飄醲入口嚼欲無兩腋清風  
吹謾謾我聞青門種連畛五色迷離勝水谷人世  
滄桑幾變魚故侯寂寞傷新綠旅中相對脾病愈  
北窓偃臥涼如浴正須多致數十頭盤食浮沉過

野香亭集

戊辰

十三

三伏

聽琴贈孫靜紫舍人

孫登雅善十三聲漫鼓龍池一再行雙鎖深幽孤  
月靜遲風冷咽萬松鳴嵇羊偏解移情遠秦楚眞  
憐上指清他日欲師天下妙先生莫惜刺船迎

觀奕贈張次雲

初聞襄漢銅鑪息乍喜臨風試廣羊雲外合圍星  
錯落霧中散陣電光芒一聽秋竹敲殘雨四壁華  
燈較晚涼自念平生耽坐隱瓦官寺畔識袁羌

送王椿臯南歸

浪迹金門感事多濱淮三畝竟蹉跎炎蒸去把黃  
香扇貧賤愁生甯戚歌旅囊琴書諳道路名山歲  
月遠風波丘樊他日同携手浮白還期醉薜蘿

和宋又宜遣興二首

善作望秋句今時盧舍人共酣千日酒倍憶五湖  
蓴南畝荒茅宇西風換葛巾遠心終不解那免鬢  
如銀

殘暑雨餘退夜來池館清愁中木葉脫覺後莎鷄

野香亭集

戊辰

十四

鳴浩蕩登樓意悲涼變羽聲牛腰著書富應繼翠  
寒名

聽角

嗚咽嚴城曉羈人畏及秋頓驚千里夢忽送數聲  
愁少婦慵鳴杵王孫倦倚樓那堪終日聽白盡杜  
陵頭

秋夜

涼風初中人客散月當戶坐久河漢橫衣裳滴清  
露罷琴寂無聊悲歌託毫素艸虫窓下啼書聲竹



深處故園秋色佳遙思到桂樹何當猿鶴情復此  
牽塵務契濶平生親驚心對蟾兔雙題中夜喧慨  
焉動延佇

雨後見月

閉門不出西風顛疎籬已着黃金錢今秋無霜乃  
多雨虛堂寒氣愁青氈向夕乍覺漸瀝止倒映窓  
戶晴霞鮮須臾濕雲漸細薄水蟾早挂城東偏市  
聲不聞街鼓動披衣四望思冷然清光豈惟失星  
漢恍疑身在蓬萊巔如淮之酒應滿酌正要酩酊

野香亭集

戊辰

十五

謀安眠舊游逝水那可說囊琴匣劍聊周旋小山  
故人息壤在魚書目斷空江烟卽今百事非快意  
塵埃斗粟徒迤邐夜闌僵臥樓上榻彷彿夢泛巢  
湖船

九日妙光閣限登高二韻

好節琴尊挈友朋招提遙接翠微層繩床暫許閒  
時臥瓦閣眞憐病後登茗芋西風吹帽客蕭疎秋  
樹閉門僧菊花滿把籬間坐日暮龍山思不勝  
人外年光不易得淹留聊復話林臯一聲早雁憶

野香亭集

魚素半硯冷雲生兔毫野席茱萸歡可插故園兄  
弟夢偏勞溪東相送成三笑衣上微霜月漸高

燈下對菊

五柳先生抱羈獨濁酒沾唇摘殘菊籬下濃霜雖  
不凋愁餘每恨秋光促晚來葉亂風滿天破簾短  
燭人蕭然桂子黃菁那可採牀頭孤影聊相憐長  
安冬菹綠如竹但能克腹差勝肉塵中得此消煩  
憂滿把幽香亦云足旅途日對如親知華堂競艷  
非其宜張梨梁柿久薦熟嗟君未免過時悲

野香亭集

戊辰

十六

送王異采南歸四首

潦倒春明舊侶踈旗亭落日倍愁予淮南烟水猶  
相待好駕琴高赤鯉魚  
少年談笑動吳鉤執戟功名費浪游今日朱顏怨  
疇昔一燈紙帳夢封侯  
仲宣懷土復歸秦覓得刀圭遠市塵十載勞勞征  
路熟寒山着雪老子人  
湖村霜重葉紛紛望裡誅茅近白雲稚子傳杯婦  
鳴瑟歲時雞黍最憐君

蟲聲

夜靜虛堂酒罷傾閒堵草濕暗蟲鳴沉吟殘月羈  
臣嘆斷續西風嬾婦驚乍近篝燈尋忽止未成鄉  
夢聽偏清馮唐白首無情極感激從伊訴不平

送內子南下

風雪淮南去征途未慣經驅馳勞德曜啼笑念添  
丁別淚愁難拭離觴飲易醒不堪作鄉信身世正  
浮萍

霜降後一日小飲

野香亭集

戊辰

十七

霜落交親聚名花閉閣新席邊寒葉亂檻外遠砧  
頻紅粉可憐子黃衫何處人都宜來飲酒冬日變  
陽春

早冬寄懷戚綏耳閩中四首

別業在猶上誅茅淮水頭牛肩頻道路孤寺歷冬  
秋有酒朗吟費無錢家計愁最憐書咄咄夢裡說  
封侯

方欣同日夕何遂迫風塵頓念送殘臘那堪違故  
人啣杯白門柳驅馬黃河春王貢情何限南瞻淚

滿巾

地遠仙霞險懷深易水長尺書憑楚雁歸鬢染吳  
霜曼倩嗟求米相如倦客梁暮雲重回首萍寄感  
參商

衡軌三年共聲華五嶽齊未能逐軒冕祇自把鋤  
犁歲月消黃卷恩波望紫泥何時策高駕剪燭話  
幽栖

卽事

曲折流泉護竹屏卿堂幽客靜忘機遠山一半雪

野香亭集

戊辰

十八

消後幾點歸鴻天外飛

冬日雜感

寂寥無事戶常關薯蕷江鄉憶駐顏子夏小冠卿  
異俗東方大隱當歸山舊交簾笠空孤遠濶袖塵  
埃號老頑啄罷頭風欣少愈尺書初見雁飛還

古柏行

雁堂古柏何龍蓂英蔚直上千青穹消沉歲月半  
空腹夕陽謬謬鳴悲風斷節樛幹蝕蠹蟻攫拏盤  
踞生虬龍蕭森黛色幾千尺遺聲想像平陵東我

來行吟愛蒼翠濃陰偃蓋無不至  
蔥蒨猶留挂劍枝逶迤已失迴  
車地靈根肯受赤眉厄秀氣遠帶  
華林致膏澤深沐皇天仁孤高常  
有凌雲志洛陽宮殿空殘烟烏棲  
鵲立誠虛傳甘棠大樹過卽朽  
召馮舊蹟知誰邊且飽脂香健牙  
齒謝病便作松喬仙憐子歲寒得  
眞性會看連抱南山巔

題畫

古柳嶺岈枝葉疎野塘秋草板橋  
虛何時拂袖黃冠去牛角斜陽挂  
漢書

野香亭集

戊辰

廿九

戊辰稿

終

野香亭集 己巳稿

彰義門行

合肥李孚青丹壑撰

東方未明人已行城門半開車馬  
爭牽黃臂蒼氣如虎監者立視惟  
吞聲鄉村貧子兩肩菜入市不早  
愁腐穢回頭大道飛軟紅荔枝盧  
橘來黃封

猛虎行

猛虎負嵎矜爪牙近山數里無人  
家深林狐兔食未已復向觀中啣  
道士遙遙官路行客勞強弓利

野香亭集

己巳

二

箭常在腰鄉村奉令獵圍急夜蒙  
臯比草間立但願官長賦歛輕年  
年捕虎甘如錫

醉後謠學山谷體

肥肉大酒堆滿前手持巨觥聳兩  
肩烏帽微側走欲顛澆書攤飯任  
疎放胸無壘塊且酣暢合眼呼茶  
舌本強平生鑑杓不相離伯倫嗜  
飲天所爲此中眞趣妻焉知

贈馮大木舍人

近少韋郎跡知應常杜門面城能  
自樂近市不聞

喧拙宦無心子雄譚炙輶髡閒翻南董譜酒味笑平原

刀

塵中逢趙客醉後把吳鉤漏影魚龍怖旋風魍魎愁虛星辭海焚易水向人秋却憶王車騎當年夢益州

東芝田

閉戶偶爲光孟祖持杯獨憶劉柴桑來朝相約看花去我作唐裝君晉裝

野香亭集

己巳

二

蒲萄

無雷海國雨初收深綠迷離望裡秋假使劉伶得新釀定應不肯博涼州

寄懷劉師退同年

劉君達者嵇阮徒少年任俠壯不除日事鉛槧兼劇飲交遊頗擇賢與愚詩筆雄健迴無敵躍龍舞鳳量珍珠自爲一體異凡類未免下士相揶揄青門掉臂返初服黃冠芒屨歸五湖別時好句在懷袖三年魂夢勞驚呼茂陵消渴雖寂寞正可善保

七尺軀滄州書札連紙至要是憐我風塵趨開緘何辭百拜讀有如背癢搔麻姑侵星披衣作裁答感激真意涕淚俱眼前毀譽縱勿論胸中剛氣安可無騎驢踉蹌出京國東岡田畝愁荒蕪

咏街上落花

零落胭脂穀雨期家家啼鳥怨空枝馬蹄踏盡東風惡也似文人失意時

兩日意殊不懌作此自遣

甘蔗已可截櫻桃紅未殘夏淺有餘涼猶怯衣裳

野香亭集

己巳

三

單展卷便終日把盞坐鮮歡孤性昧所適違俗如秋紈長居戶限上出入同艱難平生孩童舊結想擢心肝中宵感風雨回首知無端

蝸

黃昏氣蟲蟲毒蝸生甌甌畏燭行奔忙俄忽匿墻隙捉尾莫捉首夾薑莫夾螯捉尾螯無能捉首薑倒刺兒童不解此竟夕少所獲主簿空提筐南陽昧踪跡何當逢守宮爾輩應失策

蠅

蒼蠅甚微細亦逐人早興營營爲口腹不惜趨炎  
蒸搖翅扇亦醜絳繩痴可憎十步未能過八行何  
自增已訝托茅化復怪隨灰騰塗錫暫引去紛集  
還相仍坐令百事廢安得陵臺冰

露坐

坐久細風生竹屏夜天燿燿時度螢池中露下散  
魚沫樓上月高聞鶴鈴

甘霖恭紀

聖朝敦國本農政每勤修箕畢縈丹旻郊原匝綵

野香亭集

己巳

四

旂茅簷情有待楓陛慮先周帝德涵亭育天誠格  
顯幽山川禋禮幣風雨激靈湫乍驗河獮浴俄占  
水蠟浮濃雲連大野甘澍灑神州遠近應同潤高  
卑豈擇流形墀清却暑玉殿迴疑秋急溜鳴宮樹  
奔泉瀉御溝西郊青出岫南陌綠盈疇黍稷公私  
溥倉箱萬億收四溟瞻瑞靄八極荷皇庥獻頌慚  
簪筆聊追擊壤謳

對雨書事

鳳城三月旱無雨太常齋禁笑迂腐中疇地熱土

野香亭集

生烟水廟迎龍日撾鼓驚颺忽送雷車來黑雲如  
山暗亭午滂沛不知庭麥流簷前溜急愁環堵夜  
分伏枕還相憶孤篷記聽春江側飛花墜茵復墜  
坑貴者賤者悲勞生

題趙秋谷閒齋

相過必終日相尋卽值閒每攀當戶竹便憶過淮  
山兼味出新意深杯娛苦顏茅齋取名好應得醉  
忘還

食蟹

野香亭集

己巳

五

腥風怪雨龍飛去海錯蠻珍網得回斷送魚門老  
從事猶嫌不着雨裙來

李友聲再至

輕衫低帽再經過握手徒令舊感多伏雨闌風詩  
遣撥青春朱夏酒消磨愁中得信思田里別後終  
年癢嘯歌王掾不痴猶欲問江東米價近如何

對雨二首

雨聲紛萬馬雲勢走羣羊沾濕先秋到蕭騷覺夜  
長三農悅禾黍七貴取清涼舍後園蔬美眞憐匕



蕩香

風定簷猶滴幽情及故池別來魚漸大相憶犬偏  
遲殘暑已如客歸心當問誰此時閒蕩槳妬殺弄  
潮兒

悶

坐聞委巷風怒號炎天竹樹生蕭騷旱災無計鞭  
陰石越巫畏暴多遁逃霾翳障眼柱礎燥黑雲徒  
作奇峯高俛首翻願白日速絺衣苦厚紈扇勞桃  
笙火出臥不穩斗室氣聚如焚膏薄晚浴罷熱未

野香亭集

己巳

六

減何由赤脚行江臯

晚涼書事寄楚邑

腹疾新瘥酒力微涼颺細入旋添衣潭龍久睡嫌  
雲懶土鼠無聲望雨稀野外園林歸興發城中冠  
蓋故人非夜來明月如翻水憶爾湖邊白板扉

苦熱行

祝融燎空行不息日坐深甌愁偃仄鄭瓜謝扇徒  
爾爲白汗翻漿面如墨肌膚着衣等芒刺靜對寒  
水廢飲食閒尋林蔭想墊巾側耳街頭思響屐霞

散氣蒸天紺碧東隅月出黃金色何由一縱巫支  
祁滿眼奔流積三尺短檐疎簾暫假寐或有夢遊  
烟靄國今年北地風土訛蠲蠹見少蚊見多輕雷  
到枕起燃燭恍忽如在南山阿城門人倦失漏板  
中夜寂寞低星河天明寄謝襍襪子各圖所適無  
庸過

深夜聽雨

昨聞樹頭鳩逐婦銀河晦暗黑猺渡筆牀汗潤風  
西來屈指還應三日雨果然占候當五卯造物例

野香亭集

己巳

七

賜一尺澍洞漩四壁添蕭騷夜色杳冥更點悞茅  
茨下濕土銼欹殘燈已滅不能炷亂流壞柵雞喧  
驚古藤棚響天未明窓前小池漸可滿自從花落  
無此聲平生習懶怯早起新涼覆被心神清遙思  
東頭竹篠飲着屐江南岸上行

夏夜

怯暑簾鉤上當風不掩扉夜分冰市散米貴酒人  
稀洗石龍虛掛憎蚊塵費揮北窓取涼好逸興未  
全非

夜雨

日沒雲峯重炎威發夜雷更聲羣動息電影百靈  
來細點鳴窓竹新涼撲酒杯絺衣沾濕好不寐亦  
悠哉

憶武兒

眼前三伏盡胸內百事疑故居渺淮右雲外歸心  
馳遙念阿武小魂夢欲見之昨日遠信至乃是山  
妻辭上言高堂健下道兒能嬉纔知拾梨栗已解  
誦歌詩每逢北去人歷歷辨某誰問安必祖父應

野香亭集

己巳

八

答中禮儀旦夕抱膝坐室無祗憤思微祿苦淹滯  
不得長相隨緘封寄數紙爲延童子師

晚過芝田書堂

楊子書堂靜清言對晚晴炎威仙鼠叫秋信草虫  
生藥裏虛窓氣糟床比舍聲興來傾一石倒載月  
中行

蒼存見余歌吟以詩見贈漫賦長句奉酬

少時爲詩不解格得句卽書無所擇攻擊惟生斧  
鑿痕點竄猶如芒接屐鉢心劇目墨瀋盡却厭髭

鬚蝟毛磔饑鷹迅逸蝻蟀美高絕雄豪各設席自

笑閉戶學展卷暫能記一已忘百語云苦志方有  
成歷年要似摩銅狄都梁二季離江潭弟也水北  
兄水南前身是僧喜僧靜招提隔巷停征驂著書  
結束十牛腹五言聲律從來諧梁鴻廡下世應恥  
倪寬都養奚能堪作客織簾有底急爲官釀酒吾  
所耽乘閒側帽一相訪芋魁麥飯成沉酣幽懷聯  
咏便終夕我亦續貂初不慚信君固有嗜癖誤  
以蠻觸同鄒郛昨貽長篇多峭健豁然頓釋憂如

野香亭集

己巳

九

懷詞華眞足消半臂捕蛇赤手窮搜探翻怪何爲  
在泥滓短衣疲馬味棲止袖中一刺久磨滅從人  
不逮且坐視平生所慕今可憎山林朝市知誰是  
旅愁搖落歸興深大類痿疾苦思起黃昏颯颯秋  
雨來虛堂吟罷心中哀西風屈指青門道莫惜樽  
壘數往回

對月

茶瓜供浴罷明月已如銀坐久鼠喧壁眠遲蚊伺  
人身慵嫌客數歲儉薄官貧早晚扁舟去巢湖秋

水新

秋夜

耐讀涼秋夜悠然散帙情露凝羣動息窓靜一燈  
清點勘流香縷晤附微漏聲爲朋惟六籍幽興句  
時成

寄宋谷懷同年

十載黃州客蹉跎少報書人情憐久別時論薄閒  
居暮景崎山雨秋潮夢澤漁須爲西向笑朋好正  
躊躇

野香亭集

己巳

十

池魚

新水雨中活池魚晚盡浮暴顛嗟未遇頰尾念何  
求縱少風濤壯應無網罟愁還嘆南海者奔激幾  
時休

紀行詩

平生無贏餘惟存數卷書半肩輕負去便足當滿  
車坦途日杲杲涼颼吹衣裾深林氣帶濕曉露濯  
鬢鬚遠村散若點山勢一一殊未識太行險視此  
復何如秋氣漸退暑河水不入湖遙思到家時當

及叢桂舒快意縱馬衙狂歌擊鹿盧猶疑前路多  
引領生踟躕

松林曉發

龍口山上殘月明歸人畏熱多夜行耳邊征鐸響  
相續老馬不憂岐路生肩輿未免少迅疾平旦始  
及十里程貧村半住棗林下棗實垂垂已堪打居  
人得錢許相贈小攜帶露紅盈把眼中見此野興  
長尤憐風味同江鄉一日浮游便自適回頭拙宦  
如亡羊

野香亭集

己巳

十一

定興縣

百樓城上角聲多哀響如聞擊筑歌曉岸月斜津  
吏臥鳴鷄五里定興河

蕭家莊

野橋飲馬水潺湲豆鉢農家秋景閒官道樹稀風  
又熱英英雲影白檀山

初秋道中

七月塵土惡不辨夏與秋古橋石迸落日夕渾河  
流駱駝鳴野磧鷄犬散道周人家何參差亂若疎

星浮解鞍松棚下得此須臾留貧女簪野花看人  
短牆頭督郵滌煩暑但愛滑如油已喜脫塵鞅復  
觀林泉幽益信南山客動止隨所由何當泛滄海  
更字許遠遊

固城逆旅

飛狐名水秋漲路人迷望裏田家半傍溪釣艇晚排  
魚翠滿棗林低共馬鬣齊新泥矮屋牛欄北閒補  
疎籬碓舍西觸目村莊皆入畫客心已似在岩棲  
早發

野香亭集

己巳

十二

流水一村連騎驢似駕船野田明鬼火高阜起窑  
烟雞卵論錢貴羊腸取徑偏曉風吹薄袂愁絕沍  
寒天

次保陽

颯颯天風急蒼涼古北平青山開數點紅日上孤  
城良將枉遣矢老臣衰恥生悲歌人不見秋水倍  
傷情

涇陽

垂柳灣灣入遠沙小橋流水夕陽斜青帘半出槐

野香亭集

花外疑是中山舊酒家

前灘書事

古路駢馳暮前灘復渡河峯頭秋樹小驢背夕陽  
多村落尋魚米人家入芰荷倦飛聞宿鳥啁晰滿  
枝柯

望都道上雨霽

旅途野日猶蒸暑纔過微雲便覺消銀竹萬條垂  
雨脚碧泉一帶響山腰愁中腰膺嗟爲客霽後郊  
原逼射鵰向晚翟城無限好滹沱滿眼欲生潮

野香亭集

己巳

十三

清風店書事

朝辭望都城清風忽深柳枯渴煩疾馳童僕遠向  
後乞漿大道傍佇立籬門久績女勞炊柴一杯勝  
醇酒我家南澗頭清泉常嗽口豈知事行役衣襟  
滿塵垢一笑歸故山春明懶回首

新樂城南

伏羲臺迴隔秋濤往事銷沉首重搔近水漁家賣  
菱芡防途古堠設弓刀荒阡寂寞牛羊下破驛傾  
欹瓦礫高登頓日窮尋鄙食炊烟一縷出林臯

陋室

陋室重過日又斜元和遷客久浮家  
素琴寂寞金經失惆悵元都觀裡花

牧莊三塚歌

武安廉蔣世所尊牧莊三塚城北門  
千秋斷碣委蔓草人民已改誰招魂  
相離百步列鼎足初看直似齊東墳  
雁門竭忠卒被戮長平遺矢終唧冤  
渾池功大不矜伐于二子中無間言  
當時英俊易凋喪頗疑天帝爲秦恩  
昔賢偉烈尙寂寞後人碌碌

野香亭集

己巳

十四

何足論黃昏布毯一再拜彷彿鬼語聞高原

鉅鹿道中雨

雨重艱行旅瀟瀟未卽休山雲迷惡石  
名關河水下恒州古寺松林響寒蕪  
櫟葉秋嚴城動哀角并作十分愁

馮公孫進麥飯處

波平輕一葉懷古對朝陽林杪炊烟起  
如聞麥飯香

柏鄉縣

瘦馬遲官道郵亭照野花孤村休市早  
一縣背山斜鷄犬秦人境衣冠劇孟家  
旅愁吟不就惆悵數歸鴉

旅途曉霽

青衫小沾濕紅塵少揚簸叢薄滴殘雨  
時雜槐花墮遠樹欲無枝嵐氣更環鎖  
全趙餘荒原初陽散磊砢白驢緩不驕  
暫眺亦帖妥忽聞鐘磬音悠揚出磧破  
愧彼山中僧晴窓正高臥

平棘懷古

野香亭集

己巳

十五

趙北燕南嘆轉蓬山川今古夕陽空  
素爭濁酒風流盡猶有遺民說侍中

趙州吊平原君

濁世翩翩絕古今池臺蕪沒此登臨  
飄零過客誰相識公子當時一片心

槐水驛寄懷越江芝田蓼懷伸符諸同年

古驛荒基秋草肥故關北望雨霏微  
木綿爭發添衣早槐樹新涼宿鳥稀  
旅夢常陪青鎖立歸心已逐白鷗飛  
吳頭楚尾翛然去泉石烟霞耐息機



田氏紫荆堂

浩劫堂何在滄桑樹已稀蕭條渚水上惟見鵲鴿飛

道傍碑

西風蕭蕭松柏桐豐碑屹立高龍從歲久文字漸磨滅土花斑駁黃金空色絲幼婦不可識小住摩挲眼昏黑無智要行三十里一半猶須煩記憶馬蹄日暮天蒼茫河南將軍誠荒唐昨昔繁華今朽骨痴兒乃欲求義皇地下權豪久閉麥鄭楊段薛

野香亭集

己巳

十六

何所適碑乎碑乎善自珍勿與他人爲鎮石

內丘早行

霽景忽在眼朝陽洗新暉迴風驚濕樹宿雨沾人衣陳迹浩莫辨行子惟看碑驅車中丘道七月寒侵肌慚愧鬻飯媪問我還山遲

次韻仲徵內丘道中

放眼晴巒快舉鞭短牆缺處翠微天宦情懶過馮唐里旅病懷深扁鵲田野店棚低喧賣酒山溪雨足曲通船日斜銅馬祠邊路惟有殘僧乞施錢

野香亭集

梁家店 內丘縣南

竹叢疎更密黃柳覆籬門孝子祠傍舍夫人墓後村茅柴當醇酎菜把卽鷄豚愁絕新寒劇吳綿午未溫

豫讓橋

女爲悅己容士爲知己死壯哉一豫讓乃能達斯旨吞炭復漆身忠烈忘妻子國士與衆人豈曰可方比斬衣志未成報智亦足矣荒橋舊址空流水只如此至今太行雲猶作劍鋒氣

野香亭集

己巳

十七

沙丘

我來訪陳迹不見沙丘臺日照白楊樹秦皇安在哉汀洲聞杵臼禾黍間蒿萊向夕秋聲起如逢萬馬回

驅馬行

大道平沙野日黃蕭蕭鳥愁他鄉一鞭歸去復何事二頃桑麻作生計五湖烟雨芰荷衣扁舟况有蓴鱸肥旅途三度見新月屈指小山叢桂發

呂仙祠

盧生寂寞眠長夜五載三過羽士家亭午黃梁炊  
未熟曲肱也復夢京華

叢臺道中

迢遞新寒雁蹉跎故國書村烟官柳重沙路短墻  
虛燕趙秋風客邯鄲日暮驢正須罷行役小築輞  
川居

邯鄲旅宿

荳花雨歇好殘陽店後丘陵望太行吠犬鳴雞銷  
戰伐王郎城下月如霜

野香亭集

己巳

十八

山行

砧聲隔岫冷雨點過雲消地濕秋蚊競山空野雉  
驕棗林都似竹澗水不通潮班馬嘶風急飄飄愧  
暮樵

賀蘭真人故居

仙隱千春在今人自不開黃塵猶滿面愧上賀蘭  
山

滏陽田家謠

滏陽道中秋旱苦行人防賊復防虎今日田間啣

續歸昨晚村頭盜桑去

渡漳河

西風吹面泛中流一葉悠然似野鷗極目波濤天  
四接茫茫七十二墳秋

蓋司隸故國

吾愛蓋次公醒狂勝醉罵高節凌青雲王侯盡卑  
下富貴古無常易人如傳舍少府爾何愚狗鬪惹  
驚詫

稽侍中浣衣里

野香亭集

己巳

十九

昂昂野鶴姿豈在羣雞目蕩陰羽箭飛血痕汚御  
服一死成令名乃父徒遭戮日暮起秋風彷彿聞  
絲竹

齊王建故居

昔年曾此處降王廢壘殘山事業荒不獨共城松  
柏盡咸陽宮殿久淒涼

蘇門山

淇水東注日不止蘇門瀑布疾如矢古寺閉關樹  
颯颯淺溪飲馬石齒齒前峯尙傳鐘鼓聲衰草已

沒烟霞地孫君高風逸難嗣平生自適無愠喜步  
兵相對無一言應視時流等糠粃行人到此未可  
去遲迴憑吊情何已攀藤正覓下山路恍聞清嘯  
半天裏

衛州懷古

邨鄴舊地幾興亡禾黍離離驛路長五嶽終師禽  
子夏一官空悼杜南陽淇園勁竹猶如箭牧野閒  
村已種桑自是從來多感激每逢陳迹易悲傷

荆卿舊居

野香亭集

己巳

二十

翻覆滄桑地荆卿尚有村寒風悲易水浩氣動咸  
原已悞將軍首誰招太子魂停車尋舊宅衰颯近  
黃昏

酸棗道中

黃樹殘蟬歇青山晚照低行人自今古大道各東  
西廟碣松濤冷溪田草色齊停鞭千里客憑吊一  
留題

陳留逆旅

午憩空桑城暮次老丘口積雨無乾塗淤泥滿馬

野香亭集

首野店乏鷄豚盤餐半青莖茅茨久破碎仰面見  
星斗冷雁叫殘夜寒颼吹枕後自辭長安塵一月  
未沾酒已稀北來魚復少平生友悠悠梁宋間飄  
蓬成瘦醜陳留異今昔土俗仍忠厚舊跡徒虛傳  
風流亦何有寂寞道南人千年如電走

韓村早發

歸夢醒難續夜寒行客稀雁聲滿湖月燈影隔林  
扉青嶂收殘雨黃塵變故衣崎嶇正愁絕山翠忽  
朝暉

野香亭集

己巳

二十一

大店

小市青帘漾炊烟暮滿林孤燈鄉夢遠細雨客愁  
深未卜逃名地空存出世心主人庭樹雜中夜有  
哀音

沙澗道中

翠黛晴巒四面同荒橋僻處野花紅岩迴鷄犬孤  
村出路轉荆榛一線通石補斷牆沽酒舍馬嘶殘  
照下山風淒涼百里鍾離道幾日繁霜樹影空

定遠書懷

秣馬陰陵道秋暄似晚春獨垂濠水釣不見漆園  
人翠幘淮南雨縐衣代北塵步兵歸去後無意問  
迷津

和方楚邑表兄喜余過艸堂

文士法當守寒餓風雨耕耨無穩坐艸堂落成低  
及肩一月刈蓋少眠臥行歌拾穗不競時獨居畝  
畝誰能那衆人所棄君所收齏鹽至老亦安妥我  
方踉蹌返鄉園道傍停策聊叩門兒童熟識不須  
訊主人相見勞寒暄斐几滑淨戶牖好情親奚必

野香亭集

己巳

二十二

陳鷄豚讀書得住名勝所參軍舊隱今猶古景寂  
初聞李約猿山午俄呼蔡生鼠當盃嘯咏花墮巾  
晚菰春韭何憂貧嘗讀陶潛五柳傳遺身豈是尋  
常人

九月十日答樂瑾友

風塵浪走初還家舊時叢菊重着花龍山無人陶  
令死孤樽酒盡日影斜檐低景急院宇黑樹頭已  
聽喧棲鴉堂前霜月讀書處清如潑水寒交加誅  
茅未卜且中隱夢寐久不由繁華曲江才子旅食

苦三年不見徒咨嗟侵星聞鵲喜我至相貽綺語  
驚聲牙伐薪汲井從此共聯吟取適終無涯

夜興

短牆新補挂吳綾月好無聊夢未曾半夜風來敲  
亂竹小童錯認打門僧

寄朱人遠隱居

病足梅生少問津却憐逋客附書頻山頭長嘯欲  
遺世隴上釋耕無此人野鳥掌中尋食慣清猿亭  
下報時新聞君嬾作樵夫拜骨相何堪喪我真

野香亭集

己巳

二十三

郭外書事

繁霜已着樹曉日散林麓出郭四五里稍稍見樵  
牧上岡欸段輕避箭雉兔速卿衰黃土堅水涸綠  
荷禿中有野人家茅茨間短竹牛閒場圃寬溪晴  
鵝鴨浴豆飭軟可餐芋魁白于玉村行值無事一  
飽喜捫腹半生走名利詎知問禍福出山憶烟霞  
入山思厚祿自非達者心安能守岩谷三嘆酒食  
傍長歌謝刺促

酬許仁長遺酒器

我今遊宦過十春督郵從事俱沾唇大斗駝囊盛  
不足梨花蕉葉狂殺人坐中小爵不受罰金船倒  
盡窮朝昏寥落歸田生計拙蓬牕日對老瓦盆忽  
感見遺常滿玉水汁自溢何須樽比隣親串欲傳  
看相與結束來扣門檣毫能作七步咏奚辭倉卒  
成主賓殘菊授莎照輪寫明月蕩漾浮清溫從此  
涪州黃魯直醜顏澤髮懷楊君

晚過仁長宴飲作醉歌

黃昏上廣堂椽燭燒繁花衰衣大袞免拜揖合尊

野香亭集

己巳

二十四

促坐人語譁腐儒習氣可不有六博投壺急兩手  
數觥沃盡走欲顛濡髮狂書字如斗栽桑築塘逸  
興增時藥養雁吾亦能平生得酒百事休杜陵老  
翁何其愁

對酒

綠墀不及誅茅屋綉鞍不如一筇竹濁醪隻鷄那  
易求四時好景難更僕直須吸盡玉浮梁多事吳  
婢論生熟晚來獨自騎黃驄西門遊冶佳興濃季  
家墨花分二色狂生袖有金銀銅莫言麋爛同覆

蔬鮮肉着糟益堪久到臍和氣如三春不醉笑殺  
中山人

書事三首

生計愁如河上翁寂寥殊不似城中山猿新報時  
常錯野鶴初教舞未工林氏名花寒破臘王家修  
竹晚吟風溪橋小市魚蝦美閒約鄰人一醉同  
南窓北舍未荒蕪一帶潺湲卽鏡湖穀賤雖能饒  
麴蘖家貧已自負妻孥秋來長假思蕙菜病後清  
齋煮瓠壺向晚參軍臺上望白雲飛盡雨模糊

野香亭集

己巳

二十五

木檻琴磚殊不惡疎籬短短遶深池蒼頭善別黃  
河水老嫗能知白傳詩一笑流光銷黑髮五更殘  
夢落形埤酒闌心折龐公語往事如雲不可追  
眼疾

攤書初作幃雲橫熟視俄驚薄瞽生辨路祇憑殘  
月影披衣惟信曉雞聲醉中對客分青白霧裏看  
花忽暗明不遇長桑上池水謝郎點漆畫難成

對雪用坡公聚星堂韻仍禁體物諸字示樂

瑾友



坐憐陰氣盡木葉歸來初見淮南雪飄蕭作態堆  
漸平柴門晝閉人聲絕密灑高樓牕紙鳴重裯不  
煖老竹折虎落乍沒掃復齊展齒纔過迹尋滅東  
郭先生無完衣暫能捉袖襟已掣莫論窮凍且行  
酒醉眼眊昏望欲纒猛風北來簾幔飄寒威倒捲  
驚飛屑負薪而哭雖可悲神仙中人止一瞥惟喜  
豐年有此瑞靜裡如聞雙鶴說應知奇語出艱難  
三更僵臥愁衾鐵

十一月初七日紀異

野香亭集

己巳

二十六

淮南十冬九炎蒸長河清淺無堅冰吳棉纔試汗  
盈把晚來蚊蚋尤堪憎作詩未半輒中止頓令亂  
髮生鬚髻有雲北來風迅疾霹靂一聲檐瓦翳赤  
脚老婢走折趾爐灰傾盡茶鎔崩童兒善睡亦驚  
覺短燭又滅何所憑須臾漸聽語喧雜茅屋着火  
如裂繪自念安坐尙志忤隔隣愁慘應不勝因知  
晚食可當肉履危陟險非吾能中宵急雨復太惡  
敲門酒店無人應

冬夜懷秋谷

揮塵談經事等閒寒飢十載念間關少年不省爲  
官樂野性何知入世艱開篋燈前書札斷懷人雪  
後鬢毛斑玉堂一別無消息却望青州郭外山

祭竈詞

竈君朝天值暮冬雲車電馬何軒雄世人比戶盡  
典祀糖餅甘脆黃羊豐清香一炷虔叩祝男愚女  
拙希相容竹枝斫來塵可掃瓦燈熒熒照虛耗吁  
嗟乎人間善惡天早知朝天此日將無遲

野香亭集

己巳

二十七

己巳稿終

野香亭集 庚午稿

合肥李孚青丹壑撰

苦樂行

一聽歌歡樂再聽歌苦辛苦辛喪人守歡樂傷人  
神一年三百六十日歡樂三分苦辛七若云歡樂  
勝苦辛苦辛歡樂何不一人在歡樂時豈復念苦  
辛苦辛驟然至歡樂如飄塵清宵忽夢繁華事春  
風秋雨同沾巾苦處多樂處少歸太遲出太早樂  
處長年有幾人一生淚洒邯鄲道洛城高與北邙

野香亭集

庚午

一

齊城中人作山中草苦樂行誰其聆

三婦艷

大婦明月珠中婦碧羅襦小婦粧點緩對鏡整桃  
蘇雙蝶上花朵欲撲還踟躕  
大婦彈琵琶中婦彈箏篴小婦袖纖手獨坐爲吳  
謳陽春正傷人不肯上簾鉤  
大婦年二十中婦齒未如小婦絕窈窕十三頗有  
餘同行恣嬌怯最後下階除  
大婦月正圓中婦月將盈小婦是初月幾時競光

明良人自宴樂相視無異情

逐彈丸

馬上飛馬下得彈丸入手黃金色兒童連臂走南  
北家中父母待朝食丸多但怕捲筋肋薪米衣衾  
不煩力韓郎驕恣昔所論不道翻爲貧子恩吁嗟  
乎邇來歲旱謀生苦安得韓郎以百數

東家棗

東家棗何纂纂樹出東家墻棗落西家館王陽長  
安未遇時卜居正在東家西療飢文章不堪用竈

野香亭集

庚午

二

冷愁殺糟糠妻庭下落棗甜有味試取啖夫聊當  
餽自是夫妻一片心王陽却作書愚氣答言棗本  
東家結西家安可私饕餮丈夫取受必分明婦人  
乃汚我廉名我誓不吃嗟來食疾聲逐妻立相逼  
東家驟訝西家喧隔墻宛轉聞其言離人夫妻因  
此樹遍告比隣議伐去比隣連臂前致詞偶然拾  
棗奚須疑小廉豈足爲君重棄妻恐被梁鴻嗤王  
陽諾唯許罷遣遂使夫妻仍婉變棗樹得完人亦  
還東家西家兩無嫌居世不諧空爾爲一朝獲罪

委如遣王陽迂腐已失笑不圖復有周低迷

休洗紅

休洗紅洗多紅色去故色雖過時新色終當故老人磨鏡生長嘆少年心事不中言  
休洗紅洗多紅易落但取新可憐不必故有托越羅阿錫幾春風那知還與襖裂同

飲酒樂

飲酒不樂愁深誰托飲酒不多夜長如何傍有名姝前無御史堂燭屢更沈酣未止臨春結綺俱成

野香亭集

庚午

三

灰千古不倒糟丘臺

邯鄲才人嫁爲厮養卒婦

妾是邯鄲女恥爲邯鄲婦自矜內宮才豈比閒花柳朝朝大忽雷夜夜小垂手侍宴未幾時一旦踈左右嫁與厮養兒棄去如敝帚從來畫蛾眉不省事杵臼蹉跎換昔容漸作無鹽醜暮年守茅茨猶夢飲賜酒

縫掖

二千石不足見鴈門太守但食鴈縫掖生當亟迎

此鄉難得文人行皇甫簡抗空一世眼中那有將軍冀君不見慕勢不如趨士賢顏觸竟爾呼王前

遙夜吟

樹鳥棲還寂城更聽未真前生應有咎常作夜醒人

田家吟

田父把鋤犁教子學耘耔當其畊田時豈料父賣子

歸信吟

野香亭集

庚午

四

寄書凝我思得書亂我心正欲寫竹枝忽成游子吟

棗巷行

養蠶猶未周朱符忽下鄉朝催鷄豚盡夕催老弱亡解一棗巷貧夫婦鬻兒來市城人情皆愛子其如完官糧解二中道飢不行委頓心忤忤店餘兩煮餅破衣持抵當解三夫悲傷我意兒啼斷我腸餅食夫與兒我則何敢嘗解四無兒宗嗣絕無夫身零丁婦人忍飢慣不畏枵腹鳴解五徐語給阿夫父子姑前

馳道傍好桑葉小摘當後追解六夫諾携兒去相待

一里程向暮杳無跡踉蹌返趨迎解七迤邐至故所

亦不聞人聲樹中有鴉噪婦已懸絲繩解八悽惶抱

孤兒無語淚淋浪三人遽同歸共掛桑樹傍解九在

天爲比翼在地爲連枝精魄不相失殊勝生別離

解十

### 楚妃怨

不識君王到白首昨夜宮中寵鄭袖那見故者弗  
及新楚國用人如積薪

### 野香亭集

庚午

五

### 棄婦詞

丈夫本好新故妻棄若遺妾貌非宿瘤祇因門第  
微倘作郭家壻此心何敢移鴻鴈在雲際日夕必  
雙飛其雌偶相失終身甘獨棲失且不更配生者  
安可離禽鳥尚知義君空讀書詩所以梁伯鸞未  
是常人幾

### 堂上歌行

堂上歌堂下月月未落時歌未歇主人愛客卹惜  
錢情深如海樽如淵遺簪墮珥生狂顛近來交誼

不及古有酒須澆孟公土

### 立春詞

金門竹管葭草灰香燈擊鼓芒神來縣官令史褰  
青幘耕夫犁具鞭春回芹芽蘆葍紛餽遺黃柑釀  
酒洞庭味里巷常時共往還春來春去無相離農  
事未興聊取歡舊花古柳猶羞寒莫將芳日等閒  
度請看長老誰朱顏殷勤爭把宜春帖隣娃當戶  
嬌紅靨幡勝年年闢巧新剪刀落處成蝴蝶朝鐺  
窓中鏡有塵乍翻新曆轉傷神綵花如樹分冠蓋

### 野香亭集

庚午

六

一枝不到漁樵人

### 人日懷趙秋谷

舊雪已盡新雪飛江南春杳心凄其頭顱如此百  
計左棲遲兩作人日詩奔走未成鬼三窟墻東又  
發梅花枝美人踪跡渺天末平善消息當憑誰北  
鷹南鷗令名在何妨暫學泥中龜事業不圖掛汗  
簡詩法且復傳佳兒徑須飲酒兼食啖勿教閒處  
生白髮微官草木身土梗鄧禹坐笑空爾爲田園  
耕釣貧亦好請君一誦歸來辭



次韻瑾友苦雪

開門已覺無街衢鄰家誰借豬鼻車回颺如刀作  
堅凍玉山岑崟當堦除讀書議文信迂絕衣稜衾  
鐵生艱虞莫論宜麥要三白眼前婦子方亡通撒  
鹽應難治菜把堆麪不救饑寒軀上官倘能繪圖  
入脫裘軫念事豈無府金倉粟行卽出從此可免  
聞哀呼恠君撚鬚太攻苦吟哦只欲雄千夫佳思  
好句狀冷潔腐儒得洗心眼枯汝南聚星少繼續  
他時自足追歐蘇

野香亭集

庚午

七

自冬徂春無日不雪偶成雜興十首以元日  
到人日未有不陰時爲韻

天公恣玉戲便欲無上元官長頗畏寒誰打袁家  
門  
田父笑嚇嚇豐歲已可必飛花不飛香見月不見  
日  
子猷憶安道豈惜夜相造如何咫尺間交親不可  
到

羊羔雖鄙俗樂事且娛身區區啜茶者終是無聊

人

相如授簡初元寶開筵日孫康爾何人年年在一  
室  
酒熟破風威爐溫作春氣試問早朝人庭前沒靴  
未  
東郭履見指孝然襟露肘若遇耿先生窮凍亦何  
有  
垂簷直似筇酒樓大於手門外積未消掘得金羊  
不

野香亭集

庚午

八

忽逢柳絮陣又入梨花陰不是寒風起應疑春色  
深  
古硯呵凍墨老竹敲冷枝分明踏燈候却是吟雪  
時

招洪稗村

金馬門前奉朝請慈仁寺外望歸雲遊時信帶蟲  
碑命貧日常揮諛墓文東閣貂蟬誰好客西湖猿  
鶴苦思君莫詢白社諸朋舊已似江流九派分

元夕



去歲踏燈明月下今年踏燈殘雪餘看來且作片  
時樂歷久方知萬事虛金鎖寒開初散妓玉堂夢  
斷正愁予長安繁盛東林寂一種元宵雨不如

哭方楚邑表兄四首

二十餘年外弟兄巷南巷北見親情高懷恥就明  
經舉未薦遲傳賦奕名白社黃墟時聚散春蠶夏  
荔幾將迎須知同道相憐者只有平生范巨卿  
幽信緘來百事休芳華時節似窮秋人間難佩黃  
金印天上徒成白玉樓德曜窓前悲舊案要離塚

野香亭集

庚午

九

昨起新愁梁鴻不得詩書力說與儒生總淚流

旅食京華計總違鶯花憔悴悟前非三生公案終  
黃土半世塵埃未錦衣橫笛有情吹夜月垂楊無  
主哭春暉預愁寒食郊原路醉後誰同並馬歸  
天埋詩骨果何由酌酒淒涼上古丘迸淚不須登  
峴首添哀渾似過西州孤兒攀柏廬生兔高士歸  
泉海散鷗侶悵年來良友盡茫茫轉覺此身浮

病

書史慵翻藥裹懸看朱成碧笑頽然持齋獨處如

野香亭集

羈旅謝病閒居勝左遷溪水清波修禊日杏花微  
雨賣錫天春光不盡尋芳輩一事羸人是穩眠

送王子六北遊

淮水入春清逢君賦北征慈親頭未白稚子學將  
成楊柳攀離席桃花拂去旌儒生榮有事行路似  
王程

春郊

日出城門啓初爲上塚行春愁見楊柳農事聽倉  
庚馬轉荒陂疾人肩薄板輕更須携酒榼花底過

野香亭集

庚午

十

清明

寒食

江上雨寒食閒居生遠嗟昏鶯喧稚子畫鴨餉隣  
家雨長綠楊葉風稀紅杏花來朝賜新火一倍念  
京華

從弟碧素不爲詩偶一拈咏便爾工敏喜而

有作

吾弟少穎悟綴文勝士龍英氣騁神俊凜若萬夫  
雄譬如有源水四流方無窮竊念鉛槧勤止此制

藝工比來盃酒間偶然唱和同袖手出一語驚倒  
老詩翁清潔嚼冰雪明艷看芙蓉高吟未卒篇氣  
已傾座中胡爲長隱晦不使寬吾衷汝兄戀鷄肋  
顏黑左耳聾圖書束亂繩筆墨塵埃封居諸成癡  
鈍雖閒身亦慵賴有千里在一洗凡馬空祇恠不  
自銜伯樂何由逢徒令周伯仁慚愧籍早通虛名  
乃過汝正愁遭火攻

送蔡次繩之京

蔡澤厭閉戶春日思騰騫欲遂題柱志恥爲遊子

野香亭集

庚午

十一

嘆下馬盡樽酒上馬搖金鞭意氣破萬里舉目誰  
與前豈能屈蓬蒿寂寞同寒蟬碧山色勝染黃河  
水連天東風吹入齊看花還到燕逆旅勿輕視高  
位若等閒香飯必潔白梁肉必肥鮮報德異時事  
千金酬百錢皆因自信久出語非徒然鄙人感窮  
薄十載仍郎官引領王陽登竊彈貢氏冠交誼倘  
無忘早寄青瑤鐫

蜀山開唐寺

松杉通逶迤躋攀費拄杖隨雲陟高峯去天欲盈

丈兩脚艱轉移立處大於掌危磴互鉤梯峭壁倏  
俯仰山門涵空虛亭出夕陽上石墻衣薜荔廢殿  
深蛛網佛燈無古今靈泉不消長香積逢懶殘一  
笑失塵鞅平時慕盧敖茲遊或可做豈必厭蠶叢  
辛勤峨眉往

四顧峴

捫石攀林舉足遲茫茫四顧晚生悲英雄易下登  
臨淚豈獨羊公望後時

半山亭

野香亭集

庚午

十二

竹如盆盎草如茵四角凌空迴絕塵高處難登卑  
處險半山亭上最愁人

夠園詩次韻

春日佳招不厭頻世間難得是閒身兩年寒食愁  
中過一夕清樽社後新鷗鳥靜于棲隱士楊花忙  
似宦遊人風塵痛悔羊腸路幾許浮生喪我真

和諸同人蜀山登眺之作

孤峯插笏四無隣蒼翠浮空索笑新夢裏常思到  
初地塵中也復有閒人青春老去何須惜白首交

貧自可親珍重山林好風日他年倘作虎溪賓

禽言四首

山鳥

鳳凰不如我得過且過熱場絢文章冷場甘坎坷  
應時出處無不可神鷹雲鵬失其大鳳凰不如我  
得過且過

姑惡

姑惡姑不惡妾命薄水遠兮連天林疎兮何托山  
頭變石精衛填海彼因慕夫死且無悔姑不惡兮

野香亭集

庚午

十一

妾自悲徒死未有芳名垂

竹鷄

泥滑滑斷商旅王陽畏道十日雨征人思家不得  
行耳邊一聲何可聽

提壺

提壺提壺美酒當沽人一杯兮鳥一呼人醉自歸  
去鳥還飲其餘人如不沽閒殺提壺

白酒岡小憩

野飲解煩熱啣杯憐晚春雖無南董法能醉北譙

人柳葉濃遮日藤花靜墮巾岡名殊不惡一笑失  
風塵

北譙

田家門戶面清波桑柘桃花晝景和蠶室新泥茅  
蓋好不憂寒食雨風多

三日狂飈莽不收臥龍山下冷如秋鄉書阿那來  
黃耳人在迷溝古渡頭

馬上口占

藕蕩桑邨逐處新青峯碧澗淨無塵黃鸝百轉尚

野香亭集

庚午

十四

嫌少杜宇一聲愁殺人

清明日陳坂曉行

馬首通榆柳前程春態閒新烟淮海路初日大茅  
山野飯黃精熟邨茶紫筍斑何當聞杜宇無那損  
朱顏

山邨

溪聲嵐氣信鞭垂人外年光孰復知細石瑩于和  
氏璧春山秀似卓家眉行穿桑柘多蠶室過盡桃  
花見酒旗不願身為漢嘉守凌雲那便勝茆茨

江郭晴烟望渺茫，危岡高下入垂楊。  
着衣朱白憐花片，射眼青黃怯日光。  
已過清明無野哭，未經穀雨有微霜。  
年饑春盡蕭條甚，野草淒淒失早秧。

晚春道中雨

道上百花晚雨聲，如送春不成。  
塵漠漠，翻見水粼粼。  
月桑陰密，鳩時笋味新。  
何當驅瘦馬，頻作遠行人。

程家村

麥高蠶熟澤雉鳴，刺桐拂拂桑甚生。  
軟泥三寸叱

野香亭集

庚午

十五

黃犢淺溪一尺披，青萍穀雨二日天。  
午暄道傍風物恣，意看乞漿翻得桃花酒。  
晝長未害壚頭眠，邨童候客猶總丱。  
雙鬟小女能縫綻，旅人投店若還鄉。  
農夫種田等遊宦，宦遊空復困埃塵。  
故宅年年閑好春，豈及農夫不相棄。  
全家長作太平人。

盤城寺

盤城寺前溪水流，盤城寺裏花竹幽。  
下馬又見柳青眼，入戶忽驚僧白頭。  
稍聞鐘磬出林麓，偶餐茗粥登山樓。  
舊遊屈指如昨日，勞人行役何時休。

葛棠午行

葛棠宛轉東復東，連朝襍被愁驚風。  
卓午霽景一開豁，褰帷正及繁花紅。  
路平但覺亭堠速，肩人薄板如飄蓬。  
長橋跨空水泉活，拔河天氣羈旅中。  
口腹固不累安邑地主，今日誰臨邛。  
村落錫漿勝甜雪，數錢姹女從來工。  
眼前非不愛小憩，其如僕馬催匆匆。

棠邑道中

江浦通官道人烟重，未開潮迴低岸出。  
樹盡古城

野香亭集

庚午

十六

來百舌晴相語，踈鐘暮故哀。  
遙峯方放眼，後騎莫頻催。

秦郵晚泊

烟水迷濛雉堞孤，秦孫亭館半寒蕪。  
多情明月無今古，又照當年璧社湖。

安平旅懷

平湖遠岫日將沈，放眼徒傷望古心。  
極浦一帆天欲盡，孤城十里浪全侵。  
紀時正及柳花落，作客又看桑葉深。  
昨夜頭風思檄手，忽從芳草拜陳琳。



陳胡  
琳墓有

孟城舟中

旗尾東南飄帆輕不可住篙櫓若棄捐迅疾過飛  
鷺風生隋苑鐘烟失蕪城樹桃花開謝間秦郵再  
來去

夜行

輟舵行殘夜途紆之字牽綠楊雙岸月青草牛湖  
船人語初醒夢鐘聲欲曙天最憐風水急已入廣  
陵烟

野香亭集

庚午

十七

黃樹功招遊紅橋泛舟四首

文選樓前放畫船風暄亭午卸吳縣拍浮正喜饒  
情賞何事深林喚杜鵑  
河豚易得不論錢魚網拋來浪拍天選妓插花成  
故事平山賓客阿誰邊  
百畝芳塘兩部蛙絕勝檀板與紅牙主人自愛林  
泉趣不羨歌鐘十萬家  
欸乃聲中酒數巡一篙點破水粼粼楊花如雪隋  
堤路日暮迴舟愁殺人

野香亭集

雄州早發

早發月猶挂雄州雞未鳴行侶靜無語惟信鈴鐸  
聲水田遠若路細岸曲勢成衣薄不敵被背上春  
寒生倉卒過山脚俄頃迷孤城後騎頗迅疾並轡  
如相爭野飯指何處村火滅復明初陽看漸吐鵲  
噪人已耕對此念鄉國忽忽傷羈情

南岡道中

麥壠桑田東復西農家晝暖竹雞啼行人春盡少  
休日壞壁粉頰無舊題白水滿時漁網亂綠楊斷

野香亭集

庚午

十八

芍藥

處酒帘低南岡山下僧房靜擬欲閒同結夏棲  
牡丹已作蝴蝶飛却教近侍遺春暉阿妹曉粧矜  
墮馬阿姨晚舞搖火旗貧家亦開七十朶浩態狂  
香愁殺我何殊婪尾筵中杯飲人殘餘成末坐此  
花自有後時悲書生不合同數奇悠然且對膽瓶  
樂敢憶揚州金帶圍  
留夏山人朝食  
菜把牛心共一厨不因貧富異精粗布衣便得公



卿食羊曼爲人今豈無

自閱己巳一年詩感懷戚六明府

擁鼻支頤豈近名銷磨歲月一編成傷心鄭繼黃  
泉去慚愧平生王子衡

題羣兒圖

紙旗竹馬恣嬉遊小隊如迎郭細侯縱得汝曹成  
項領翻令人起白頭愁

靑山道中長歌

驅車向牛渚恍疑行畫圖紅枝翠篠相淹映鄉村

野香亭集

庚午

十九

散若星密疎白石平鋪瑩明鏡逶迤百里直復迂  
峨眉彎環照江面風迴慈姥聞笙竽我居淮水南  
衡門生倥偬伏處如醢雞四時困盎甕黃金紫綬  
等秋毫惟有烟霞落魂夢豈知清虛境原在塵寰  
中攀躋未可怯幽險奇癖寧讓江文通嗚呼百年  
殊易了幾人能得閒中老衣緇汗浹祇自勞樵斧  
漁舟苦不早旅酒雖薄氣頗和愁來且復澆顏  
試看當年攜妓壘至今空歎草連坡謝朓家李白  
臺靑山不是人間路他日終須躡芒屨卜築峯巒

最深處

慈湖

單車宛轉指湖灣勝地聊謀半日閒欲問當年征  
戰蹟夕陽無語下黃山

姑孰道中

地險山無數天圍樹若平花殘赭圻壘麥秀豫州  
城斜日明鴉背驚風帶虎聲谿迴忽開豁稍喜爨  
烟生

蕪湖阻風晚宿吉祥寺

野香亭集

庚午

二十

扁舟留滯旅愁增白浪高于塔七層江上石尤朝  
阻客林中粥鼓晚逢僧松濤謾謾初歸鶴龜影熒  
熒已上燈人事由來皆有定前程屈指總難憑

蕪湖曉渡

江郭連江口風微不捲旗疎鐘動靈澤斜月挂峨  
眉天外孤帆緩雲中遠岸遲鷗茲好圖畫眞得解  
鄉思

生日放言

兒時興踴躍輒喜生日來膝下戲綵服堂上羅樽

疊優伶盛歌舞小隊相迫陪惟恐筵宴畢便坐詩  
書堆那知歲序適一往曷可廻未作建牙荀已似  
倦遊枚貧儒理章句法當守蒿萊出入有定時妻  
孥誤見哈平生常默笑何事方遂懷每怪古今人  
殊無達者才百金買山石千緡市屋材經營種花  
木辛勤起樓臺私念田園樂或得久徘徊一旦黃  
紙迫輶車同轉雷案牘困朝夕刺促鞿塵埃名成  
定難必翻使勞形骸麒麟偶失足曾不及駑駘回  
頭舊岩穴遠在天之涯縱能卽歸去鬚鬢愁皚皚

野香亭集

庚午

二十一

豈如司空老瀟洒王官隈不榮亦不辱兩處知誰  
佳

送阮岩公

奇偉陳留生獵名如獵虎身成不繫舟吟似寒虫  
苦每看領下白便感腰間組遂令踏浪兒齷齪來  
踏土傲慢張釋之唐突劉栖楚平津多新交故人  
浩無主竟爲妻子謀老作長江簿

送友人之京

送汝忽西向縈人長恨端盛時羞曳尾文士競彈

冠沛縣單車遠幽州白日寒公卿多筆札知作子  
雲看

與孟縣尉

一尉無聊甚閒開射鴨堂官卑餽金少家遠作書  
長鸞竹爲公事吟松有底忙風流嗟不墜如見古  
江郎

月

今夜對明月低徊如不親縱能消獨坐未可救長  
貧乞雨荒祠鼓離鄉何處人田蕪留客懶已覺愧

野香亭集

庚午

二十一

陳遵

端午三篇

菖蒲纔出水榴花始含萼年凶如晉饑誰能弄杯  
杓惡風拔衡茅飛埃蔽城郭但愁漆園蝶變作空  
倉雀  
親友來欸扉未能具藜羹悠悠醒長晝端午不得  
成鬢暮且涸死何處尋蜻蜓那知鉞頭符辟旱非  
辟兵

大兒罷書課門前觀水車小女漸解事剪綵爲於

菟宛然兄妹情共欣一日娛顧此兒女長翻恐成老夫

送王庭徵

塵飛土起烟雲興蝗食麥悽悽流寓人未能給朝夕傲裝尋故知一困冀少獲計自無復之豈不苦行役我生事鉛槧弱冠愧通籍蹉跎十數年邯鄲未醒客瞥眼後騎追着脚前程窄投閒曾幾時寒暑已再易今夏乃枯旱塘中有馬跡開門怯矯首愁此千里赤學稼悔不早讀書百無益王郎來就

野香亭集

庚午

二十三

辭握別心若刺遠遊須亟歸人情已非昔

雨霽卽事偶效前賢

雨過衆流長夕陽明半扉草闊青蜚蠊立白鷺驚蜚蠊正得意不知鷺驚蜚舒頸偶一啄蜚蠊皆披靡汝曹勿多語多語生禍機曳尾殊自在試看泥中龜

捕蝗謠

春魚飛上屋併力齊打撲但聞兒童謔那知父老哭使星正黜黜御史來何晚中夜望高天饑腸夢

成魔

小園

田足陶公秫畦長庚郎韭只恐秫韭成又作四方走

游仙十首

孤志輕官職因爲碧落行如何拜仙吏亦有侍郎名  
四海流如溜三山峙似杯向南觀九點螻蟻亂成堆

野香亭集

庚午

二十四

鳥作空中使桃開不朽花南窓窺看者本是舊隣家

誰能作徐甲日效世人僮昨與羣仙博曾輸五色龍

蔡家畱客久酒數報空壺却怪天厨竭還來地上沽

腦有誦經聲胸前偃骨成錢鏗初喪婦曾導學長生

常服萸蒲節兼餐石桂英黃麟坐王遠笑我紙驢

行

白石無須買青泥不費錢憐他五濁世辛苦事烹煎

偶爾逢陳尉矜言得小箱雖無鞭背福也覺勝劉郎

鐵樹欲爲薪遨遊不計春淮王當日犬今已變麒麟

將之金陵適洪以時先往口占以誌小別

征衫着破未投閒風日駢馳改舊顏誰道野人成

野香亭集

庚午

二十五

懶癖辛勤三過駝駝山

會期非遠亦淒其如此炎蒸繫我思江上船稀朝待渡一杯閒酌水神祠

籠中小白兔

白兔兒色勝玉一寸柔毛藏四足畏人手指閉雙目三窟何必謀晏安便爲福廣寒老兔難得仙勞杵臼無時閒

食豆莢行

貧士飽笋太絕俗却愛蒼田青簇簇落箕分藿摘

野香亭集

碎珠得食敢著南山書沙瓶旋濯事炊煮其餘呼婦還作囑兒女喧囂圍竹筐隣人復過借新嘗因念眼前多路殢何由忽變傾離鄉

雨

不周三日屋瓦傾簷前浙瀝非惡聲雨點稀疎若晨星被上脉脉嚴霜生去歲人家無秋成流亡空里同避兵爺娘覓子弟覓兄南塘盜逐北阜僧商旅路斷虎晝行鷄犬寂寞荒柴荆蠲租詔下誰趨承府吏肆毒縣吏矜今年復苦春夏晴疾雷激電

野香亭集

庚午

二十六

虛震驚濃雲每爲風掃清河竭井涸焦田塍點金掘冢既不能補瘡剝肉何可勝微軀委頓如寒蠅顏色黧黑逢人輕此雨未卜霑郊垌賑霖纔及開浮萍奚由急溜溝壑盈坐使黍稷高於城女安蠶織男安耕輸官上頭少經營鬻黃倘得奏治平小民亦有斯須榮

短歌行

朱書白版正旁午縣官被譴府官怒吏胥下鄉如饑鷹燕雀遭之碎毛羽空郊虎鬪人跡稀霜雪欲

三二七



落炎蒸時搔頭汗濕青螺粟作睡夢愕黃瑠璃玉  
川先生不餓死平日所憂惟酒耳世間盡是監河  
俟干求未必逢其喜

弔劉千錄

平生孝友兼力學六經諸子恣搜索羨君閉戶怪  
君疎十年未得同杯杓數奇已似黔婁貧少年便  
作休文弱何期一枕卽長夜令我失却爲人樂荀  
崧有女勿復悲僧虔爲弟能撫遺交親不信君眞  
死只道中山被酒時

野香亭集

庚午

二十七

槐樹行

綠槐百尺窓戶前濃陰四散夏亦寒庭幽當午不  
見日清風自至非從天喜鵲爲巢漸欲成時向高  
處聞噪聲眠醒正愛送竿籟服食聊且圖身輕鳴  
乎崔鳳閒居惜遲暮低徊那得生三樹

壽許仁長

紫微夫人居瑤池方丈火棗元光芝山中許公恣  
久啖朱顏漸作神仙姿手持綠玉坐清嘯掩蓋千  
尺蒼松枝正逢隔轍降好雨畎畝四溢禾苗肥無

乃天意壽安道特賜甘澍調瓊飴平生所親各有  
贈薄獻未敵秋毫微不辭重爲李進士座閒橫笛  
吹南飛寧馨岐嶷本世德却欣寧宅沾餘輝舉觴  
酌斗祝黃耆拜起安雅非兒嬉慈竹盈堦開慶老  
高堂繞膝誰能幾君生後我止一月劉郎崔相交  
扶持長安分榻已上下里閒樂室仍東西莫念曩  
時舊塵土且歌今日新詩詞甲辰豈必遜壬子白  
頭勿使殊青絲他年銅人爲摩撫靈術更乞分刀  
圭

野香亭集

庚午

二十八

送張廣生表兄北歸

正輔告歸何太遽鷄鳴判袂獨淒然悠悠梁宋一  
千里擾擾塵囂三十年到日應慚蘇季婦壯心先  
贈繞朝鞭功名豈必因章句莫但殷勤老種田

雨

時雨初生百物新豈惟眼底少纖塵陂塘一夜聞  
流水巷陌來朝有醉人風定不嫌鼃黽鬧夢酣應  
與枕衾親蒸藜炊黍茅亭上相慶還須餉里鄰

重悼楚邑



天上人間路自殊中宵成夢又模糊帝庭後署新  
仙吏神道先題故酒徒薛秀才亡良會少元微之  
去苦吟孤漫云宿草無須哭及到臨期淚已枯

寄懷毛十九大可

蹉跎尺素慨蒼顏歸計遙憐放白鷗捧檄早因親  
養出賜湖仍被主恩還生兒自得延之筆有婦能  
施德曜鬢他日萍踪越溪曲醉中相對話燕山

時事

年來赤地到朝霞底事三春未見花巫覡但鳴荒

野香亭集

庚午

二十九

寺鼓薦紳空議長官衙近街楊柳雖編戶負郭烝  
黎半棄家軫恤誰如汲都尉發倉不待下黃麻

霽後

糟床新注晚晴宜時一中之樂滿庖棲鳥已能安  
飲啄鳴蛙空自爲公私塘畔道行秧馬河沒橋  
痕問釣師却笑閒雲任風捲也如貧士藉扶持

南行別從弟

別友心已苦別弟尤踟躕別離是何事白盡今古  
鬚觸熱理舟楫江浪揚天吳亦知遠行惡其如謀

區區鹿聚幸可料對牀莫念吾

喜雨

甘澤自時降凡愚徒勞切譬如百里奚七十方有  
遭誰謂老得志遲速俱爲膏今日三畝足頓憫寒  
重號歌聲出雨聲近郭連遠郊天意本仁愛不過  
微汝曹嘉種秋可成努力安蓬蒿從此操耒耜慎  
勿持弓刀

時有取人于菴  
符者故及之

弔何經鋤

何郎名父子雅有水部風清言春流湧飲酒滄海

野香亭集

庚午

三十一

空少年任豪俠不與富都通馳聲翰墨場一時驚  
奇童公卿徒說項詩書猶賃春高才無貴士此理  
今古同且復歸道南便欲老墻東誰知林泉福甚  
於千戶封徭徠祇終歲已感二豎攻忽作禰衡去  
天上何匆匆桃李謝雖早要自愈蒿蓬久暫總遭  
遇豈必皆喬松歲旱等爲死羨君獲令終膈骨委  
蔓草試看南山農

騎驢行

肩輿費役力怒馬非所宜短驢稱腐儒安帖如眠

時過潦頗健疾陟險憑指麾綠眸數十里絕無顛  
蹶危揚鞭發高興側帽哦新詩兒童疑買島拍手  
笑相隨中道見破屋錯作故廐窺嗅地忽欲臥向  
天或一嘶嚙草打不動四蹄若懸槌顧此戀早情  
使我羈心悲人命合蓬轉歎段徒爾爲未知老蹇  
步何日得還歸前去偃仄路辛苦當告誰

石塘午飯

伏羲山下村小峴峯西店茆椽舊行窩頻過增悵  
念兒童熟車音主人憐數見鄙食辦咄嗟意是親

野香亭集

庚午

三十一

自饌入口甘黃鷄放筯空紫莧那須五鼎供捫腹  
亦已饜但恐足老鑿長途成午倦一笑期歸程流  
光速如電

石梁道中苦雨

舊雨已沒犁新雨更盈尺雖知宜分秧猶恐欲傷  
麥有年未可期翻作怨行客雨衣非瓦爲馬遲如  
着屐北譙十日泥能使鬚髮白精力三鼓竭復此  
饑寒迫炊烟出疎林眼中疑故宅菜把朝飯了茅  
柴卯醉獲后土何時乾緬想乘風翻

晚晴旅興

農事恒願雨客意偏喜晴晚風吹披襟村醞還自  
傾頗聞畎畝足亦復塵土清無殊在家樂莫念來  
朝程

伏羲山

虛白曳雲衣濃綠施烟鬟翠嶺失平地剛吹當重  
關鉤梯聳絕壁清澗時彎環啼鳥異凡聲老鹿馴  
欲仙未審上古帝遺蹟奚由傳盛衰幾滄桑山名  
猶昭然或因憫流俗故開淳朴天所以高尚士必

野香亭集

庚午

三十一

話羲皇年低徊動遐矚百里落眼前二畢與五時  
俱可蠓蟻觀殿閣渺何許鐘磬非人間青松涵太  
空浩蕩難追攀堪嗟下土愚瞻顧知無端迴風吹  
矯首斜日催征鞭靈境不可駐此去仍塵寰

彭輝村夜飲

舊去衆樹枯今來麥人成倉皇走寒暑一椽費經  
營未學西方教乃爲行脚僧野風吹敗屋朽柱鏗  
有聲督郵豈云美貴使夢寐寧雖不醉二參三升  
亦頗能模糊視殘燈睽睽如流螢

大墅人家小留

大墅村中路一歲經已再單車與筇輿驅馳若相  
代田夫舊鄰里見我釋耕耒一笑携手同寒溫勝  
時輩竹鷄下樹啼花犬上牆吠鄉人畜蜂豕貧女  
挑野菜所業雖細微要皆不自廢却憐浪遊子塵  
土任污穢朱顏變白頭動名竟安在

浦山道中早行書事

列樹灑宿露晨飈響征鐸蕪田在草間烏鼠互飛  
躍荒涼斷行客烟火寂叢薄近聞荏苒澤劇盜肆

野香亭集

庚午

三十三

剽掠荆棘染人血所過勝燒灼官軍雖格鬪巨猾  
未受縛往古服民道寬猛慎籌度難犯畏火烈易  
狎視水弱失偏卽慢殘蒼生更誰托實惟厚德者  
始能兩無錯農桑有事耕鑿自安樂高枕翼黃  
時肯爲綠林惡三咏鄭興歌子產如可作

曙後大涼途中感賦

朝霽風日冷絺衣乃裝絮如何盛夏時蕭爽若秋  
暮或云江長潮水氣方四瀆旣解五情熱復愈消  
渴痼高空無火傘炎官甚仁恕昔者一月雨此地

泥沒袴道上走魚鱉塘中賀鷗鷺凌兢馬不前田  
家信宿住再經感逝波茫然墮雲霧人生眞石火  
每苦寡歡趣徒將父母身劬勞委行路苟非摩尼  
珠豈免飄塵汚瞻望北與南叱馭曷可慕

自萬家嶺至全椒雜書

雨乾炎蒸起浮埃依舊飛家中念我熱走馬送羅  
衣預愁嚙指痛遊子當懷歸倉卒脫組袍舊寒忽  
已非

道渴謀村沽車傍煮野菜并酌門下騶何殊老兵

野香亭集

庚午

三十四

對作客得酒漿拍浮亦勝槩牛欄雞塹邊雜坐不  
嫌穢  
蒿艾延浪莽破屋委丘墟不知誰氏宅棄置無人  
居修蛇畫探雀鬼妻夜生雛由來盛衰理人鬼皆  
一途

嵯峨鳳凰山目盡千里路遠烟翳復收望見北譙  
樹城郭極分明居民半新故遲廻爲小留重是昔  
遊處

書界首村鋪

野溪風細搖松杉急湍飲馬響馬銜枯樺舂揭古  
田綠處處菜花繞茅屋居人樂甚鄙利名三叉市  
口聞笑聲驚問客來自何所督郵幾時離城府舊  
日此地無蝗憂但恐下鄉隨督郵

旅飲感懷亡友戚笑門

遺稿終虛爲勒銘平生生死友愧浮萍虎賁絕少中  
郎貌對飲憑誰作典型

東葛逆旅見舊題有懷洪厓

三日疾走何辛勤欠身店發吳吟頻葛城蝸舍卸

野香亭集

庚午

三十五

行李板橋無簾眠車裯憶昔夜燈照鄉淚故人曾  
共桃花樽酒酣得句欲題壁眼暗手冷還逡巡夫  
君草聖世所慕爲倩運筆張吾軍鉤畫縱橫帶瘦  
硬健若鷹隼摩高旻詩木疥駝豈白傳貴從元九  
傳顏筋屈指此興又兩月重來拂拭前春塵作者  
書者已南北墨痕透露猶鮮新聚散情深倍惆悵  
支頤西向空烟雲

古寺逃暑因憶山扉

露體猶思汲井花怪他老衲着袈裟山扉熱客如

相過應訝程生不在家

古驛阻風

山容與江色慘淡雨難開白浪鼉翻出黃沙虎下  
來行雲帶微雨遠夢失驚雷預念龍祠渡扁舟怯  
泝洄

歎蝗

六月一日日正午遠天忽黑作蝗雨疾風乍掃儔  
侶迷或飛或落田高低村媼持竿坐守護老眼蒼  
黃不知處竹竿悞撲新秧中新秧反傷蝗却去蝗

野香亭集

庚午

三十六

性雖惡心頗公秦陽高鳳俱成空河邊漁父閒自  
若我無畝畝身最樂

江路暑雨

隔轍看殊異神靈若蹈空雨來三面黑日放一邊  
紅龍挂陰雲下江流苦霧中還如渡瀘水暑瘴失  
西東

江郭晚愁

萍梗江城一再淹阻風中酒旅愁厭懷鄉無異追  
殘日處世眞同過矮檐牧遠尙飄橫笛韻烟昏已



失近山尖分明枝上提壺語似笑羈人突不黔

浦子城棹歌

古今送客水悠悠西接蕪湖東潤州却是南人北  
渡好北人南渡宿沙頭

浦口竹枝二首

大船小船來往頻順風逆風認未真不斷青山無  
盡水直教愁殺過江人  
戎戎小市閭斜暉名酒鱖魚天下稀留得行人成  
醉飽望江樓上典春衣

野香亭集

庚午

三十七

讀姜肱傳憶弟

絲繡姜伯淮金鑄仲與季羨彼友愛情一生聚一  
被曾不戀妻孥豈復遠兄弟如何後世人小事輒  
相離有酒勿輕嘗先滴青州地撫傳憶卯君連枝  
幾時繫

董嫠婦江浦店嫗也布裙雪髻蓋獨守五十  
年矣余往來石頭必假寓焉今夏復以事  
羈爲留信宿盤餐帷榻位置詳妥是日覺  
無飄泊意感懌之頃作此爲酬

紛紜世人性競愛瓜桃甜誰肯問苦李棄擲如茅

蕪賢哉鬻飯嫗授館情無厭頗同林氏嫗欸接蘇  
子瞻江水煎顧渚雞卵點吳鹽釀味譜南董下筭  
羅鰔鮓板榻代肩輿徜徉痊舊疾紙帳遠蠹蚤不  
用車上幃位置各得宜一一皆心欣因思詩禮徒  
貧主時生嫌杯酒偶乖意輒復施鋒銛婦人乃勝  
此令我感歎兼他年獲丹穴築臺榮閭歸與賣  
書籍爲買東家簪

江樓雨望

野香亭集

庚午

三十八

元氣浮空萬古烟南山北樹遠如連畫圖誰展營  
丘筆形勢猶傳霸祖年地軸縱橫生葦嶼天吳揚  
簸亂漁船襄陽魚徒隨潮至試問槎頭縮項鱸

江上寄懷張廣生

張生桓侯之苗裔飛揚跋扈更斌媚膂力自許幽  
并兒意氣恥爲刀筆吏春風綺陌有同車夜雨江  
村無獨睡竭來掉臂洛陽遊脚頭失却祖豫州曩  
時談笑眞一夢炎天忽忽登高愁念吾兩月四行  
役知君定怕淮山碧



聞書聲有感

細吟讀書聲信是志朱紱臭腐雖不佳人間貴此物

江夜追涼

舊熱如前世新涼非夏天風中聞買舶燈處想漁船蘆葦都成岸山川盡是烟蠅蚊阿誰逐正好臥江邊

漁家樂三首

生長狎風潮得利無辛苦誰道石頭漁不及襄陽

野香亭集

庚午

三十九

估

舉網得長魚滿船耀金色笑伊彈鋏人終年草具食

瓦盆醉江酒雜坐脚不襪踈篷猶夕陽後梢已明月

颶風卽事

昨夜塔鈴語今朝眞放顛省身須此後失色憶從前波浪天應接蛟龍晝不眠荒涼孤港裏急遽泊官船

記店媼言

店媼灑掃罷對客陳平生瑣細千萬語大抵誇前榮當時面發紅今日鬢已星回頭見新婦傷我爲婆情

靈澤潮來口號

夫人廟口潮流向吳宮潄激石灘珍珠還作奩粧觀神來疑歸寧難問鍾山土徘徊復四行何處劉郎浦

江樓殘夜吟詩不成有懷趙秋谷

野香亭集

庚午

四十

建業城邊飲水甘苦吟只似盡絲蠶殘星長笛人空倚好景誰傳趙渭南

渡江前一日寄阮岩公

道南人繫渡江情明日過門旅病輕只恐厨中三百斛不留餘滴壽劉生

暮江新霽卽目

晚汐初來勢四泮無邊佳景落晴江歌殘玉樹空遺恨愁絕黃奴此舊邦遠岸峯峯經雨濯歸帆葉葉受風降斜陽透處船中見紅袖分明坐倚牕

渡江却寄黃樹功揚州

人上白門船心念紅橋樹  
汪汪千頃波已如對叔度

入城

落帆驚疊浪上岸喜羣山  
千古石頭在行人何日閒  
輿臺今讓道津吏舊開關  
心識秦淮好還來借藕灣

晤王洪二君子

故人迎我下征鞍往事樽前急訴難  
來日君家倩

野香亭集

庚午

四十一

傳語田疇得雨竹平安

長干曲

白石郎君艷絕倫殷勤逆浪與郎親  
小姑怪底無情女守着青溪不嫁人

甜酒蜜汁不可當誠齋先生新酒歌句也余

數飲金陵味極相類偶讀江東集戲以此

句爲題兼慕先生奇釀之妙

杜康往矣革妻亡却使人間榨蜜湯  
清聖尙無通夜力春錫豈是掃愁方  
墨花難灑紗襟上紅槿虛

簪絹帽傍眼底雖流建業水誰能抱甕與儂嘗

景陽懷古四首

都官不可居詹事江總高才卽大忠  
潘陸終當勝園綺腐儒那解輔青宮  
取旨從來賴勞閣天嘉回首起憂悵  
日高不得君王覺誰掣先朝響夜籤  
女賓狎客競封貤內殿俄呼蔡脫兒  
章疏雖多未須進大家正在譜新詞

歌聲未了鼓聲催風裏降幡獵獵開  
璧月瓊枝莫

野香亭集

庚午

四十二

哀怨摩訶曾進一言來

江南弄三首

妾是長干女解唱長干曲枉嫁長干人不共長干宿

綠楊蔭明鏡酒船擲梭過中有挾瑟倡疑郎或在座

郎心如荷珠妾心如蓮子子落終在房珠落隨流水

贈王安節兄弟

徽猷凝之少後塵風流江左嘆沉淪石頭城下方  
懷古忽見烏衣巷裏人

秦淮雜書

新水三尺綠侵戶水上不絕聞簫鼓蓮花想見景  
陽粧柳枝還似盧家舞紛紛輕薄闌新奇漁樵亦  
着絢綺衣日落不須燈火照自有月明相送歸  
笙歌遠沸秦橋壅大舸小艇不得動貧富俱解張  
華筵足踏聲喧覺船重南人一日遊冶賞北人一  
生養妻兒草堂有客無聊賴獨對殘釭譜竹枝

野香亭集

庚午

四十三

閒遊

石馬松濤引斷牆寢園別業鎖荒涼人行東冶情  
偏繫路入西州意自傷水調乍聞愁冷落茅君未  
訪怨郎當齊宮金粉凋零盡猶有鐘聲出景陽  
榴花欲謝藕花催隨處遲留得舉杯幕府清泉千  
尺瀉祖堂疎磬一聲來自憑蹇步徐行去聊趁斜  
陽倒載回地下山公呼不醒酒家猶傍墓門開  
孤篷聽雨記當年又過棲霞古寺邊鄉國路拋飛  
鳥外利名心盡定僧前城門日落無遊騎江浦烟

生失釣船風景不殊人代速新亭極望水連天

聞蟬

拭汗齊紈倦聞蟬夏律深惟知高處好不解靜中  
沉韻息螳螂步琴生殺伐音笙歌滿城郭誰聽汝  
孤吟

夜感二首

夏日尙苦短夜興繼晷遊華燈笑明月繁吹狂羣  
舟蘭漿亂雨點水勢失故流酒肉賤如土妻子寧  
足謀爲樂無節候四時不得休何處逆旅人寂寞

野香亭集

庚午

四十四

生鄉愁

支枕納清風饑蚤愁禁當滿身花樹影明月上人  
床客遊所在惡作夢亦不長隔鄰者誰子夜夜有  
歡場光陰固可惜微覺太匆忙

山陽崔小衛明府棄官後客遊金陵萍踪相

遇不能無感賦五言道懷

白水崔十九素卑彭澤官揮却簿領憂黃冠成等  
閒爲政謠五袴投効受大錢不欲返里門飄飄吳  
楚間我卜東田宅春徂夏漸闌未謁臨卽宰豈取

王孫憐眼前酒肉徒蠅蚋同棄捐自甘淡生活謝  
病如逃禪竹溪舊儔侶萍遇感偶然早忝忘年交  
通刺無踰垣樂哉文字飲何處侈管絃莫愁與桃  
葉綠波荷花鮮速宜買小艇共結禽尙緣從今日  
移夜頓失鄉心煎

寄內

遠人道里未迢遙不用金錢卜暮朝若問居停何  
處是秦淮南岸第三橋

金陵旅懷

野香亭集

庚午

四十五

風細榴花稀雨頻荷葉綠時節已湯餅游子尙馳  
逐擾擾百年中強半在水陸脚痛比梅生奚堪久  
蹄軸不及葵向陽猶能衛其足日月出入間六朝  
如轉燭烏衣廐馬嘶臺城上樵牧江流默無言送  
此繁華速青山傲紅塵白雲笑金谷功名草頭露  
留意多所辱何日水田衣逍遙一筇竹

喜晤程穆倩

萍寄長干喜見過耆英長老望嵯峨身依靈壽閒  
遊數手拍銅人舊感多私念吟風師茂叔翻慚無

野香亭集

語對公和愛蓮獨嘯先生得塵海浮沉可奈何

水榭

畫橋水榭夕陽明舟遠猶聞歌板聲忽憶山居殊  
不俗月高中婦坐調箏  
親人魚鳥水如天六代歡場歡逝川想見烏衣佳  
子弟也曾連臂泛遊船

不寐

驚風突入庭夏樹作秋雨明明露涼月暗暗收炎  
暑客魂誰招歸家事誰告語鬚莖蝟毛磔口唾蓮

野香亭集

庚午

四十六

心苦起來嗽餘茶蚤聲正如鼓

夜過廻光寺訪以時于六禪人持上出其甕

頭小飲卽席有詩賦贈

逐月訪親舊到寺鐘罷鳴山門風爲開佛座琉璃  
明笑語出長廊引火掃禪屨小槽滴琥珀煖獻雙  
玉瓶作客命如花莫視佳招輕大師彌天秀居然  
六朝僧本是名公孫習靜非所能放筋嚼饞虎把  
杯吞渴鯨寂寂方丈中乃有呼酒聲興至且恣意  
白日誰上昇梁武不如輩嗽口過一生餓死終不

三二七



悟至今嶼臺城况逢文士飲雖醉猶勝醒賦詩贈  
釋子兼紀山陰情

秦淮雨晝戲題

昨日天晴水氣柔漁船不遊酒船遊今日天雨水  
氣凜酒船不出漁船出隱然龍子憎奢華要使炎  
涼無等差此水本是衆所共豈可汝輩專爲家漁  
船舉網卽生意酒船無客但坐視漁船得魚換酒  
歸酒船羨魚空忍饑橋頭偶遇金張僕低顏笑語  
腰已曲官衙雖愛晴景宜不知雨景尤多奇

野香亭集

庚午

四十七

雨

媼龍吸海水散作江雨飛傾瀉勢瀕洞祝融愁斂  
威樓下浩如湧樓上寒侵肌不成着羅葛誤典冬  
春衣榴花片片瘦波痕層層肥白晝何杳冥四天  
無晶輝客身蟻寄磨客心蠶抽絲悵望千里風布  
帆隨西馳

月夜與王仔重同年飲水榭兼懷都下遊好  
王郎執手秣陵鄉雨晴正嗅新荷香河邊亭館頗  
不惡旋網魚鱉羅酒漿但與吏部話風月君應知

我諒肝腸露涼烟細夜未央東船西舫無燈光一  
聲橫笛尊前出還似徽之逢野王近來百事不挂  
齒惟有愛詩入骨髓昨日郊行偶得句狂呼驚走  
老樵子獨喜平生所交善青溪水榭又相見別後  
卷成一牛腹欲乞餘論作針砭深杯重把莫辭勤  
曲江兄弟歎離分當時馬上看花處百五人中幾  
箇存

逢蕭閣有

何意蕭思話萍逢桃葉津爾爲倦遊客誰是繆恭

野香亭集

庚午

四十八

人粉本淮南手青衫冀北塵蒼髯且投老鯖味不  
如蓴

旅途遣懷

分判炎涼南北風鞭絲帽影厭飄蓬忽晴忽雨夏  
秋會一水一山今古同土潤豆花茅舍外岸高棗  
實夕陽中眼前村落眞堪戀况有蹲鴟已作叢

山店口占

白鼻青驄繫斷垣輸他黃犢與烏犍田間來去欄  
中臥笑汝南轅又北轅



夜行口號

大道如弦坦不頗草根清露暗重多與夫涼夜行  
偏健齊唱彎彎月子歌

沿盡秋河到古村鐸聲纔歇犬聲喧居人莫怪傳  
呼急不是催錢吏打門

卽景

楊柳枝垂風力微人家沿岸啓窓扉夕陽未盡半  
溪暗水鳥一雙明處飛

行路偶題排悶

野香亭集

庚午

四十九

竹鷄啼雨蟬噪日道上陰晴不可必秋風吹面泥  
洒衣草際候虫復嗽唧淅水新衝拆板橋誰給鰈  
子來相要暮顏向天叫無力自適不如漁與樵

山行值大風雨遂憩觀音院賦短篇示覺上

人

肺病追涼過嶺來酸風盲雨叩香臺慈鴉護子濕  
不去野蝶依叢吹復回龕上磬因通客設松間門  
爲汲泉開平生頗學山僧懶今日飄零恐見哀

旅夜

昏黑投孤店支床卽故丘歸人西北夢夜雨古今  
愁何日停征蓋清江買釣舟繁憂不如意雙鬢恐  
先秋

秋暑

遺暑止當午秋來朝暮涼稍能罷紈扇漸可任羅  
裳靈葉多辭樹虫聲競出牆爲貪眠臥穩拭目盼  
殘陽

雨後作涼懷友人

一遇炎蒸後涼風不等閒輕雷聲未定猶殷夕陽

野香亭集

庚午

五十

間暑雨愁長路秋花戀小山叉魚招故舊爲冥視  
刀環

送門人許進士赴由拳令

憐他淮海客去宰秀州城請試長安令前賢貴此  
行到官齋馬瘦爲政韭溪清自古臺郎拜皆因聽  
頌聲

初歸對雨

來婆卜後促歸程却問家人黍稌成江上輕裝辭  
小艇牀頭殘卷理長檠夏雲漸減推峯勢秋雨初

生打葉聲四壁瀟瀟愁點滴茂陵消渴望金莖

去冬大雪後園中芳樹盡死而野卉滋蔓生

意轉繁鳴呼松菊不留蓬蒿獨永作詩示

後生

雪後淮南地欲髡春花秋樹念啣冤不圖幽潔淵  
明徑忽作荒蕪仲蔚園塞巷雖宜違熱客盈籬但  
覺愧清樽佳人空谷猶悲惜何況香魂葬九原

奉和諸同人香花墩宴集限韻之作

大馬高車久倦遊新憐着屐到山樓爲尋甫里先

野香亭集

庚午

五十一

生樂致費青州從事酬且可近郊荒二頃也須臨  
水置三舟寺門舊日銘詩石繡澁苔侵又五秋

寄贈石門吳侍御林居

妻孥未告趣治裝驄馬歸來街一鄉范蠡湖頭懷  
北闕宣公祠畔夢南床此中但許飲醇酒他日不  
圖求諫章自是平時籌爛熟家人誤罵少年郎

贈孫仲翁

輕霧鳴湍惱夢思索居每嘆拜牀遲著書事恐兒  
曹易賣藥名驚女子知賓客來踪長嘯斷羊牛歸

信夕陽移早年錯信秦僧相愧對先生不語時

追奠楚邑

自會暮春葬愁過城東門不識盡解泣讐人亦愛  
文尙記醉寒食何忽奠中元還疑遠道別開篋素  
書存

賢妻明古禮哭朝不哭昏老親每念兒但撫乳下  
孫冀汝勤誦讀青紫早致身平生酒肉友對面知  
誰真

飲義上宅夜歸偶題

野香亭集

庚午

五十二

自醉江酒後歸家又經旬餘興猶未闌覓歡訪所  
親如何異方杯不及同社樽舉手玉山頽吻渴吐  
車裯秋來始半月夜街無臥人鑼喧兩三打引火  
敲柴門就枕杳不覺嚙膚由饑蚊

秋懷五首

偃仄守環堵躑躅仰晴昊下上不自由如兒在襁  
褓草虫奮新秋嚶嚶爾何早陳人滿清聽焉得懷  
抱好

朝聽枝上蜩夕觀草間螢朝鳴復夕燿競此光與

聲不念霜雪繁他日何所生歲月鳥過空眼前能  
幾經微物及時街猶勝士無成涼風悲長年閒處  
淚沾纓

幼兒罷睥睨嬌女停裁縫一笑庭下戲晚飯明月  
中膝前豈云樂堂上縈心胸親舍隔長安魂夢三  
年通緬思朝衣侍客坐立從容聽誦清白誠行墨  
輝屏風佩之不敢懈還與提命同孺慕憑書郵問  
安倩飛鴻登高瞻白雲游子罪無窮  
慕隱有真偽嗟卑無老少所以蘇門人默然但舒

野香亭集

庚午

五十三

嘯多言空損神碌碌誰達道後賢非不知膏漆卒  
難覺

憶泛金陵潮流寓鍾峯側雞棲坐寂寥看人南與  
北戶有安成食路有臨汝飾朝曦更暮蟾相遇不  
相識豈無好山水玩之少顏色雖存羨魚心經營  
非我力還乘敝策車歸來事耕織

贈酒家媼

昔有餘杭炫能助王方平亦有焦革妻善解東臯  
醒一以接仙顯一以繼夫名此媼無乃是敬客何

其誠他年惜子先看作酒母昇

逢相者吳生却贈

少遇華山僧笑我非神仙但云做不得畫灰無他  
言感之內惶惑靜悟同叅禪十年臥向壁反側了  
不閑躑躅盜寸廩前路愁登天戶限入更出問津  
何由緣吳生許負儔遊歸念華顛未詢近情況先  
視囊有錢既餘沽酒貲百事皆可捐嗟哉兩失人  
相對心難宣所求談未來庶以定終焉

月夜

野香亭集

庚午

五十四

明月又經秋光華浩莫收方驚衆星顯乃是片雲  
留形影三人酒羈棲萬古愁暗螢流水面仙鼠觸  
簾鉤風細便支枕賓稀懶上樓架鷄疑欲曉喔喔  
誤更籌

寄河中處士吳蓮洋

太息河中隱孤標與世疎辭榮伴墜笏避詔感圖  
居新貴矜華屋孱軀戀敝廬漁童諳鼓枻翟氏解  
揮鋤官道多遺履隣家許借驢園丁分果藪溪友  
送魴魚時輩誰知此先生自晏如江花暮春句汾

雁早秋書賤子輕朱紱三年去玉除因風憶眉宇  
崔曙昔相於

夜雨

夜雨蕭騷酒乍醒涼生深竹散流螢吉祥寺裡曾  
無睡又向芭蕉葉上聽

寄崔小衛同年

崔駟不樂并門去李愿亦歸盤谷路客髮同禁江  
上秋浮萍豈得常相聚寄書遠託雁和鱗紙尾還  
將心曲陳看君五畝因官棄章句無須教子孫

野香亭集

庚午

五十五

送蔡龍文遊青州兼懷秋谷

初涼江浦聞鴻聲蔡侯偶憶良友生日高結束脫  
身走曠若平野飛豪鷹秦淮鍾阜厭數見南酒終  
遜澠流清方思五嶽追禽慶况爲故人來問訊黃  
柳依依帶舉鞭紅葉紛紛撲雙髮海上蒼雲泰岱  
秋天邊青土廊琊郡趙郎宅前山水明相離官道  
無多程一從拂袖署門後守寂不望三台星君如  
去作孔巢父但恐新有田居名

寄從弟碧

少年法當志四方隨珠趙璧非泥藏吾弟去踏長  
安土墮甌不顧何慨慷舊誇穿葉多汲引達官長  
者容登堂置身名場真可喜鴻鴈却隔雲中行遠  
思幼客意若失雖有黃耳終摧腸

哭從弟碧

疇昔小季好遊切儼裝浩然絕裾決念遠曾爲勉  
愛行手攀古柳慘無悅齊樹燕雲望望長沛驛淮  
舫匆匆別秋來消息各茫茫夜雨淒涼醒斷腸金  
瓶落井杳難覓鴻鴈不肯西南翔鄉人忽自日邊

野香亭集

庚午

五十六

至坐定頗悉今行藏爲言米向王門乞谷糞不容  
共棲苑京華炎勢能污人坎壈致令心抑鬱天半  
朱霞雖絕塵那知不是長存物二十餘年作爾昆  
荷裳藿食未曾分聯句和歌數晨夕皮陸誼并維  
綸親乍驚弱齡已大夢姜肱毗同傷神聞道南  
風輕五兩旅櫬何時出江上掌中黃口未知哀堂  
前白髮誰爲養巢湖波綠蜀峯青轉憶春郊載酒  
情重到麻衣墜水處惟見沙頭飛鵲鷁

秋夜程孝廉兄弟招集也園同用燈字



孟氏園居舊所稱張筵秋樹失炎蒸逢無恙日來  
偏數遇不齋時飲最能疎簾風生添半臂長廊月  
盡續華燈孝廉已有茅容養更減江魚及友朋

秋社後一日同人宴集稻香樓

故人相聚酒如泉未冷初涼早桂天豆麥自分村  
社飯庖厨誰費水衡錢魚蝦香餌晴拋網鳬雁秋  
風晚刺船當日東曹彭澤輩不將身後易生前

飲方少府書堂

秋清漸與酒樽親桐帽棕鞋發興新浪說公爲數

野香亭集

庚午

五十七

旬客却忘予是十年人俸錢少積還分友官舍多  
餘亦借民他日屏星上車後須知此際得閒身

訓張寄堂

索居無伴念南隣忽漫過門阜帽新拙宦病偏羈  
李布故人來果是張譚頗聞作畫揮雙筆復訝狂  
書待老春淮蓼魚鹽憐旅食三年不見越溪蓴

棗林

束束先生舊賜名官園薦後價初輕日斜婦子提  
筐急紅處時聞笑語聲

寄贈周白雲

掉臂逃名志久灰雲關誰見幾回開平生不識安  
丘令曾爲門人縣裏來

中秋夜

閨餘霜早薦鷄頭勁矢年華攪鏡愁怪底徐郎宦  
情少合州城內雨中秋  
珍重今宵萬里晴西巖一墮最傷情人生酒色那  
拋得木雁休眠折足鑑

賦二詩畢張廣生適自洛陽至命酒情話追

野香亭集

庚午

五十八

念昔遊復成四首

昨見程林釀法醅買歸眞喜泛深杯方圖自了中  
秋事不道門前孟祖來  
淮水悠悠洛水長新居雖定故居荒丈夫流寓尋  
常有却苦兒郎不識鄉  
字內山川自古今朱顏黃髮幾銷沉竹西歌吹秦  
淮舫一種牽人醉後心  
露冷烏栖月勝銀昔遊閒話轉傷神相離何惡逢  
何喜那得長爲共僦人



送曹魯齋宰岑溪

曹攄才大試分符天地西南此要區過嶺猩猩啼  
正苦舜墳雲處是蒼梧

蠻歌銅鼓出桄榔樵結鯨花溢道傍欲變猺風先  
孝弟初來巖峒拜丁郎

王廷徵生日四絕句

沽酒牽羊嫌鄙俗聊將筇杖壽王生雖非綠玉蒼  
藤比也遣山行兩脚輕

六十平頭不稱情朱門誰惜米嘉榮幾思歌博蓬

野香亭集

庚午

五十九

州印老去孩兒恐倒紉

江北江南風景殊吳儂見月唱吳趨鷓鴣縱得飛  
飛去苦竹叢西舊業無

牽船岸上卽吾廬幽寂人如退谷居只有土源來  
不厭醉時常許拂墻書

張虞賓再至仍寓萬壽寺戲贈二首

三史聲名勝宦遊白衫隨處得遲留瓦官寺裡僧  
貧劇爭喜重來顧虎頭

曩時遣我鵝溪絹平遠山林日日觀常恐賓朋翻

手污三年寒具不堆盤

題汪生荷池竹榭小像二首 新安人

江上青峯面戶斜漁梁竹榭閃晴霞新安水漲蓮  
花洞一夜蓮花盡作花

茗椀爐香迴絕塵楚詞閒把自歸真蒼蒼雲氣盈  
襟帶如見黃蘿山下人

題內子畫

不隨隣婦動秋緘愛寫峯巒步障中錯認廬山眞  
面貌便思去訪李騰空

野香亭集

庚午

六十

打棗歌

我家門前老棗林周遭十畝皆過尋秋分結實正  
纂纂常恐鳥雀來相侵手持竹竿思大嚼婦挈懿  
筐兒帶索夕陽射眼風吹衣一聲疾掃紅星落鷄  
卵鹿盧初入口枝莖肯在官園後河東太守不媚  
竈平虎將軍莫舒手仙人童子應罷休只此如封  
千戶侯雖餘禿樹無生意還能刻盡人間字

奉酬仁長稱余白門詩

春衫別君桃花紅清明上巳塵土中草裳別君荷

葉碧湯餅蒲觴在行役逆旅久寄鍾山隅蛛絲鼠  
跡朋過疎騎驢頗被官長笑吊古難得驪龍珠改  
定猶愁觸忌諱未可一字示豪貴托興常生汗漫  
情寫懷恨乏風雲氣涼颼忽至梁燕忙客子亦圖  
歸故鄉綴聯一束小奚負人疑長吉携錦囊袖出  
聊供覆瓿具故人知我無好惡方慚曹檜不成邦  
那知君有劉龜痼他時移宅青溪潯漁共扁舟樵  
共林古來交誼今豈少莫使前人美尚禽

醉後作

野香亭集

庚午

六十一

常怪古人言酒無通夜力晚來開一樽拍浮盡頃  
刻昨夜聞兒啼無人起挑燈老婢呼不起倦如嬾  
殘僧枕上思古人出語非草草此理誠有諸不能  
夢至曉有酒愁暫忘無酒心自悲雖然酒易醒猶  
勝無酒時

寄洪厓書記

雲中燕雁飛故人信來時平生慕瑤琳此任誠所  
宜芙蓉在綠水想勝塵土棲殘燈照孤坐掩卷中  
心悲衾鐵臥更起睜目望天涯妻孥待衣食館穀

野香亭集

寄勿遲主人雖好賢遊嬉當貴稀酒肆倡樓中莫  
使街子知檄書得餘暇自多懷古詩

風雨感懷

莫憶少年事無歌休洗紅秋來怕聞雨病起怯禁  
風梁燕旅情動庭槐生意空緼袍久捐棄今日頗  
爲功

崔石公別駕招飲息六堂

作宦能多暇眞憐共息機鵲棲廳事晚書吏人  
稀早菊秋盃味霜螯左手肥從來白司馬泉石不

野香亭集

庚午

六十二

曾違

宴王東旭宅

王猷耽種竹李愿好居山各話平生志同謀一日  
閒渴羌眞自喜歡伯復誰慳汐社從來信重尋莫  
掩關

許仁長招看菊花

北風吹地天清空草木富者無一豐過門因思十  
畝竹那知忽貯滿庭菊西日油窓坐不寒塵中誰  
似許侯賢絲竹但防兒輩覺名花常與故人看綠

房金粟宜秋酒霜螯况入畢生手樽前已愧乏新  
辭偏能携取落英歸官街來燭繁可數七星挂城  
雁聲苦

流寓行爲吳門王廷徵作

烏衣子弟鄺琊後清謳第一韓娥口里人雖愛聽  
曼聲無贈一塵并五畝年少如雲錦繡堆老翁見  
慣誰低徊不入卽出丈夫事局促轅下眞吳歎閭  
門外卽天涯路何鄉不是留連處定交杵臼古來  
有知己寧論必親故妻兒乘車身跨驢囊空後少

野香亭集

庚午

六十二

蒼頭奴東方日高行侶疎罡風墮指霜盈鬚間關  
旅食晴和雨十里五里朝還暮疊翠都爲淮泗山  
平烟失却長洲樹江水纔過湖水清修廻忽接合  
州城但卜茅椽意亦足吾儕本似行脚僧人生憂  
患豈終極僦居便漸多相識陶白爲營負郭田金  
張恆許登堂闕休驚吹出路傍愁一笛曾費烏貂  
裘休驚琵琶推却巧緣與街西段師好今日南冠  
搽土音自令北客皆傾倒鳥旣安巢勿愴神秋月  
春花且主賓李生未敢歐陽比也得年年近杜彬

青苗曉行

爲鶴洲明府作

使星朝送去督郵暮經過下馬盛氣言汝何拙催  
科溺職所當懼限急遑恤他聞罷默俛首揖別淚  
滂沱膽非元道州奈此符牒何  
父老四五來面若凍梨色苦云青苗地巨猾久潛  
匿路人晝不行黃昏鬼相值倘無太叔奮誰復安  
耕織吾聞上古民不知盜與賊  
朝衣趨戟門鐘鼓雜嘈嘈趨送急遞堂吏叱聲  
騎上官愛簡靜縣令敢煩囂勉旃慎檢點黜陟我

野香亭集

庚午

六十四

所操歸哉喫乾飯無徒自劬勞  
英英甘菊花傲晚自終古雨過顏更鮮風來隨意  
舞胡爲棄故籬薦向朱門庶雖有凌霜能托根失  
其所常愁採擷頻一見陶家土

月夜張虞賓招飲萬壽寺醉後有作

張子後來秀前身太湖精手持厨中畫閒博世上  
名禪房偶萍寄遇我如平生寒宵惜明月忽動賓  
主情漁市味魚賤隣家臘酒清倉卒留膝席相向  
同醉醒夜久天微暈揖別北斗橫遙失縣門漏霜

街叫嚴更誰扶倒載返不覺到柴荆來朝乞雙筆  
細貌支許形

九日晤周安期

荒徑常疎屐齒聲草堂納刺睡初驚微官苦作抽  
簪想名士眞須束帶迎船裏逢張非舊識座中得  
孟本平生秋風正促重陽酒不厭鷗鷺杓數行

九日雜感四首

處處黃花入眼明江南耆舊約郊行登高力固輸  
兒輩賭酒豪猶敵老兵終歲吟哦游覽興百年生

野香亭集

庚午

六十五

死拍浮情山歌村笛難爲聽一曲誰傳尹氏聲  
秦淮桃葉競時新率爾淹留已越春官舍保傭皆  
慳靡酒場意氣盡雷陳晴川簫管矜燈舫明月樓  
臺艷舞人回首繁華虛有記秋衾夢斷感蕭晨  
疇昔仙源叨載筆水衡月給拜殊恩奏書曉逐王  
公入裏帕春圍鼓吹喧綺幣傳頌太常伯羸驂許  
過止車門歸田一自求長假天上徒懷雨露溫  
苑少枯多風更吹古槐老桂亦離披雁當求侶聲  
聲急詩到懷人句句悲往事不留空好節新墳無

數乞哀辭那堪獨坐黃昏暮冷牖疎簾上燭遲

送周安期之廣陵兼達熊蔚菴明府

客遊浩無主心比風中旌偶讀蕪城賦還爲南兗  
行富人能下士鹽井易謀生况有臨邛令從來重  
長卿

寒雨

聽雨坐蕭然鉤簾望四天亂聲駭衆葉暝色壓孤  
烟寒勁欲成雪風生能透綿栖鳥怨巢濕不得茂  
林遷

野香亭集

庚午

六十六

送吳季盟

梅意湖邊動寒威郭外高離人飲臘酒朔雪上征  
袍空囊慚妻子他鄉感髣毛崎嶇爲衣食誰願一  
生勞

和倪生對雪

紙屋油窓靜不譁寒空接翅近昏鴉巷深縣令尋  
袁宅衾薄貧兒夢黨家市井千簷滴鵲管園林一  
片悞梅花何人得似倪高士清閨閒開詠雪車

贈僧

釋子彌天記夢珠名山卓錫勝香爐修篁古柳白  
茅寺草葉木杯青箸湖社裏宗雷思偃息門前弓  
矢望踟躕惠休詩骨無蔬笋慚愧江郎幾斷鬚

野香亭集

庚午

六一七

庚午稿終

先生編年諸集半爲余所論次是軼以簡古爲  
體以清儻爲骨以淡遠爲神揚挖風騷驅馳魏  
晉知其融液變化者深矣若但以流便處似長  
慶跌宕處似劍南則猶揚其波而未泝其源也  
仁和湯右曾

野香亭集

湯畧

一



野香亭集 辛未稿

合肥李孚青丹壑撰

濟南王士禎貽上批點

來日大難

今日已去來日大難疲於奔走昧於禍患不如自適可以長年肘後淮南白裏西山百日鍊成。驂鸞上天。武陵事遠誰繼漁父桃花滿眼失其故處山人勸酒千春隔晨桑田作海有我無人

新別離

野香亭集

辛未

一

生長深閨中不省有行路侵晨郎出門只疑會親故凝眸想馬蹄數日杳無處乃知新別離是往臨邛去

相逢行

紫陌勞車轍黃塵穿馬蹄相逢不交語。揖罷各東西。

古

宛轉行

宛轉復宛轉宛轉生愁怨君心如楊花妾心如紡

野香亭集

車

當醺曲

臨邛卓氏女愛才比愛色一朝從相如願作雙飛翼相如賣酒妾當醺淺淡粧梳艷且都寄謝故鄉諸長老各有所好莫嘲笑亡奔不告自覺非思量猶勝買臣妻

讀之令人笑

長歌續短歌

短歌短長歌長長歌復短歌斷續傷肝腸丈夫處

野香亭集

辛未

二

世貴適意造物弄人若游戲今宵明月昨雨風雨風便似前生事世間變態真悠悠北里行樂南隣愁不須思及百年後一聽歌聲堪白首三十搥車徒自勞廿九建牙亦何取短歌未盡長歌催歌長歌短俱成哀好客惡客不必計但取頻時同把杯

元白張王合而為一

少年子

人生天地間莫知少年子父兄位益崇一身幸無事馬馳楊柳街舟泛桃花水朝獵雲夢中夕醉狹

斜裏美食供客投華屋樂人指不須讀詩書居然  
被青紫仲舒獨下帷楊雄苦識字寂寞與繁華千  
秋竟誰是

黃雀行

生小惟依母與父爭食爭巢在一樹毛羽雖成不  
敢飛韓嫣金丸落如雨但謀糠粃聊救饑倉卒得  
禍身不知請看黃鵠舉千里亦有調人鼎鷲時

雞鳴歌

晚聲角角催月明曉聲喔喔催日生少婦空牀被

野香亭集

辛未

三

未暖征夫髻上霜華滿。氈車麟馬蕭蕭。商賈逐  
利官早朝畏寒共怨鷄鳴高。

聲情宛然樂  
府自出新意

天涯路

塵土隔山川悲風起日暮平原望不窮。乃是天涯  
路。南人從此來北人從此去南來北去間春花變  
秋樹。

偶似  
東野

烏夜啼

西風滿院梧桐冷深房欲黑星河耿秦鳥啞啞不  
住聲美人無言立金井閨中夜半幽思多烏啼鳥  
啼可奈何

楊白花

楊白花何處去不受綉簾幃浪走天涯路天涯何  
人留汝住待得春來時又恐紅顏衰女蘿兔絲  
連理楊花不顧人愁死

樹中草

高樹茂枝幹乃能容小草譬如江海深一任接行

野香亭集

辛未

四

潦。藉此扶疎陰纏綿死相保。君看苴與萍飄零不  
得老。

敬懷 家大人

神京翹首遠難分不見親廬見白雲雙闕偶然辭  
內史三年常憶滌中裙几前書信雖時讀門北雞  
聲祗夢聞何日朝衣隨下直執經肅立絳帷羣

至性  
語

詠史四首

樂廣固名士神姿映玉山寡嗜識何遠析理無煩

言水鏡世莫比。弘恕時所難。愍懷初廢置。詔下絕  
往還。卽有冒禁者。送獄多株連。豈期能不懼。解遣  
如轉環。不謂清淡人。忠貞出肺肝。較彼醉裸者。未  
可一類觀。長沙倏遭難。讒毀集百端。成都實坦腹。  
猜嫌貽禍患。五男易一女。答語誠爽然。奚爲卒疑  
死。後世徒傷憐。

劉毅尙清節。亦復好臧否。功曹獲令譽。府君安足  
齒。一朝察孝廉。都官下明旨。彈文每出袖。司隸輒  
相止。從來攫虎犬。不可凡畜視。豈以攫虎猛。反遭

野香亭集

辛未

五

鼯鼠毀。投傳去積年。忠蹇名更起。糾繩及保傳。守  
令振落耳。昔日蓋次公。峭直足堪比。觀其對南郊。  
桓靈語何謫。議論無由撓。朝野瞻風紀。痼疾苦未  
瘳。懸車良可矣。生何必三公。但要垂青史。  
和嶠具風格。清簡誰可方。森若千丈松。他日知棟  
梁。風度肖其舅。秦初爲不亡。季世信多僞。詎能隨  
低昂。慷慨憂社稷。義憤無時忘。峨然朝士中。苟監  
眞糝糠。

吾愛阮宣子。修潔無所藉。思至便褰裳。欣然忘晝

夜自得林阜。間四時盡閒暇。筇杖不離手。往往百  
錢挂。塵俗豈在口。流輩出我下。席地而幕天。焉問  
田與舍。家貧壯未室。相顧少姻婭。名士爭傾囊。聊  
爲畢婚嫁。王公信解人。好語非虛詐。區區鴻臚祿。  
庶用供酒價。

元夕四首

月好風輕獨舉觥。傳柑何限隔年情。銀花火樹千  
重合。人在西涼界裏行。  
魚龍曼衍競街衢。社舞邨歌賽紫姑。回憶長安宵

野香亭集

辛未

六

被酒歸遲不怕李金吾。

粥祭門門插柳枝。良辰爭造火蛾兒。一官未了浮  
生。鄉風卜蠶絲。

春箭遲遲裊篆烟。黃綢被冷罷青編。踏燈千輩方  
乘興。只有書生愛早眠。

耗磨日與洪以時小集夜歸

蠶娘鮑老儘盤桓。雙屐沾泥漏未殘。委巷不堪三  
日雪。元宵猶作十分寒。離離白月當頭少。擾擾黃  
塵把臂難。雜踏星橋扶醉去。寶燈還似上京看。

貧士屋

焦先蝸舍相如宅。牀竈纔可一籬隔。雞行几案犬臥門。蓬蒿四圍無比隣。瓦稀茅碎雨注面。晴時仰首星斗見。擔泥補壁自覺奢。季倫廁上乃錦紗。

寫貧士乃知此美語何以知此

貧士牀

牛衣敝棄存青氈。橫眠欹坐恒憂穿。竹鬆繩朽少顏色。似牀似榻人不識。偈瓦未足六尺圍。半邊猶要容妻兒。貧士有牀如有屋。成都費生莫相觸。

野香亭集

辛未

七

貧士巾

林宗一角世所效。子夏二寸殊可笑。淒風苦雨歲月適。多情偏戀書生頭。狂來漉酒滑不澁。髮髮辭小沾濕。醉眼直視興咨嗟。何時雙挿長安花。

形容笑

貧士僕

視奴如視良友。朋友食同己。那敢憎家貧。諒不扞牧圍。一日勤勞但炊煮。立睡觸屏呼不應。命之他事。嗔怒生主人。縱是蕭穎士。吾曹所愛非文史。

酒皆是於此僕乎何

贈筮者姜生

姜生端拂師。君平含齒戴白。知姓名九筮三易設。焦契論議往往傾。公卿吉凶猶豫憑四兆。西京廢瓦何足道。十帛惟求著一莖。樂詩政禮無其妙。下簾猶見日未曛。篋中已滿錢百文。壚頭沽酒驢背去。得暇時招揚子雲。吁嗟乎祿位在人年。在天至今心惑顏公言。蹇之六二蠱上九丘樊朝市知誰賢。

野香亭集

辛未

八

寄一結見

城東山庄同瑾友楚邑

長樂寺前湖水清。浮槎山上晨鐘鳴。騎驢共語得二客。樹木慙亂開春程。一家兩家有烟起。十里五里無人行。地勢到此一紆折。東西野水縱復橫。城東園林足幽勝。乍來瞥見眼倍明。憶昔驅車出京洛。塵埃千里身飄萍。旅途豈無好風景。經過未免生鄉情。何期今日抹雨屨。故丘正可娛釣耕。待到官柳葉濃候。還來携酒聞啼鶯。



李友聲表兄招飲稻香樓

初日醒春夢。乍暖歡春禽。李侯惜芳菲。偶携樽與琴。命侶城南隅。東風吹衣襟。細草軟可席。垂柳綠漸深。閒中學漁釣。靜裏生謳吟。山徑無塵意。溪魚知我心。恍疑同正輔。把臂白水岑。陶然謝軒冕。豈必古勝今。

起十字何其芳鮮

負郭村舍稀。近溪樓閣對。烟蕪入莽蒼。草木動蒼蒨。我雖倦游人。一月到每再。况逢雲霞交。益使高

野香亭集

辛未

九

興倍窓栽子猷。竹盤設元修。菜滿頭簪繁。花面施粉與。黨門生鼻籃。與兒童笑狂態。昔日劉參軍。香名久猶在。勿謂狂夫狂。狂夫未可廢。脫帽詠招隱。俛仰消磊塊。罷酒身若空。上馬景欲晦。歸鞭信自垂。夕陽落林背。

贈張處士

高會耆英舊有名。玉皇香案記前生。山房溪樹無人徑。說與倪黃畫不成。

春暖匡牀酒半醒。閒來幽趣試中泠。泉聲鳥語喧

野香亭集

清晝只許先生獨自聽

憶弟

路遙南北隔。扶將雨滴閒。塔憶對牀。一夜不眠無好句。起來春草滿池塘。

好

寄答朱人遠

小隱湖山風日新。布裘絮帽不禁春。三千里外寄書客。十二年來遊宦人。羈旅誰營方朔米。棲遲空採季鷹蓴兒時。記賦高軒過此際。題詩倍愴神。

野香亭集

辛未

十

送陳四丈歸白門

二日一相見。三日一把杯。彈棋與博塞。小失無嫌猜。今者忽告去。執手空低徊。不憂道里遠。但畏音書乖。江上急春濤。天際駛高桅。歸來越門限。作惡中心摧。金陵六朝地。山水我所懷。行當買茅屋。掉臂辭清淮。卜隣得王翰。屢空從人貽。會着方山帽。同登雨花臺。

春曉道中

薄霧漸欲收。馬頭略辨路。垂鞭陟高原。猛風激如



怒四望鬱蒼蒼。岡嶺莽迴互。隴外三兩家。溪邊各開戶。屋角春鴉鳴。初日上半樹。雞犬臥笆籬。幽人不知曙。悵焉懷此中。低徊未能去。

連日陰雨

元夕愁仍在。花朝雨又飛。泥深來客少。屐折出門稀。傍舍柳條長。貧村烟火微。水添垂釣好。莫惜濕蓑衣。

意格俱佳

方山

野香亭集

辛未

十一

亭午叫倉庚。人緣廢畔行。春山多着色。野塚盡無名。暗谷烟霞氣。寒岩杵臼聲。從來棲隱地。不遣世情生。

起清挺

答何經鋤

幾年塵土嘆緇衣。旅食常懷採蕨薇。儔侶未稀何遜在。湖山無恙李程歸。林花雨後連茅屋。淮水春來沒釣磯。里社酒香風日美。過從屐齒莫相違。

酌別

馳驅遠道轉無聊。索米休論怕折腰。社日別離人中酒。清明消息雨連朝。不辭冷噉紅桃粥。忽感春攀綠柳條。躍馬呼鷹成底事。一身又去泛江湖。

按中酒之中自有兩讀。竹仲切。非誤也。一聯亦復秀欲絕。

重午送戚緘子東歸

官渡橋頭十日泥。東門祖帳草平溪。却憐澤國田疇薄。塵土年年費馬蹄。萍梗遲淹未足嗟。聊將蒲酒送韶華。淮南淮北連烟水。開盡荷花客到家。

野香亭集

辛未

十二

妙絕之作

五日

時入梅天霽景稀。開樽一笑舊遊非。故鄉風土憐烹鷺。京國恩榮憶賜衣。角黍暖香餽鄰里。艾人亭午插柴扉。閒居情性偏無賴。又逐兒童鬪草歸。

夏日雜書

逝水年光付渺茫。琴書閒晝寄情長。雨頻葉見芭蕉大。風過花從蓓蕾香。玩世敢爲青白眼。出門時作晉唐裝。不憂佐酒魚蝦少。舍後新成百步塘。

無胸中筆底  
一點塵

亭午茶瓜次第陳。清溪遶屋四無鄰。且携鄭敬茅  
簾席來拂孫登板榻塵。天下誰爲無事客。山中聊  
作獨醒人。釋耕杞柳耽涼蔭。麥浪榴花處處新。  
泥沒塔除水半城。蟬鳴已覺換啼鶯。殘烟綠樹疎  
簾影。細雨黃昏幽磬聲。瘡上每憐三畝薄。閒居偏  
感二毛生。愁中讀易欣神解。好語殊慚向子平。  
肺疾耽閒見客稀。無人門巷夕陽微。溪頭浴鴨應  
童喚。樹下飢蚊撲面飛。嵐氣滿山樵路失。櫓聲幾

野香亭集

辛未

十二

處釣船歸不須遠羨盧敖輩。岩壑眞憐與世違。

夜坐

昨夜瀟瀟雨挂簷。今宵明月照疎簾。陰晴頓使炎

涼判。寤寐惟憑醉醒占。深院螢飛修竹靜。小池魚

上暗泉添。親朋情話殊忘久。華露沾衣興未厭。

驟雨行示王希尚

乾星昨夜照六街。着枕煩熱無好懷。曉來起視宇  
宙黑。池館烟霧暗不開。河伯使者駿奔急。雲峯突  
似潮頭堆。石郎戴笠豈虛語。神龜浮水知從來。霹

野香亭集

憲一聲四壁動。如拳雨點城欲摧。纔看滂沱浸窓  
牖。已聞波浪添江淮。壠畝乍滿固足喜。眼底復有  
新涼迴。晚風吹晴日在樹。門前清冷無纖埃。王郎  
相過覓觀處。倒衣握手成追陪。佳吟惠我勝賈島  
恍同水雪侵。肢骸烏音唧唧響深竹。流泉瀟瀟鳴  
山隈。蒼生既得安環堵。吾儕莫惜空樽罍。

通似北  
宋名家

董右文招看茉莉

經旬霪霖漫不收。曉眠擁被疑深秋。仰視屋梁無

野香亭集

辛未

十四

一事書卷罷展多。煩憂董君憐我太。岑寂相邀樽  
酒聊淹留。虛堂晝閒襟半解。兩株茉莉生清幽。傳  
聞此本出西域。花田爛熳連廣州。海濤萬里非易  
至。蠻烟瘴雨愁孤舟。何來冰雪忽刺眼。風韻難向  
人間求。暗屬欲添黎婦艷。炎蒸未識吳儂羞。主人  
相惜勝兒女。數枝頗比瓊瑤投。紅榴凋謝時已過  
白蓮輕薄成漂流。豈能朝夕伴居止。碧紗如霧枝  
條修涼颺披拂。蛛網少黃昏且復簪滿頭。高歌一  
曲百杯盡。步檐跂脚心悠悠。

高樹鳴蟬

槐陰正午蟬聲多。北牕罷酒停嘯歌。清音襍入琴絃幽。高潔不上朱甍頭。翼輕力薄愁孤踪。胡爲浪置紅塵中。夜飲墜露朝吟風。彼獨醒者將無同。駱生羈繫淚沾臆。感物聆此憂未息。方號復咽畏人識。偶無一聲墜。墻側螳螂執葉勿自蔽。等爲重豸忍相噬。下視羣動無其曹。亂蛙徹曉徒牢騷。

稻香樓卽事

園居能面城。自署黃門友。疎情怯遠游。驚馬戀棧。

野香亭集

辛未

十五

豆平生山水興。肯落古人後。塵中相識稀。酬酢我何有。雖同彭澤閒。未免拾遺瘦。漁翁簑衣亂如髮。日持釣竿脚不襪。小舟易守若滕薛。草風莎雨少煩熱。清曉賣魚夜醉月。此樂不足向人說。

讀然之

馬叟所藏巢由圖歌

聖代隱者羞富貴。野性俱斷區中緣。陽城高士信脩潔。履方據義誰能先。孤標情志不可易。峯橫海岸霜崖堅。靜居沛澤歷年久。卒少塵事來糾纏。終

身無經天下色。帝堯乃欲輕相千。日月已出萬物被燿火。未息爲光難何期。此語忽見及。坐令後世嘲丘樊。鷦鷯棲林偃鼠渴。一枝滿腹隨所便。泥中曳尾勝衣繡。山木自寇膏自煎。歸休乎君亦安用雙耳。一洗清冷淵。道逢巢父潁水邊。手牽黃犢口答言。隱形藏光乃至理。浮游汝自求名傳。許由撫膺徒悵然。俯首掉臂呼不還。餐松飲谷神獨完。九州於我何有焉。中岳之陽箕山巔。王倪齧缺同周旋。

野香亭集

辛未

十六

叙致古事最忌鋪排  
呆相須此生動之筆

晚霽小飲

雨歇涼不久。褰幃暄暗蚊。草堂坐無燭。明月如故人。披衣聊自適。霽景殊可親。因思天壤間。勞逸難具論。逸者固廢棄。勞者徒苦辛。山妻解吾意。倉卒卮酒陳。大勝劉伶婦。相對成主賓。醉來狂態作。傲然歌夜分。裸呼亦常事。但恐驚比隣。

西村雜興八首

昨夜提壺鳴。朝來一犁雨。着屐啟荆扉。桐花傍檐。

吐。携杖望前山。烟火帶田塍。舍後隙地寬。擬欲種桑黍。

飯罷過隣竝。愛聽繰車聲。霉天厭礎潤。十日九不晴。貧家少臺榭。開襟麥風清。所至便泥飲。身外無經營。

夏至潮水添。五月火雲厚。藕蕩釣船多。魚蝦常到口。浮名等薜華。閒情寄杞柳。由來百慮忘。榮辱亦何有。

團團蔭竹槐。門徑頗免俗。時見襤褸翁。相對話心曲。

野香亭集

辛未

十七

曲。今年米價賤。食飽衣不足。人願苦無涯。得隴復思蜀。

端居多幽事。罷嘯哦新詩。半夏生。幾日鳴蜩已在枝。草裳吾所服。亦有涼颼吹。寧向平泉莊。觸熱求龍皮。

童僕皆自得。妻孥相娛嬉。居止殊淡泊。未遜朱桃椎。羊牢矜已壯。雞欄雛漸肥。時時會親串。薄餉安足辭。主人頗善病。藥草遂滿園。頭風採菊莖。消渴收葛

根。蒨萱長覆砌。貓簾深映門。坐笑許道士。勞勞滄海濱。

所少無宦情枯出便妙  
所謂別才非關學也

彈棋常永晝。玩月每達晨。乘興卽小住。澹若無心雲。茶瓜隨意設。書卷時或陳。雖非柴桑老。自許由東隣。

胸情所及故自佳當在  
淵明之下光發之上

憂旱書事

愁熱類愁疾。望雨若望書。清曉解衣坐。天遠誠難

野香亭集

辛未

十八

呼屈指。秋風起。倏忽半月餘。高岸草木槁。細路出淖淤。柳下眠病牀。田裏無飛鳥。少婦機杼懶。貧子心眼枯。窮巷有書生。不識耕與鋤。肥瘠等秦越。壠畝成平蕪。旦暮把一卷。坐臥惟伊唔。寧憂倉廩竭。但苦樽罍虛。雖云絕世網。未免人盧胡。薄晚縣吏來。入門怒索租。市脯不可得。倉卒具瓠壺。東鄰卓王孫。貲巨夾大都。當卽往告貸。黽勉完公需。縣吏作驕色。暫許緩須臾。詰朝縣門見。慎勿輕相愚。縣吏上馬去。書生行拂鬚。仰天冠纓絕。此輩空勤劬。



所乏乃金帛。豈足羞吾徒。

喜雨

昨晚孟婆惡。花樹憐摧殘。夜分少眠臥。涼氣侵衣單。不意三尺澍。滂沱徹更闌。恍如舊相識。久別今乍還。非惟宜稻黍。亦使民心安。他時聽雨悲。斯日聽雨歡。豈其悲歡異。所重在飢寒。朝來鄰里人。慰悅改故顏。農家得豐歲。有勝爲高官。此輩享鐘鼎。焉知謀生難。

贈善畫夏山人

野香亭集

辛未

十九

長風絕筆近無羣。爭識前身鄭廣文。不信茅茨新雨後。嫩寒清曉忽逢君。

好

鳬雁枯荷誰得似。濠梁老手杳難廻。到門欲乞彭城派。縑素休將作襪材。

題馬叟畫蛙

門庭無暑畫將闌。綠草蛙聲夏亦寒。口作儀同殊可聽。主人應是孔都官。

畫蜂

花枝掩冉亂春愁。供課羣蜂鬧不休。還似城中冠蓋客。朝衙初散作閒遊。

畫蟬

齊宮春色久成空。獨占殘枝嘒晚風。拋却繁華愛岑寂。笑他蜂蝶太匆匆。

說蟬極有品。先考功惜有句云何。蜂蝶極有品。先考功惜有句云何。

畫蝶

漆園傲吏記前身。宋玉東牆是舊隣。漢殿秦臺金粉盡。滕王筆底最愁人。

野香亭集

辛未

二十

中晚絕句佳處

次韻瑾友夏日閒居

委巷少人跡。閒居幽事長。竹間陳苴銚。樹裏蓋茅堂。雨過燕先出。風來荷有香。還携蘄竹簟。去取北牕涼。

河朔無由到。平泉不可尋。且將賢聖酒。聊伴短長吟。意得忘賓主。交深感向禽。何時去煩暑。對月想鳴砧。

次韻仁長苦熱



上伏已將半蹉跎無好詩唇焦妨飲食身倦罷琴  
棋水渴鷓鴣驚病牕喧蜥蜴追竹中茶白響一盞正  
相宜  
小閣偏西向翻令怨落暉有園出瓜果無客過柴  
扉衣帽何曾設樽壘已覺稀秋風如蕩子一去竟  
忘歸

伏日懷仲符

判袂春明外相思歲序催報書長路杳感舊壯心  
灰岑寂閒居賦蕭條歸去來佳兒熟文選老嫗識

野香亭集

辛未

二二一

詩才土室愁容臥蓬門靜不開月沉梁上冷顏改  
夢中猜虛憶東方肉空孤袁紹杯棲遲過伏日湯  
餅復誰陪

用伏日事可  
證杜詩之說

和仁長招集稻香樓

蹋閣攀林殊不惡貧交瓢榼得閒身山邊樵路亦  
通馬溪上漁船兼渡人半嶺空青來戶牖一天深  
綠接城闌塵中底事難修飾丘壑惟高祗孔賓

再次原韻

野香亭集

象屐登臨穩不愁逢君復作探花遊閒村賣酒依  
山足高岸行人傍樹頭白雨片時泥沒徑紅霞一  
抹水侵樓風生四座新涼好却笑當年滿武秋

立秋書感

清商忽已到貧家葵菽初烹感歲華街上曉來賣  
楸葉池中涼入謝蓮花跛牂千仞何時到羸馬雙  
轅漫自嗟張丈殷兄行被喚青青髣髴未須誇

詩猶有誇張少年處  
笑呼張丈與殷兄

次韻仁長立秋

野香亭集

辛未

二二二

院黑牕虛螢火流哀重牆脚訴新愁受風桐葉飄  
無定着雨槐花冷不收蠟展高人閒過日織簾貧  
士畏逢秋紡聲漸出鄰家壁一點疎燈射樹頭

寄題半農老人草堂

馬首雞聲出短籬陰陰桐柳護茆茨百年得傍陶  
家土一日難忘習氏池菱熟前灣秋進艇雨晴深  
竹晝圍棋老翁恐負湖山趣楮葉逢人索贈詩

和瑾友送桐園山人之清流兼懷鶴溪書記  
尙平心跡苦多違未可山林便息機別路馬隨斜

日去秋風人作斷蓬飛。田園旱後愁經費。妻子霜前念授衣。君到閩中逢杜牧。尺書須附早鴻歸。

贈孫殊有

先生習靜遠紅塵。偶抱冰清訪所親。不信獨孤爲警者。誰言安道是伶人。短衣射虎輸年少。長鉢思魚念此身。寂寞秋霜滿衰髯。蘇門自署古遺民。

雨牕閒題

蟋蟀聲中雨點勻。芭蕉牕裏晚涼新。早秋不斷催租吏。殘暑猶如失意人。窮巷驚風飄敗葉。貧家炊

野香亭集

辛未

二十二

火拾勞薪瓦盆盛。酒聊尋樂兒女燈前笑語真。

積雨東洪以時

積雨無端廢晚禾。遶村溪漲沒菱荷。病中筋力登臨少。閒處文章感憤多。得水龍鼉遷窟宅。背人鴻鴈避簷羅。清虛居士如眠覺。不惜泥淤倘一過。

秋日自遣

飯雲喫劍甑生塵。雞欄牛欄惱四隣。舊業已荒猶嗜酒。秋陽雖熱不侵人。鄭家婢妾如師弟。梁氏夫妻似主賓。我是海邊息機者。任他門外急蹄輪。

五六佳話清  
福部易可得

月夜

月好庭能敞。秋來夜轉喧。清砧過七夕。踈磬逼中元。風急鴉翻樹。人稀犬臥門。酒徒感零落。且復一開樽。

諸山人擲爭歌

涼生小院天寂寥。隔牕忽訝秦聲嬌。烏几高張鹿角檠。廻旋馳驟何嘈嘈。金絲瓊柱分動靜。雍門古調悲喜消。青山碧樹叫黃鳥。驚雷猛雨泣老蛟。輕

野香亭集

辛未

二十四

挑兒女作私語。奔騰江海行秋潮。孝元明皇聽不得。歌臺舞榭埋蓬蒿。三十六兵如中酒。曲終未覺將軍逃。漫云永晝澈眼耳。愁中一鼓同齊韶。寧王不見野狐死。諸生後起宮商高。卽今偃蹇舍逆旅。秋風何異吟離騷。飲酣告語因雪涕。鉅蟬常恐隨萍飄。我時聞此百端集。撫箏頓使心勞忉。嗚呼當時空有謝仁祖。徘徊六合誰憐汝。

蟋蟀詞

秋氣來秋聲悲離根。蟋蟀偏隨時堂上。書生不成

夢月沉露濕風淒淒清吟迄曙未知止若訴人間  
不平事放臣棄妾那可聞心摧淚落如鉛水吳兒  
棄雌多取雄豆蒿爲食金絲籠歲月養成鉗鐵口  
一朝已落王孫手王孫快意取眼前但愛健闘不  
計錢受君榮寵爲君死堵下百重徒聒耳

張王之選樂府

### 中元詞

九日已醉解語杯望日復遣持清齋東祠鐘聲西  
廟鼓瓜果家家祭先祖婦人水面製蠟兒男子神

### 野香亭集

辛未

二十五

前挑智土紙錢風裏零亂飛紛紛說法來僧尼靈  
壇潑飯初罷哭水燈放出三十六荷葉荷花無處  
無深夜河橋走相逐書生獨坐短燭昏堵下重語  
偏愁人歲月駒馳暮景速青天不現毗沙身

張亦近王

### 聽孫殊有處士彈琴因懷孫靜紫舍人

長安聽琴春風新二年苦憶孫舍人淮右聽琴寒  
雨裏一時又見孫處士由來賢達古所難天遣兩  
君王異地舍人冠蓋羈京華望而不見徒咨嗟處

士指法倍奇絕一囊秋水坐超忽冰微撫弄日未  
移頓使清涼滌煩熱自言業此久逸羣東陽舊產  
無一存再行曾使孟嘗泣雙足不識齊王門大絃  
小絃斷復續文聲武聲徐且促青山碧海盡無喧  
始悔從前簫管俗濡毫贈君思舍人有似嵩嶽爭  
嶙峋吹笛少年安足數眼中東郭何紛紛曲終罷  
酒應痛哭名利回頭如草木孫君孫君空爾爲世  
間豈有楊藏之

秋日道中卽目晚次店埠驛

### 野香亭集

辛未

二十六

初陽蟬露晞野氣鷹風速秋聲固可悲空翠好移  
目農家刈穫興婦子來相續得雨雖不多荏葦連  
川陸且事明年蠶遑憂歲凶熟平生升斗謀對此  
憶幽俗不謂田舍人復感輪蹄逐馳驅度修廻所  
需亦易足囊餘十日糧店有千里燭聊爲一晌歡  
村沽消刺促

題店埠旅壁感懷故明府威緩耳仍用原韻  
故舊凋零秋又新壞牆重拂古今塵碧紗不得寵  
名姓王播還應笑後人

晚眺

兩岸列人家危橋去勢斜烟寒烏柏樹風老木棉花白小長河網黃昏古寺鴉向來羈旅慣明日任塵沙

佳三四

山行雜詩

野景傷搖落閒花迳稀幽巖羣鹿過老樹數人圍叢薄深藏寺陰嵐細濕衣丁丁出林背幾處採樵歸

野香亭集

辛未

二十七

五六  
意

千古耆闍秀名僧識一峯泉通白湖水雲護六朝松啟牖見秋獵過溪聞晚鐘無生如可學結宇倘相容

長杉帶村落延眺且遲遲風急飄砧杵烟銷出酒旗夕暉揚子渡秋水許由祠一過棲閑地渾忘旅食悲

五六  
主客圖宜取

西山人家謠

西山驛前日卓午西山寺裏少鐘鼓荒村藜藿不可尋昔時百家今四五渚田枯涸已成路違言儉歲無禾黍未思薄產遺子孫且免微軀飼豺虎何能復聽袴襦歌得使黃金賤如土

西山驛南作

前山放蒼翠驛路幽可誇小市列米店茆棚賣秋茶塋頭急剝棗田裏喧撈蝦杵臼收柿油屋角種胡麻牛羊滿平疇雞犬不離家門徑帶籬落開遍紅蓼花生計亦已畢何必行天涯坐笑道傍客大

野香亭集

辛未

二十八

馬還高車

洗脚鋪

濡須城頭鵲鷄啼洗脚鋪前日欲西山中麋鹿畏人過道上兒童驚馬嘶行子有淚洒岐路長官無術蘇丞黎請看此地絕烟火徘徊何處謀雞棲

晚行

後騎猶憐未過岡前程幽險嘆羊腸四年光景一彈指半世功名三返鄉日落清砧來遠近雨稀晚稻雜青黃何由得似陶元亮尋壑經丘不裹糧



夜飲

作客飲酒雖不惡在家飲酒殊可樂未知兩處誰  
是非祇覺樽空睡難着

萬家山歌

新寒八月馬首東征人犯曉行龍從去山尙隔四  
五里已見青翠撐蒼穹據鞍危甚不可陟相憐徐  
步煩朋從榛菅縱橫鳥聲雜潺湲泉水脚底空暗  
谷紆迴景愈晦烟霧恐欲生虬龍行侶攀躋帶林  
杪螻蟻緣垤將無同石隙微出一線路峯頭坐撫

野香亭集

辛未

二十九

千年松杉木架壑俛尋丈岩轉間與名僧逢嵐收  
日上忽清曠嶺半彷彿鳴鼓鐘四顧此身浩無主  
振衣搔首來天風入山雖勞所歷妙頓使榮利全  
消融巢由祠廟何時作用意疑是開愚蒙僻地偶  
爾留姓字心胸已落箕穎中高賢有靈應解笑門  
前客子何匆匆

將抵巢縣

度嶺疲腰足肩輿午睡宜望山天轉近及縣地全  
卑家信新鴻杳鄉心早桂知誰憐殘照裏一叩楚

臣祠

巢縣飲姜禹極高齋卽席賦贈

避地幽人清更賢塵囂遠處結茅椽田園已自成  
三樂山水何曾費一錢彭澤妻孥俱善隱桃源雞  
犬盡如仙登堂忽復同樽酒重感居停十二年

題姜禹極小像

漏月微雲舉世無三毛益頰未蒼鬚不能入物圖  
衣服且戴黃冠長五湖  
姜家兄弟汝姜肱大被還憐及友朋我是先生舊

野香亭集

辛未

三十

鄉里貧交常共十年燈

題畫冊二首

山上人家修竹齊山根亭子臨清溪幽人高臥怕  
喧雜如許深林無鳥棲  
長松夾道隔峻嶒寺隱雲霞第一層梵唄不聞鐘  
磬杳秋來閒殺住山僧

望湖亭

芰荷楊柳未凋零龜嶺牛山相對青不信遊人愁  
轉劇秋風秋雨望湖亭



浮天浩渺失西南滿眼烟嵐萬古涵回憶東華塵  
十丈一身騎馬事朝參

河干吟

河干聽雨羈愁生寒來櫓背天欲明獨眠擁被睡  
未熟欸乃徒能亂心曲家家罾網懸不收僮僕朝  
暮居蘆洲賣魚得錢那敢醉猶爲主人賓客謀車  
聲馬跡何時已不如且作魚蠻子打魚爲業樂事  
多商船祇足憂風波

亦從張  
王出

野香亭集

辛未

三十一

巢湖曲

家住巢湖邊船在巢湖裏不見巢湖人愁飲巢湖  
水  
風正片時過風逆十日住不比錢塘湖由人自來  
去

聞笛

閉門初月沉村僻無更鼓一聞橫笛聲聽人淚如  
雨

秋野

平原日欲睡亂山莽無數時有射鵰郎來自虞姬  
墓

月

明月已當天秋情絕可憐茫茫失蘆荻故故徧山  
川城靜寒生柝河喧夜到船清輝照憔悴無那不  
成眠

泛舟口號二首

侵晨挂席萬山前八月西風大放賴小住非因越  
女笑獨醒空受漁人憐鄉園渺矣虛翹首奴僕蕭

野香亭集

辛未

三十二

然未滿船波底鯉魚寒不起且將詩句祭長川  
釣魚臺下水粼粼抱樹橋邊喚渡頻小艇載鹽兼  
載米荒村無路復無人吳門未可迓梅尉谷口猶  
堪隱子真卓午峯巒消一半風光頓使百愁新

旅病

蟬復龜腸病易侵欹斜孤榻費沉吟碧梧樹裏秋  
聲苦紅桂花中客思深物外多愁行路意晚來頻  
嚏倚闌心銀屏山下饒風景放眼猶疑是故岑

桃村夜興

風塵十日念躋攀好景猶成一笑慳嶺上月光吞  
吐際林中燈影有無間霜華撲面聞鳴杵虎氣侵  
人促閉關藉草爲氍毹書作枕半瓶濁酒且偷閒

寓齋雜興

高高望湖亭下瞰鴨頭波魚網晒舵尾碓聲磨隔  
河有時有鳥啼無日無船過自喜漁樵趣一旦隨  
婆娑林泉固不殊歲月將如何曩者諸父老凋謝  
亦已多眼前足風景翻使傷蹉跎

龜山寺

野香亭集

辛未

三十三

偶逢龜山僧遂至龜山寺荷殘秋水寒松響幽窓  
閣樓臺插白雲塔除長青桂日暮坐禪床何處有  
名利

定爲老  
坡所喜

太湖山

河勢作之字迂迴難信風時或急篙櫓亦復勞孤  
篷雜樹數十里處處港汊通不意太湖山蒼翠落  
眼中午日已照頂雲雨猶迷濛共此一峯岫陰晴  
殊未同平生烟霞癖飽諳行西東那知計歲月但

恐登涉窮遠隨康樂步獨躡少伯蹤追游自茲始  
慎勿羞囊空

善寫難  
狀之景

蓮花池

我來蓮花池獨惜蓮花落烟霧入淒涼鳬鷗成寂  
寞浣女怨秋寒遊子愁衣薄永護亭亭姿繁霜慎  
所托

夜歸

花潭罷泛舟抵寓已向夜屋角月漸高頭上踈星

野香亭集

辛未

三十四

大小犬喜我歸啣衣若相迓主人勸沐浴巾服不  
及卸哀虫殊可憎飢蚊費驅嚇睡美嚙語訛頗畏  
隔隣訛澄湖滿漁罾茅山多酒舍來日作秋行應  
用青蚨挂

農家記所見

晚稻不上塲農夫心憂煎辛勤半載餘有如陸地  
船一月少火食空倉嗟磬懸本非桃源人雞狗已  
欲仙墻頭打棗婦傾筐得紅圓滿把戲兒女爭奪  
誠堪憐持此與汝父可易朝炊錢

稻孫樓

拜石人何在。孤城氣逼秋。郊原禾黍盡。愁上稻孫樓。

雅

墨池

庭靜嫌蛙鬧。聲消片瓦中。後來賢刺史。惟喜作儀同。

偃月城

雉堞何年築。辛勤此用兵。至今濡塢水。猶作夾城聲。

野香亭集

辛未

三十五

阮周行兄弟招飲城南泛舟感賦

秋來風雨亦草草。一月遲滯黃山道。投刺翻教官長嘆。童僕何心背面笑。出門羞伍富都兒。入室徒依田舍老。城南阮生陳留裔。曠懷豪氣迴相繼。差似步兵賢叔姪。却是岑參好兄弟。侵晨打門知我開。握手同上沙棠船。柔櫓搖出菱中間。一身輕快勝據鞍。昨聞蝗過殺稼盡。剝重更毒利於刃。二州六邑偏苦辛。村有流亡路有殣。卽今清酒雖滿壺。

江村雜書

家中妻子餓何如。未知竈烟已上突。主人浪作山林逋。皇天難問愁無益。沉酣且效劉元石。醉鄉遨遊樂處多。免使醒時勞跼蹐。君不見眼前黔首成飄苴。吾徒得此亦已奢。

狂風急雨惱殺人。泥淤滑馬污車輪。安得寶鏡二百里。照見蜀山與淝水。家家三日爨烟稀。架雞穴鼠恒苦飢。南山老虎亦太惡。昨宵啣犬壞籬落。

野香亭集

辛未

三十六

檐前鶻鵲相對呼。樹上終日啼老烏。斑鳩因雨逐其婦。不知雨來爾何取。斷壺剝棗時已過。行人久征衣破鴻雁不見鯉魚沉。鄉思應並湖水深。

畱別姜禹極

不厭登臨興遲留。嘆僕痛秋濤。明畫舫卯酒困黃壚。朋好勞交臂。兒童笑挽鬚。離情視寒草。鄉夢過平湖。曲路迷南北。遙帆半有無。西風須口役。珍重感長途。

貧村謠

蓼蓼腰鼓鬧窮鄉，清酒檀香晚祀蝗。但得官衙租稅畢，何辭兒女賣殊方。

早寒示阮生

早起禁寒畏出門，易來村酒半清渾。敝裘常入楊昌手，不及君家憤鼻禪。

晚望

木棉花裏念衣單，鴉舅林邊作細寒。舉首庭幃何處是，白雲招我到長安。

野香亭集

辛未

三十七

戲題

閒翻桑苧茶公案，戲主東臯酒事權。半滌煩憂半消寂，醉尋痴夢醒參禪。

宋人有此

黑石道中

社燕知時節，行人好共還路幽。通水竹屋老半榛，管曉日黃金塔寒雲黑。石山羸驂驅太急，爭似跨牛閒。

江村阻雨

野香亭集

江上雨留客，江村秋可憐。雲濃難辨寺，溪漲欲通船。童拾遺薪去，牛尋敗屋眠。今宵人少夢，應感夜如年。

泥滑愁行路，田家晝掩扉。兒孫分社飯，父老授寒衣。絕壑泉聲苦，平蕪野燒稀。久稽便惆悵，鴻雁肯同歸。

黃維河漁人

漁子舟爲屋，孤篷養婦兒。雨來遮笠笠，潮長放鸕鷀。驚水上情偏，繫城中事不知。故令行者羨，甫里是吾師。

野香亭集

辛未

三十八

吾師

釣魚臺

小市臨山下，荒臺出樹中。流人行夜月，蕩子走秋風。蘆葦一汀隔，芙蓉雙槳通。浮丘今不見，河水自西東。

曉發

殘月沉山嶺，征衫入莽蒼。雞聲孤戍火，虫語古田霜。秋色行行老，南雲望望長。買書滿囊裏，失笑不成裝。

鐵貓河

晨炊未起渡船疎紅蓼村莊水四虛亂樹陰深天  
不見長河形逼地無餘卑田雨後多遺穗野圃霜  
前有病蔬欲避驚風趨下坂行人祇覺似鷄鵝

雨中登慈雲閣

傑閣登臨雨氣昏山連城郭水連村民家弓矢秋  
防虎魚市又鉤晚縛龜如此風光雨淮少當時人  
物入公尊半生放眼傷陳迹酒冷香殘合斷魂

自巢縣至柘臯卽事

野香亭集

辛未

三十九

閒鷗野鷺亂烟汀竹圃楓林指驛亭村婦無錢墻  
剝落廟神經雨土零星蒲團牛背尋常得暮磬晨  
鐘取次聽烏帽鶉衣成一笑人生窮達悉浮萍  
儉歲長飢信所遭謀生術拙祇徒勞日斜荒塚麒麟  
寂風急空山虎豹號遠岸樹凋茆屋出寒塘水  
落板橋高棧羊製蟹時方至又向繁霜試緼袍  
溪斷荷香樹斷蟬雞頭新薦葉黃天與中午倦反  
成夢店裏夜愁偏廢眠小築未移江水上歸心已  
落菊叢前同遊回首飄零盡怕對山川憶昔年

青溪渡

行子午飯罷牽馬候清溪榜人相招呼對岸輕舟  
駛野竹接稻畦曲折通數里叢莽紛蔽虧怪石雜  
青紫颼颼敗葉響淅淅寒雲起回視所過山半在  
洪濤裏攬轡悲誰同臨風想棲止

雜言

富人有憂日貧士有樂時豈以貧富異遂欲分高  
卑閒居且歡喜幽意當告誰秋來風雨和籬花已  
着枝霜螯味頗美侑此清酒卮卜命守愚拙顏闕

野香亭集

辛未

四十

眞可師逢人道好好不辨是與非妻言亦復佳容  
容世所宜立身貴自繩莫謂吾儕癡

重陽前二日卽事

湖上蟹經霜床頭酒甕香未須憂五畝且復醉重  
陽說鬼寒燈綠吟詩舊菊黃十年揮翰手辛苦事  
耕桑

九日

叢桂小搖落黃花相代生馬軍遲送酒牛僧感逃  
名行蟻爭坏戶寒蟬已息聲拍浮了吾事此樂世



人輕

白社憐飄散秋深重一杯百年原易過九日自成  
哀舊帽風吹去新霜雁帶來殘陽回首盡惆悵此  
登臺

懷秋谷

天下無雙士人間二百年憶君如謝朓憐我似焦  
先譜酒休官後栽桑閉戶前青州有何樂消息若  
爲傳

懷陸敬峯

野香亭集

辛未

四十一

三泖藏名地飄零最可哀秋風焚諫草夜雨夢蘭  
臺賀監情雖托王融志已灰自從黃耳死無復尺  
書來

贈鼓琴周生

王門猶不到何忽過茆茨古調已如此時人多未  
知蒼涼幽澗思寂寞浣溪悲指法堪傳少誰爲袁  
孝尼

晚愁

熟識田間路鳥隄跨最能偶逢春夢嫗欲學懶殘

野香亭集

僧倉困無餘稌魚蝦不上簞思同柱厲叔浮海飯  
鮮菱

玉字別煥赤  
胸無宿物

曉行

河淺見朝涉流澌三尺強烟騰茆屋日人掃渡船  
霜浪跡同鳬雁新寒試鸛鷀飢腸勞下馬村酒且  
須嘗

奉酬希尚九日見投之作

昨夜被酒歸馬蹄寒滑霜臨別屢回首共約歡羽

野香亭集

辛未

四十二

觴拍浮左右手欣接上下床鼎鼎百年間一瞥如  
風狂意謂塵土懷藉此聊相忘何期河魚疾煩君  
臥郎當驚颺吹敗瓦陰雨頽短牆門前泥拍肚屋  
後水溢塘拂紙少佳思俛仰生彷徨雖有羊肝餅  
到口未可嘗高會無孟嘉滿座興不揚徒作謝無  
逸緘書問炎涼清吟倏復至如讀樊川章賴子五  
色筆洗我百結腸呼童蠟象展遣婢理菊囊天明  
霽景好更謀小重陽

寄懷楚邑

叢菊新開雁滿天一函卿寄問沉綿酒徒豈有封侯骨。名士曾無使鬼錢。平礪射鵰非昔日長垣牧豕幾經年。却思貨舂京華道風雨殘燈共客氈。

次韻友人九日兼懷都下二三知己

米賤隣人酒易賒。眞憐朋好到貧家。小樓已聽重陽雨。迤徑猶存八月花。水落草灘新得蟹。天寒庭樹早棲鴉。長安此際登高客。應念樽前少孟嘉。

送孫殊有歸鳩茲

憐予夙抱幽憂疾。相慰惟憑孫道滋。隔夕邀嘗新

野香亭集

辛未

四十三

釀酒有時約訂未成詩。任公死後無遺業。張籍盲來少故知。話到飄零已垂淚。那堪明日送斑駁。離顏憔悴世途艱。珍重君須及早還。弟念秋天姜被濶。母憐寒日彩衣閒。彈琴不入齊王宅。築室無如謝朓山。欲識相思何所似。魯明江水自潺湲。

十六夜小集書堂再送殊有

蓬戶新開喜盞簪。小堂燃燭酒初酣。宜人風月君偏去。隨俗雞豚我自慚。良會秋前復秋後。離心江北望江南。他年岩壑如招隱。上黨城邊寄一函。

稻香樓小集

世外丘樊似竹谿。居然欲與昔賢齊。綠衫襟上酒痕舊。黃篋樓中簫韻低。望野雲歸山覺下。登高人倦日平西。爲歡自古誇強健。莫惜相逢醉似泥。

許仁長招飲燕詒堂同張廣生作

無聊閒把張顛臂。忽漫同敲許邁門。壓擔秋花遮雜卉。背人幽巷少來轅。霜濃預恐衾綿拆。風厲須教酒盞溫。何似東華騎馬客。朝衫辛苦脫黃昏。

飲溫陵長史叔書堂卽席賦贈徐書記

野香亭集

辛未

四十四

書堂夜杳月明遲。座上南州似故知。綠竹林中樽滿候。紅蓮幕裏榻懸時。詞人能畫王摩詰。叅佐耽遊杜牧之。他日使君思小阮。刺桐城下寄新詩。

將抵三河

廬嶽平生興未闌。登臨豈惜路漫漫。秋深山寺丹楓合。風急湖村白日寒。菜圃有霜重響斷。橘林無主鳥啣殘。何年一水分三邑。直作潯陽九派看。

同殊有瑾友仁長廣生飲沈蘇菴高齋漫賦

芙蓉薜荔上茅櫓。借榻欣同舊友朋。琴美如逢王

子敬韻難須就沈吳興。駒蹄勸客勞。雙筍菊酒延齡。盡一升。歲晚江湖且尋樂。來朝相約放魚罾。

五六極似聊律  
文正西塘諸作

### 道上

道上繁霜午不隄。行驄宛轉出前村。短驢力薄須輕載。但受琴囊共酒樽。

### 野竹寺

野竹叢連優鉢花。重來猶識象王家。幾年塵土朱顏改。却妬山僧髻未華。

### 野香亭集

辛未

四十五

### 平橋野飲

卯醉無須問酒名。懽騰不畏峭寒生。平時浮白渾閒事。今日如同得步兵。

### 新倉道中

太陰閔原隰。寒威失昏曉。風迴走敗葉。雨多靡百草。古路已淖淤。雲勢猶未了。信宿三十里。陰晴莫可保。渴求賣漿女。飢尋鬻飯媼。坐令探幽客。失笑田舍老。青黛龍舒山。紅樹新倉道。馬首又西來。行人疾如鳥。

### 王賓以園林小集

水遠山長阻復通。不辭登涉訪無功。雞豚設具村莊易。蠅塵開談子弟工。却遇園林三日住。莫教杯罍一分空。平生夢想龍眠道。忽得身游圖畫中。

### 十九夜小集野香亭分韻

良宵樽榼偶淹留。明月依然過小樓。酒熟花香人未散。秋風吹斷隔年愁。十二年前放縱情。笙歌隊裏過浮生。而今聽得風敲竹。猶認吳娘拍板聲。

### 野香亭集

辛未

四十六

### 和玉少九日西口阻風雨不得抵家

黃花黃葉阿誰邊。弱纜危檣淒可憐。山上何人風落帽。湖頭無路雨連天。買魚沽酒板橋頭。三日灘前少過舟。安得東家蹇驢借。便教泥滑也無愁。

### 晚秋晏集稻香樓

馬蹄終日勞形骸。一月始此城南來。秋氣雖深秋興好。勝侶復得追芒鞋。籬花受霜尙無恙。溪水積雨猶平杯。碧嶺紅樹對樓閣。銀魚紫蟹供樽壘。酒

籌牙牌紛錯落。晴窓八扇當城開。乾沒未已果巫媼。園林不賞真吳獸。痛飲但論痛飲事。他時奔走何須哈。

樓居懷昉思

樓後古柳黃欲禿。樓前芭蕉失故綠。樓遲一月未出門。旦暮樓居如縛束。古人憔悴走章臺。經營斗粟妻孥哀。桂花已過菊花老。尺素不同邊雁來。讀書徒爾誇克棟。依然不可救飢凍。舊交官職類東方。誰能爲汝分餘俸。

野香亭集

辛未

四十七

前潁州太守三韓十兄以其徒會獵東門是晚搏得生兔作此記之

叅軍臺上初日明。飛騎橋外地四平。衰草燒盡見清曠。北風怒捲寒林聲。吾兄任俠好鞍馬。身手結束如幽并。氈幃幕卽華屋彎弓擊劍平生能。冬暖無事可小試。雖不得獸聊娛情。馬性馴熟解人意。東西馳驟隨縱橫。韓盧宋鵠勿復用。臂上自有雲夢鷹。放來颯颯疾如箭。遠坡乍落還乍興。須臾老兔已受縛。黃狐逸去心猶驚。安坐便得致佳味。

葦園當日徒撻兵。太守偏愛會獵樂。豪氣獨視封侯輕。歸途莫語灞陵尉。此輩豈識將軍名。

喜其生碩

花岩道上

衰草愁迷路。狐裘脆北風。雲爭千疊白。葉止一分紅。破屋殊難憇。前山似不通。短驢亦何苦。累汝倦西東。

送徐堅仲之溫陵幕

風雪人相別。年華不可憑。名流空冀北。才子向溫

野香亭集

辛未

四十八

陵入幕解。蠻語懷鄉逢。越僧平生名。岳志此去任攀登。

歲盡書感

爆竹聲喧動四鄰。堦除雪後淨無塵。少時誤信還鄉夢。僻地仍爲守歲人。柏酒辛盤蘇故疾。口脂面藥憶前春。癡來虛把黃羊祀。貧子何緣見竈神。

夏山人雲愛唐張繼楓橋夜泊詩。因繪圖於

便面屬題作二絕句

欸乃聲來何處船。月沉江黑少人烟。萍踪記得尋

僧飯曾借寒山寺裏眠  
江楓漁火晚秋時。誰繼楓橋夜泊詩。不見長洲好  
圖畫吳趨風景至今疑

野香亭集

辛未

四十九

辛未稿終

野香亭集 壬申稿

合肥李孚青丹壑譔  
濟南王士禛貽上批點

沙澗旅懷

曲陽城北暮寒驕。迢遞荒原感寂寥。握月擔風何  
日已吞花臥酒阿誰消。黃塵梁楚東西路。白舫淮  
泥上下潮。景態信佳非故國。始憐今古厭蓬飄。

文長紅葉淮流舫黃  
塵沛縣臨向不及此

次臨淮

野香亭集

壬申

一

短李亭何處。春風又度關。寒流桐柏水。殘雪鳳凰  
山城郭。自今古漁商更往還。因觀泳魚樂。思逐惠  
莊閒。

一往瀟  
洒絕俗

次韻仲佩臨淮書事

客路愁看改物華。孤城寂寞枕寒沙。春遲未變防  
河柳。梅早猶開帶雪花。逆旅自彈三尺劍。笙歌誰  
醉五陵家。嵇山正促傳柑宴。叔夜青樽何處賒。

何其  
韶令



連城道中霧

淮北三日風洛南千里霧眼無舊見峯馬絆低橫  
樹村烟接混茫晨炊未知處旅途晴亦惡况乃失  
溫胸不爲元豹隱却作騰蛇去身非劉雄鳴安能  
辨前路

嵇山

烟巒蔽幽深云是嵇山谷當時好鍛人偶此置茅  
屋臥龍不久潛遂遭東市戮彈琴猶未終日影一  
何促至今清泉聲還如廣陵曲

野香亭集

壬申

二

俯仰具足語

苻離道中雨

雲深迷陣雁泥滑滯雙轅官道春多雨田家草沒  
門山通芒縣少水入汴河渾愁絕彌天路鄉心滿  
上元

元夜太丘村舍

月明又作一年新底事荒涼轉愴神此日孤燈愁  
野宿常時矮馬踏香塵瓦盆翁媼成良會腰鼓兒  
童鬧好春遙計故鄉婪尾侶當杯應念洛陽人

太丘道中

芒縣鶯花動驅馳倦早春宦情燕市酒鄉思洛陽  
塵古道羊腸曲浮生馬足頻隨堤楊柳色初綠已  
愁人

唐三四

太丘雜詩

岐路懷南北征衫勞歲年夢魂雙白髮塵土一青  
氈村酒清於水牛車穩勝船鄉人留小住瓢榼亦  
隨緣

野香亭集

壬申

三

社日旅懷

桑甚初生柳欲綿社翁心事孰相憐洛陽親友閒  
分肉淮右田園感聽鵲天路青雲遲步步王程春  
草去年年針氈劍米那拋得且喜治鸞酒似泉  
和仲佩新柳

楊柳隋堤二月遲已黃將綠漸如絲蠻腰乍舞橫  
陳怯羌笛新調律呂疑烟淺未妨騎馬路愁深欲  
長碍人枝陰成復恐多離別常作靈和殿裏思

欲竭秀

桃花

桃花作態散嬌紅似錦如霞四面同漁父春迷武陵水  
息嬌朝起細腰宮芳菲既異三千命爛熳虛煩九十工  
何事嬌姿易消歇年年枝葉怨東風

得古人神髓處勿論蟬瓜矣

村行即目

曉來鳴鶴喚聲頻小鳥那知惜好春四野牛羊時  
有笛一村桃李盡無人酒家留醉清明節水驛初臨  
被襖辰自是壯心消未盡征衫重惹洛陽塵

野香亭集

壬申

四

風調佳絕第四句詩中有畫尤入妙境

奉懷雪苑鄭先生

珍重前身老畫師春來河上報書遲程門久絕游  
楊跡鄭帳新傳婢妾詩種柳栽桑三徑樂吟風弄  
月十年思平臺蕪沒梁王去誰爲先生寄酒賞

冶遊

爲惜花時晚春深急冶遊偶聽鶯語住暫放馬蹄  
休垂柳含隋怨殘山鎖漢愁閒從田父飲殊勝得  
涼州

字額十

鄭城文終侯故宅

丞相祠前流水清四圍松柏翠侵城千秋勳業文  
無害百世兒孫儉少爭隴麥離離春景疾垣花寂  
寂古愁生功人功狗銷亡盡豐沛微茫暮靄平

每善於用史

重經夏邑宿和竹齋感懷卽事贈恬公

楊花爭路急人倦午風微萬井堤全蔽孤城水四  
圍兒時舊嬉戲庭下想依稀今夜清齋酒還憐十

野香亭集

壬申

五

載遠

商丘懷古

梁園風景倍關情旅興聊稽一日程芳艸古原悲  
帝子夕陽殘堞吊莊生孤衾魂夢家仍遠瀟目雲  
山酒易傾賓客已隨寒雪盡忘憂館外月空明

全州劉

梁園古愁

佳題

李花作雪飛游絲髮如線春風歲歲生還拂梁臺  
殿無情尙久存有形乃易變帝子逐飄塵行人夢

華宴白晝何寂寥空廊絮新燕

寫寥落之狀令人掩卷愴然久之

睢陽道上

草色西湖路烟消見宋州夜尊山店醉曉角古城  
愁茲父悲孤墓相如笑倦遊淒清生百感過客正  
雲浮

經張睢陽墓

陣雲軍鼓事荒涼千古忠魂戀此鄉愁絕睢陽城  
上望一聲橫笛月如霜

野香亭集

壬申

六

作合

書鐵佛寺村舍

大麥已黃小麥深南風道上吹衣襟吳檣楚柁渺  
何許宋州春盡傷人心官柳依依垂綠遠疲馬嘶  
陂塵土晚鐵佛寺前市井稀行子來喫齋時飯村  
酒力薄非三重僧房粗酌無雍容東南夢斷亦易  
續只恐醉後聞晨鐘

雍丘晚行

亭亭落日馬蹄忙兩岸荆榛過外黃嵐氣漸看迷

艸木烟村又聽喚牛羊鄭當時去誰留驛范史雲  
貧尚有鄉惆悵昔賢遺蹟遍青山無盡路茫茫

好五六句甚

次雍丘

孤城臨大路汴水到門前車馬黃沙雨人家綠樹  
烟微風響漁榜斜日泊商船不見萊蕪長踟躕麥  
秀邊

大梁短歌

日暮徘徊古梁國馬上鄉書斷消息信陵寂寞餘

野香亭集

壬申

七

荒墳塵沙滿眼無相識千秋青史念縱橫辛苦兵  
符勳業成上客三千誰報主老翁七十可輕生梁  
王臺樹空荆棘回鞭且向長安陌竹帛荒涼事情  
然黃河流水無終極

格調合不多着議論是仿元和以前詩

大梁相國寺

古槐門巷少踰輪花院頻伽鳥語新蕭寺重爲大  
梁客碑文猶記晚唐人逢僧喜畫灰中字隔日愁  
沾陌上塵貝葉翻殘鐘響絕黃金滿地月如銀

題畫竹冊子

蛛絲鼠跡幾塵氛。何意愁中見此君。還是故山秋夢後。蕭蕭風雨打窓聞。

數尺寒梢莽蒼外。四圍疎影暮烟清。那能閒兌餘杭酒。裸體畱人過一生。

大梁客舍送家仲昌歸夏邑

雁陣忽分散。客心愁舉杯。今朝孤影去。昨夜一行來。汴水流如昔。梁園賦少才。十年兄弟意。雲外重徘徊。

野香亭集

壬申

八

衛州道上

緇塵歎段嘆。飄蓬舊眼山。川再過同斜日。千艘淇水上。中天一郡太行東。車雷急碾平蕪麥。汗雨爭趨茂樹風。何似蘇門無怒客。數聲長嘯萬緣空。

鄴下懷古

風雨罷豪橫。爽氣明草樹。微茫漳水流。淒涼鄴宮暮。魏武宴樂無朝昏。誰知黃壤同比隣。西陵一坏委荆棘。銅臺春散如花人。始知高築臺不如堅築墳。堅墳尚可保完。槨高臺一瞬隨灰塵。人生貴賤

野香亭集

皆飄忽。豈必繁華勝。汨沒駐馬荒城。吊夕陽愁思。岡前歸興發。

次韻仲佩鄴下懷古

魏武繁華付濁漳。百年編簡思蒼涼。草深黃土麒麟臥。瓦冷銅臺帳殿荒。山鳥啼殘歌吹地。野花開遍帝王鄉。北朝人物歸何處。獨立韓陵又夕陽。

渡漳河

濁河生清流。磁山夜來雨。古渡津吏稀。扁舟浩無主。布帆能使風。居人解搖櫓。到岸聊披襟。行樹陰

野香亭集

壬申

九

亭午客子何艱辛。踏浪復踏土。

次韻仲佩滏陽阻雨

西來風雨太行側。失却殘霞半天赤。廉纖未了霽霏生。汎流已見平階積。今朝滏水漲一篙。明日邯鄲泥幾尺。莫論馬上沾油衣。坐使鄉愁深點滴。矮屋孤樽賓從同。正似鳬鷺趨下澤。

雨望同仲佩

眼豁絕沙塵。闌街槐柳新。有時觀去鳥。永日斷行人。原上邀乘屐。林邊學墊巾。晚炊憐店媼。衰徑拾

勞薪

鄧鄠懷古

五步筵前觸逆鱗。書生口舌懾千人。瑟終缶進秦  
酬趙酒。竟威信。膽過身。深谷高陵何卒卒。西河澠  
水自驚驚。雄雌事業皆安在。都付春風一聚塵。

夢店

鄧鄠日暮蹇驢遲。猶似盧生入夢時。仕隱古今俱  
寂寞。青鞋朱紱兩成疑。

邢臺旅思

野香亭集

壬申

十

鞭絲帽影愧三闕。五月涼生迴似秋。流水聲中到  
襄國。殘山缺處望并州。平沙送客無邊路。淫雨教  
人特地愁。秦相繚僧同蔓草。酒酣心折大刀頭。

苦雨懷仁長

舊雨已滑道。新雨仍終朝。他鄉誰共語。四顧心搖  
搖。嵯峨石門山。湏洞潭河潮。傷我不得去。歸鳥一  
何驕。別酒眼前事。倏忽成寂寥。懷人例少睡。况復  
聞芭蕉。

復陰

黃梅雨止復不止。西霞未散東雲起。濁可聲怒亂  
雷霆。媼龍尾懸半空裏。得水鳬鷗自作羣。飛花無  
定似行人。陰晴終日猶難必。人世風蓬那可論。

洗腸源

青蓮花盡葉層層。源水清冷尚可登。客裏愁腸無  
計洗。憑誰喚起佛圖澄。

晚行口號

遠樹扶疎草色閒。人家多在夕嵐間。據鞍一日風  
和雨。百里青山十五關。

野香亭集

壬申

十一

唐人明朝驛馬搖鞭去。秋雨槐花子午關。此足  
關頭題亦云。西風忽送滿。滿雨滿路。桃花出故

滹沱河

滹沱濁浪沒平蕪。欲吊將軍樹已枯。倉卒未酬公  
厚意。艱難早識帝雄圖。暑雲瀛海空殘壘。暮雨恆  
州渺故都。駐馬悲歌消旅病。山榴花發憶黃壚。

驅遣史語外

恒山劉元石塚

初陽未照恒山西。冷烟疊嶂行人迷。培塿堆畔棠



梨樹傳是元石古來墓元石所爲無足奇元石善  
醉眞吾師一飲此身失處所夢夢千日妻兒悲當  
時設非酒家至棺中人醒誰其知何爲一朝果萬  
古夜臺恐少餘杭姥猶憐封植有遺民孤魂得近  
中山土

所見甚達  
不在聽案

### 新樂

荒城繫馬亂鶯啼新市平林日又西赤伏壇場何  
處是千秋亭北草萋萋

### 野香亭集

壬申

十二

### 定州道中雜書二首

青李黃梅處處同浴鳥鳴鵲自西東溪風濯足泉  
聲裏午夢肩輿樹影中

官道垂楊雨後疎肩人薄板勝騎驢坐來帖妥如  
居室長日能消一卷書

### 清風店

卸馱中山國人家帶短垣市門陳粬糲屋棚放雞  
豚五里長廊店孤烟半嶺村回頭全趙盡雲樹滿  
黃昏

### 望都拜帝堯祠

布毯拜堯祠松間讀古碑衣裳黃黼黻宮殿碧琉  
璃肅肅瞻雲切勿匆就日遲茅茨原帝德璀璨恐  
非宜

### 遂城道中

萬古龍山路人烟傍縣多道非來曠野日落動悲  
歌征鐸時驚夢平沙更渡河柴車與水馬不異舊  
岩阿

### 督亢懷古

### 野香亭集

壬申

十三

烏頭馬角怨難平失計翻教社稷傾壯士早知身  
不返將軍寧料事無成天邊浩氣長虹見陂上寒  
風四月生日暮角聲悲吊古野花叢裏淚縱橫

五六對  
法極活

### 敬和 家大人示男孚青原韻

膝下無憂乏米薪閒居勤業冀娛親讀文喜守鳴  
蟬賦行已思爲刻鵠人肉食敢言憎薄祿朝衣每  
愧避嘉賓尋常不欲書官紙房氏諸郎本耐貧  
送任具茨同年之官登州

形蟾耀彩虎符新。斥鹵天東俗舊淳。莫以官階非省眼。由來岳牧重詞人。暑風麥熟迎齋馬。落日詩成祀海神。九里行看河潤近。公才公望更誰倫。三載田居學老農。何期重聽建章鐘。任延忽別連枝會。王績仍航一斗供。出祖樽疊生慷慨。相逢情話失從容。我來君去匆匆甚。心折慈仁寺裏松。

對雨東張繩思妹婿

汨汨松巔駛細流。瀟瀟簷瓦滌煩憂。雖禁汗衣衫重却。喜宵涼枕簟幽。新雨頻思故人迹。濁醪還

野香亭集

壬申

十四

望短牆頭。韓卿希叔情應篤。莫負陂塘五月秋。

賜問何處著  
一俗字剩語

中夏恭隨 家大人暨諸同好重遊萬柳堂

感懷 益都座主

別業猶認城東陞。短驢矮馬趨翠微。賓從雜遝陪杖履。脫帽散髮披纖絳。昇堂坐階百慮盡。野曠靜極吹涼颺。當時謝傅樂勝槩。目營心匠真幽棲。培紅植綠不草草。一花一竹皆封題。青山屋上水屋下。院名起草亭精思。四景自種萬楊柳。獨樂不列

千娥眉。遊展輒作文字飲。圍棋聯句無休期。典型忽墜梁木壞。陵谷俄頃成驚疑。疑重經故跡。墮渺莽。今之存者徒依稀。度橋已感儔侶散。陟徑更訝蓬蒿肥。綠野醉白酒。家住畫欄碧。螯纏蛛絲齒。苔池涸。聞蛙黽。鶴鹿柴廢眠。狐狸歲月警。過聚星雪題。門空復求師資。吁嗟公德並韓富。一身久已關安危。文章勳業在霄壤。眼前何必論榮衰。死爲閭羅生柱國。神仙官府非虛辭。至今黃白頌司馬。有如河漢賢愚知。但看古來窮與達。景物原藉聲名垂。

野香亭集

壬申

十五

日斜以策扣扉去。西州終益羊曇悲。

全篇跌宕一結  
遂老橫至此

雨中宋又宜招飲書堂卽事

倒冠落珮小窓中。簾捲槐陰四座風。此會遂成三載隔。浮生難得一樽同。幽情舊雨兼新雨。好景深紅又淺紅。醉後擲磚君莫笑。老兵不減昔時雄。

趙少宰招集金碧園

槐藤行盡竹廊通。避地園林絕軟紅。蕭爽似非當暑候。清幽殊不類城中。侍郎揮麈眞裴楷。孺子升

堂舊孔融。談劇豈因千吏部。望雲亭上月兼風。

雨中遣興

京師一月雨。閉門如深山。快意委巾襪。頗得腰脚閒。竹樹淨新拭。塔砌聞潺湲。市沽足拍浮。瓜果饒冰寒。涼風向夕多。北窓常不關。以此較襦襦。味自殊醞酸。但恐火輪飛。好事求無端。

久雨偶題排悶

炎涼一日欲平分。坐厭朝蠅與夜蚊。地雜將乾未乾土。天垂不雨不晴雲。

野香亭集

壬申

十六

撥刺朱魚鬧。蜩蟬鳴。蟬聲咽。蜩聲長。槐根卿相頻遷徙。辛苦經營。審雨堂。

能早達人乃作許語

淫潦驚雷一月賒。園池無處不鳴蛙。棋枰清簞時時客。茉莉黃昏樹樹花。

可清愛妍

水棚瓜市競關街。負販侏儒各往回。白面郎官騎惡馬。衝泥不畏八騮來。衣斑道滑感淒淒。兀坐肩輿望轉迷。回憶金陵好。

野香亭集

廊廡青鞋布襪不沾泥。

苦雨行

前年夏旱勞龍舞。今年夏潦足辛苦。竭來兩月作京官。不吟炎蒸但吟雨。誰家臺榭愛清涼。何人局促嘆環堵。南方已無一寸苗。此地甘霖賤如土。圯墻淋幔棲鳥驚。玉女一笑天夜明。杯空燈盡叫無力。釜魚竈蛙何縱橫。吳綿已棄重被體。臥聽竹中水瀾瀾。莫憚來日油衣行。長安納刺無陰晴。

月夜獨飲

野香亭集

壬申

十七

錢岳江超已爲鬼。趙郎秋谷復林居。照眼空好月。對面少酒徒。茂樹無孤花。棲禽多同株。競芳等儔侶。相和勝友于。爲人必聚散。曾不微物如。夜久衣裳冷。清風吹鬢鬚。獨飲寡歡趣。倒床眞良圖。夢中共杯杓。豈覺生死殊。

語格頗近東野

霽後見月

餘霞方散盡。早月已窺楹。伏後無今夕。愁中見此明。隨人如好友。聽雨似前生。薄醉憐支枕。羈魂一

倍清

郭外書事

昨者半月雨傾盆縱橫處處輪蹄痕雖然烝澤足  
辛苦猶勝面上生埃塵清風南來去酷吏惟愁路  
遠侵黃昏敝車難追騎馬疾老柳終遜新荷繁左  
回右轉逐幽澗高陂低坂穿烟村青山翠篠出茅  
屋扣扉暫謀息勞筋荒園已便棲病鶴自勸還藉  
拋青春須臾明月上半嶺極目澄鏡無纖雲靈臺  
靈囿鬱相望瓊樓玉宇清心魂夜久馳道如潑水

野香亭集

壬申

十八

淩人膳夫來紛紛虎賁卒伍草間臥尋常不敢敲  
人門雞鳴籬落犬吠柵漸有烏帽過短垣啜粥未  
終早結束畏見林樾昇朝暾

前身蘇玉局  
定不安嘆

高粱橋卽事同用微麻韻

小市臨官道居民夜啓扉逶迤金闕近來往白衣  
稀斜月光初斂前人影尙微上林應逼曙漸有早  
鴉飛

西陌朝陽散危橋背郭斜羣山青拱合萬樹綠周

遮舊雨平添漲新荷亂作花不因公事出幾欲老  
塵沙

早秋送宋又宜由太原歸里

白虎諸儒讓歲星說詵胄子各通經旁搜遠紹需  
君輩從此先生手暫停  
幾人尸祿誤庭闈誰似仇香識早歸阿母倚閭勞  
嚙指錦袍不換老萊衣  
酒場吟地五年同忽餞青門往事空三疊淒涼人  
不見秋風吹淚古雲中

野香亭集

壬申

十九

誤絕

早稻花時到故鄉征衫初脫換荷裳漁樵若話長  
安樂試嗅東華紅土香

晚霽調仲佩

歸雲入虛無涼風襲人早秋水門前多槐花已可  
掃西日猶餘暉斜明砌傍草新沐嗅瓶荷閒行仰  
晴昊靜念鋤經人講堂寂懷抱簾黑燈未張清尊  
且傾倒夜過舒堯文覓歡非故惱一笑手拋書移  
床月方皓



中元夜對月書懷

新秋好節月初圓。繡佛虛窓坐悄然。志士無成起  
中夜。美人不畫感流年。宦情鄉夢閒相亂。幽梵疎  
鐘靜故傳。何似兒時邀小隊。綠荷燃燭市門前。

晚過倪仲佩作醉歌

黃昏信芒屨。閒訪邊孝先。藥爐。砵。置。窓。北。鳥。聲。  
竹。籬。人。蕭。然。五。經。已。是。腹。中。物。未。妨。廢。卷。常。高。眠。  
草堂夜氣清如潑。槐花松子床前落。撲滿尚有青  
銅錢。不買濁醪計真錯。閉戶半月世事疎。愁多漸

野香亭集

壬申

二十

成王白鬚。偶來相就飲一斗。仰見明鏡波新舒。蟹  
膏滿。殼酒滿。甕細擘。玳瑁傾。珍珠觸。屏不磨。從倦  
僕。玉繩低。轉聞啼鳥深。杯急盞輸肝肺豪氣何異  
劉。與蘇耳熱舌強語。無次昏冥竊恐非良圖。朱門  
濟。濟。段。薛。徒。低。顏。避。席。甘。殘。餘。侵。星。上。馬。夜。歸。寓  
入室炬火驚妻孥。舉體拭汗急澡浴。就枕無寐心  
踟躕。來朝餞客晚折簡。何者當疾何者徐。年少得  
途真自喜。視此閒醉應盧胡。

一如此風神非蘇黃  
雅人不解道黃

野香亭集

送賈玉田南歸

落葉歸人亂。臨岐惜賈生。未承宣室召。却作洛陽  
行。斜日砧連卷。秋風角滿城。功名唐駟命。離別益  
綸情。祖帳慈仁酒。征鞭泰岱程。萊衣遊暫脫。姜被  
念仍縈。汶水新詩瘦。淮山舊眼明。東籬芳早菊。南  
畝熟香秔。短褐儒雖賤。長江簿豈榮。從來丈夫志。  
不隱。卽公卿。

送夏山人雲歸里

暮天搖落葉辭林。封景縈人去住心。無限秋風吹

野香亭集

壬申

二十一

送處健兒鬻藥女郎砧  
研丹吮粉久。長安剩絹餘。綾一橐。寬自笑。平生履  
見指。今年不慮襪材難。

調笑  
甚雅

壯遊如夢百憂并。忽忽垂楊左肘生。底事桃花同  
被酒。洛陽城裏過清明。

我憐痴骨褰朝衫。君去寒江羨峭帆。誰道人情異  
禽鳥。秋來梁燕亦呢喃。

西城別墅十三首



石帆亭

白磬截江流孤峯見齒翠明鏡列屏風危亭坐超忽同此一片帆勞逸判秦越

樵唱軒

齊烟逼軒窓樵歌出莽蒼尋聲近以遙漸去前山響悠然接無言天風拂虛幌

半偈閣

身是摩尼珠心似青蓮色飛閣仰清微諸天在簷苟底用無生鄉燈前繡彌勒

野香亭集

壬申

二十二

大榛軒

春秋各八千奕奕比新植笑伊楚冥靈歲年何偈仄雅戀漆園人從來感相識

雙松書塢

亭如兩蓋張屹若雙龍峙雨鳴塢口濤風洒窓前子盤桓晝寂寥書聲有時起

小華子岡

浮靄浸崇岡布毯衣裳冷疎樹網月光犬吠夜逾靜手把芙蓉杯用心在清景

小善卷

白雲樓門扉碧泉瀉琴瑟微聞誦經聲桃花午流出石筍儼長人欲入畏呵叱

坡公有云不聞人聲時聞落子又云空山無人水流花開三四兼有其妙

春草池

草色青袍深波紋素羅動春雨夜來多芊綿目先送無句咏池塘西堂忽驚夢

三峯

中峯聳虎牙二岑凜挿笏不須持火登舉頭及星

野香亭集

壬申

二十三

月却立咽華池蓮花滿心骨

嘯臺

落景明高臺散髮隨遐矚偶寫清角音秋空下鴻鵠中人不足言飄風鼓林麓

石丈

頽然臥苔衣身積萬古綠作勢橫危峯應彈響哀玉時感飛仙來於茲垂兩足

竹徑

不可無此君夾徑栽數畝婢僕處士梅糠粃先生

柳何當捉麈尾。幽籟散樽酒。

綠蘿書屋

當戶青扶疎。遶屋綠虧蔽。獠亂猿獼鬚。盤屈龍蛇勢。永護丘壑姿。攤書日睥睨。

次韻趙少宰九日妙光閣

老寺城西路。重來舊感增。跡慚朝請客。心折懶殘僧。劫火明三世。香烟悟小乘。殷勤妙光閣。又是一年登。

采采花盈袖。飛飛雁滿天。畫纔羊脚熟。節及蟹螯年。

野香亭集

壬申

二十四

鮮酒浣寒衣。重風禁破帽。偏侍郎新句。好應繼渭南傳。

對菊

猶記東籬下。携兒摘薄金。忽明燕市眼。偏繫楚人心。纒絲綠盈手。嗅香黃冒簪。從今掃愁帚。拚得一秋斟。

長椿寺

爲禮歸空上。影堂詩情閒。過已公房未。須酒留彭澤。乍可持齋學太常。柏子樹斜寒有月。花漏。

盡曉還霜碧。巖一覺香烟夢。惆悵三生舊省郎。

除夕

宦途鄉路兩迢迢。無限心情耐此宵。留客金尊新句續。下簾銀蒜舊寒消。癡賣盡謀仍拙。磊塊澆平氣不驕。珍重隔年酬酢久。雞人休促紫宸朝。

野香亭集

壬申

二十五

壬申稿終

野香亭集 癸酉稿

合肥李孚青丹壑撰

正月十五夜書事

春箭迢迢放夜時隔年圓月又窺帷且尋好事消  
塵慮莫向元宵作酒悲翠袖當爐嘗芋早紅油塞  
路看燈遲太平秧鼓新成曲不唱邊關寫怨辭

倪仲佩生日長句

節候瞥過傳黃柑探春宴起思盍簪會稽內史值  
初度弄晴風日梅花酣韶華只憑一笑挽勿因絲

野香亭集

癸酉

一

竹蒼鬚髯養生四印手提贈口中不使秋毫含此  
語雖顛願俛首引年自可齊彭聃憶昔聯鑣向洛  
水芳菲爭勸人停驂是時元宵後四日爲壽正及  
波拖藍豈辭吹笛效李委還爲度曲尋何戡草褥  
葉幄戀烟景留滯不覺三眠蠶無端微祿催疾走  
暑雲汗雨非吾語照壁見蝸固足喜白鵲側腦心  
終悵劇憐旅寄周旋久歡場愁陣多同擔紙窓竹  
屋共佳趣篝燈棐几霏清談烏蟾轉眼又今夕能  
不拚飲金漿甘酒深舊會忽繫念恍疑猶在嵩山

南

早春雨夜同人小集

數聚興無厭春盤次第添相酬詩繾綣一笑酒遲  
淹子夜寒生座東風雨濺簾醒狂兼醉罵適意亦  
何嫌

贈邵仲英

書記東陵秀全家寄一身揣摩懷弱息館穀奉衰  
親草聖本爭道醉侯綠守眞久遊非不惡猶勝故  
鄉貧

野香亭集

癸酉

二

寄壽宗老維發

三年鄉井居日夕過翁門竊附趙郡系許叙錢塘  
親宗袞篤支幹接遇何殷勤春風動陽和花樹開  
芳樽同上慶老堂調笑兼卑尊石床琴瑟靜烏几  
圖書陳徜徉志願畢詎思走蒲輪曾孫生白髭再  
見摩銅人豈徒摩銅人當是八百身姓名在瓊簡  
雙目明綠筋自得後天老不待吞五雲

司馬叔招同仲佩仲英友聲碧山西園小集

分賦

近喜頭風愈閒愁髀肉生春來思上頓清夜最關情寒具邀相過偏提緩自傾眞憐步兵酒多爲竹林營

賦得新柳

芳樹誰教管別離一年又遇仲春時雨侵欲弄黃金色風緊初舒碧玉枝漸作紛披林立早幾經粧點絮飛遲依依只似江南岸細霧輕烟繫我思

次韻仲佩題小齋之作

蠻觸連疆國庚辛接檻居投閒吾事了得友世緣

野香亭集

癸酉

三

疎岑寂寒棲館蹉跎隱退廬聞人足音喜踪跡似逃虛

題邵仲英齋壁

朱墨燈籠白板齊爐香茗椀對談鷄黃庭久感空中語慚愧平人拂壁題

花朝小集

一半春光遠念縈去年今日奉王程未閑陟世言詞拙忽漫逢人禮數生齒長愁酣新歲酒花開能起故園情何當又近金錢會早聽街頭喚賣錫

題袁中江小像

誰向生綃寫照來丹陽名士過江才劍鋒未盡猶堪試莫漫人前斫地哀

龍雛新迸已齊塲作勢居然萬丈長他日笛材能見取清音不惜奉中郎

送李友聲南還

曉來微雨歇枝頭聞啼鵲此時客中心縱如乘風船人生眞集蓼惟貴審所便豈能等禪風局促成華顛春風吹柔桑淮上應蠶眠懶獻北闕書憶我

野香亭集

癸酉

四

南山田羸驂不相棄仍得承歸鞭花朝醉魯酒清明卸吳綿到家熟櫻筍近郊好林泉野席漁釣聚大被兄弟賢爲話隱居樂搖搖已旌懸惆悵戶限人放筆空茫然

長安清明

淮海清明記眼前柳條黃軟又經年往來塞巷椎車壁倉卒逢人揖馬鞭何處官衙傳蠟燭誰家庭院試秋千宦途不作芳春事投刺歸來忽惘然

三日同仲佩仲英

燕市燒春倦睫新名花乞命買須頻且邀張丈殷  
兄出閒作清明上巳人馬惡衣香驕鬪鄰鳥呼酒  
煖勸沾唇東流襖飲尋常事生怕韶華似隔晨

暮春雨夜仲佩仲英見過

朱魚咬萍末小桃搖微風忽訝緼袍冷那知雨從  
東埃翳倏洗滌蕭爽欣盪胸晚寒鎮銀蒜疎燈初  
簾櫳門前人響屐疑是求羊踪果爾楚然來頗喜  
襟期同何辭墊巾迎下堦明雙瞳把滑相扶携不  
煩童與筇漏箭正苦促泥飲無雍容平生酒膽豨

野香亭集

癸酉

五

但恐駝囊空况值斷金契飛英寧有窮曩者江南  
岸闌伏厭轉蓬沙飯乞村媼水宿借漁翁夢接舊  
儔侶醒仍羈旅中哦詩運租船沾濕愁孤篷豈期  
燕市春二客得過從底事勿復道哀樂何時終今  
聽簷瓦響顏頰眞須紅

題籬間花樹

擔上殘春尚可憐鄰人雅意不論錢蒼頭解識花  
情性爲取西山裂帛泉  
黃四娘家惜落紅崔生園裏怯闌風何如鹿眼微

關鎖留送飛英下賞中

不寐

瞪視殘篝夢不成枕函虛喚趾離名九華半臂寒  
如水愁絕送春風雨聲

晚霽寄訊仲佩臥疾

霽景暝色佳有餘纖埃無復生堦除短檐幾處響  
餘滴殘陽猶隱墻東隅金鱗煦沫縠紋細竹屏映  
沼花紛敷好懷不向韋二說要與張八談樵漁治  
具已倩志和婢折簡更命方回奴那知忽作吳吟

野香亭集

癸酉

六

客消渴頭風正煩劇殷勤葛菊手封題致語還應  
慰憂戚君看久晴碧翁老豈免風雨一蕩滌日出  
依然氣象新不覺從前陰慘迹閒戲五禽悟此理  
腹中自無膏肓癖幾欲携酒來牀頭勿學裴郎臥  
向壁

題香林亭

妙光閣後

倦遊欲唱望江南初地頻過悟碧巖日午鼠姑風  
乍緊香林亭上脫春衫

書懷寄內子



分襟時速又恢台油壁將迎鄉里來失笑驅馳似  
瓜代秋期還返趙陽臺  
細襪宮鞋繫遠思手中書信夢中詩殷勤相勉青  
霄步不比蘇家織錦辭

聞鶯

院靜微風揭畫簾黃紬半覆細寒添不知何處秦  
箏起平地惺忪惱黑甜  
勃磈格磔太紛紛爭似鶯黃語出羣何日東頭竹  
篠飲鷗溪鵲岸盡情聞

野香亭集

癸酉

七

咸絨子至

燕市依然執手同故情歡喜酒鎗空遊踪榻借僧  
窓下狂態文成餅肆中束帶誰人貴縫掖騎驢何  
計和薰風田居蠶室無窮好怪爾輕拋一畝宮

夏日長椿寺

禪喜遲淹對落暉軍持銅鉢世情非茶烹裂帛湖  
中水飯採歸空塢下薇綠樹侵廊留客晚蒼苔滿  
院過人稀京華僧俸如官俸却使寒山着紫衣  
贈詩僧元恒

野香亭集

髯初彌天秀詩城欲受降人如謝清畫官鄙賈長  
江過日惟餐蜜留賓亦設缸開懷水精域一榻借  
松窓

題仲佩堵前雜花

客卿盟主遶籬稠管領幽軒五月秋更熟中郎瓶  
史法老風甚雨不須愁

雨

稍稍潤衣巾瀟瀟正可人細聽簷際溜定勝馬頭  
塵清夢龜茲枕微醺霹靂春還思銅斗飲漲後罍

野香亭集

癸酉

八

湖濱

晴

曲巷危欄小立宜長安清景少人知飄飄綵縹風  
來好渺渺晴空鳥去遲濃樹西遮礙殘日汙流四  
漫失方池菱灣藕蕩江南舫簑笠何時問釣師

瓶荷

蒲槌姪姪送空明低禪高擎各有情銀囊朱房看  
不足微風吹墮酒鱗生  
瀾瀾灘頭逐望開鏡湖雨過水平盃阿誰家住芳

香裡烏榜紅舸日泝洄

久雨

惴惴冥冥入漏天庭前終日有清湍驚風颭樹朝  
眠魔急溜穿厨晚爨寒苔積正宜王吏部蛙喧如  
媚孔都官閉門習懶雖非計欲出何當行路難

執熱書事

炎官方用事大地如朱提赫赫環十爐熠熠騰火  
旗揮扇腕中痛倚欄芒在肌池魚亦涸死豈惟無  
鳥飛屠軀成贅疣袒跣寔畏暍王門雪色蛇豪家

野香亭集

癸酉

九

白龍皮心慕那能近輾轉黃琉璃肩輿何貴人呵  
殿徹九達汗雨注紈綺疎簾透斜暉家人鏤冰待  
情熱終不歸孫登睡初覺長嘯山風吹草裳無所  
用未知誰是非

送邵仲英南還八首

共井比隣事已非燕雲邊柳送將歸九門清漏三  
更雨一夜離憂減帶圍  
轍迹窮時泣萬行一官枝指怨郎當未知雞肋有  
何好白傳昔曾拋侍郎

水遠山長故故悲新霜點髮綠消眉潞河雙淚斜  
陽裡作陣西風捲畫旗

柔櫓輕橈意自如東西無復歎厓驢船窓作草閒  
過日絕勝公卿立索書

計程經月歷齊淮雲樹茫茫逐望開却過蕪城未  
朝飯青山一髮潤州來

挂帆記向石頭城七里洲邊浪未平十日遲淹候  
風色月荒天壓剪江行

天半蛾眉雨乍晴夫人廟口暮潮生交親袞袞皆

野香亭集

癸酉

十

安在不及神鴉解送迎

楚尾吳頭風味殊垂竿四十九鮮鱸相思來往詩  
筒數好倩人傳主客圖

喜夏山人再至

蝸舍新移市未知故人問訊到門遲白蕉衫薄寒  
初中紅桂花繁酒不辭我自仍爲失途客君何猶  
滯入山期來朝處處迎忠恕莫畫風鳶謔富兒

中秋夜感懷

契濶朝衣侍佳時酒罷傾裝綿寒露重迸淚遠砧

清遙憶孤舟夜應如此地晴一般端正月隔歲不同情

題夏山人雪中梅蕉圖

梅作小桃紅杏色蕉描斜界倒抽株前身應是王摩詰能寫袁安臥雪圖

夏山人仿吳仲圭畫

閒挂簷簷罷釣回谿烟岫雨暝寒催三家山水都零落又見梅花粉本來

入城口號

野香亭集

癸酉

十一

肩輿遶城三十里局促果成轅下駒有時道傍試小憩兒童褰幙相擲榆檠戟未卜此生事駿馬欲買黃金無歸從狹巷望塵土衛霍重臺氣如虎

社日書懷

倦擁青綾被秋風短髮疎籌歸慙海燕違養感江魚寂寞從頭責顛狂肆髮書社糕兼社酒那不憶吾廬

古槐軒同人小集

槐軒秋漏感新長小試人懷抱鬢香落葉着身如

野香亭集

驟雨寒風洒面似微霜未成拙宦稱中隱且博浮名喚渴羌樂器扣頭真一笑吳瑛原勝次公狂情話稽留慰聚萍樽前莫負髣髴青白波行處人爭席紅燭更時僕觸屏北牖風生雞喔喔東軒月上竹泠泠長安儘有飛英會不合髡心但坐醒

戲調袁杜少失輿帷

沿墻埋竹簽一夕床數移隄防貴深慮古人不我欺漆園老寓公傲吏同襟期粗營四立壁疎短比藩籬自念鮮長物暴客來奚爲俛仰但局促出入

野香亭集

癸酉

十二

少威儀獨賴平肩輿腰脚便所私頓飾不草率四圍吉貝施身雖雨夫舉氣已八鬪隨苟非朝會行堂側多閒支牛衣與青氈兼視無等差平明未裹頭門者白失帷乍聞已足怪再審尤成疑不意此褻裂世人亦好之迂公飲夜還抵家驚偷兒反得其羊裘每歸必故遲異日異更遇庶幾或有遺但苦空輪箱及遠應被嗤譬如壞壁障破屋艱修治何殊阮嗣宗爲政東平時遶城借駿馬匆匆當訴誰晏安果燭毒奔走職所宜往時顏先生安步驕

車馳

重九前一日與仲佩飲懷邵仲英

瀟城風雨愁羈孤出門樽嗜安所如身成秦贅百  
無益頭要責人時易徂經營笑倒伯龍鬼蹭蹬閒  
殺劉桃符頗怪寂寥得慰藉會稽好客古丈夫爲  
言我輩本豪快骯髒勿復煩嗟虞僕射何如飲酒  
樂無聊且可爲鴻臚黃花入簾蟹有味堆盤寒具  
來精厨大盆共啜三百杓老死欲作陶家壺西湖  
書記吾酒徒片帆飄泊浮淮徐悠悠秋水清而妹

野香亭集

癸酉

十三

一月不見空中書安能白日生羽翼狗竇坐致光  
郎呼來朝登高念吹帽望遠撫斷吟詩鬚

九日妙光閣

鳥外高亭四角懸糗餼花飲嘆華顛莫希別會追  
韋綬且話浮生過皎然秋請春朝曾幾日吳頭楚  
尾又三年從來爲樂惟重九不在東籬也可憐

漫興

秋俸初分足酒錢冷官風味已如仙綠蕉紅桂匆  
匆過又與黃花叙隔年

題齋壁贈仲佩爲衣

捫虱軒幽迴絕塵水南水北對床人不須挿竹編  
籬隔留取牆頭過老春

和仲佩對菊

暝色簾櫳坐悄然名花壓擔買霜天久拋籬下頻  
相念忽到樽前絕可憐妨袖低枝斜更好背燈寒  
影望無邊不愁顚領窮秋裡正讀離騷第一篇

九月望後獨遊妙光閣感懷二首

寺門入荒寒下馬踐枯葉殘僧幸無恙相見頗心

野香亭集

癸酉

十四

慙傑閣登已頻危欄傍猶怯周妻與何肉爲累笑  
近業紅綿去舊著白髭感新鑷欲詢戒定慧滲漏  
愧顏頰

空亭鴨脚古斜日明籬根手撈黃金花悠然諧隱  
淪昨歲重九宴此地延交親今來已陳迹忽如隔  
世人未知明年秋當復誰開樽香厨進糗餼令我  
鼻酸辛

夜過仲佩率爾賦贈

芳菊如黃金明月如白銀眼前便是巴家富世上



勿笑原生貧粉壁油窓不可唾三脚木床幾人坐  
此地非與清閨殊淮山在口誰能那君固行歌念  
考槃我亦深知鮎上竿空言成佛先靈運四十餘  
年費木鑽

以菊花數本分遺西厓

龍腦蜂鈴索笑新油窓西日煖如春回頭老圃荒  
畦裡早雪殘霜愁殺人  
手拗寒叢忽相憶不辭壓擔遣長鬚韋家儘有閒  
花樹要得新詩換幾株

野香亭集

癸酉

十五

夜歸與仲佩閒話

章惴塵埃有底忙歸遲霜月上虛堂倪迂應飽牛  
心炙巫媼徒甘厚朴湯傳癖書淫閒遣撥草顛酒  
聖笑郎當踈鐘喚醒江南夢挑盡寒燈話對床

題倪山人集牡丹冊子三首

長壽街心騎似雲暖風香土買斜曛延州道上知  
多少蕪沒樵蘇總不聞  
五素千紅日倚欄寧知節過有摧殘何如三尺生  
綃上留與兒孫歲歲看

錢王老手去難廻失喜誰傳錦被堆記取春時高  
挂處紛紛蜂蝶入門來

題畫鷹幃子

北風聲發登廣堂突兀鷺鳥屏中央目如愁湖立  
且僵鬬刀嘴戟拳握霜韜威歛猛飽不颺初疑神  
俊無羈防森森殺氣生雕梁近觀始識工師良慘  
淡粉墨追馮姜吁嗟掣臂知何方側腦虛愛青天  
長超然誰致雲夢鄉凌霄赤獵參翺翔下擊鵬雛  
如鵠鷗儀同新拜騎鳳凰茂陵少年空相望

野香亭集

癸酉

十六

題崇效寺雪塢上人房

老寺傳貞永荆榛細路通禪房不知處法鼓偶隨  
風孤塔松聲裏寒山隕色中初經鐵門限欲入怯  
張弓

一笑叅花落蕭然結習稀能分吉祥飯真歎道林  
屏檻馬閒無絆韉鷹飽不飛春風生講席來看着  
紅衣

宛平相國別墅

丞相林亭許駐車軟紅咫尺接烟霞雲陰近牖樓



無地寒色憑欄雪萬家春到羊眠洞庭草人稀鳥  
啄日南花鄭公勝槩隨心目不數諸園洛水涯

月夜醉吟呈同好

終日冷餽飢痴鈍無所爲每看明月上書幌便尋  
酒敵相追隨世態方矜中風走彳亍獨同魚在笱  
出戶不言溫室樹逢人但指吳興口長安違時多  
鬪新鬱養強孰花如春昨宵偶買一二種橫陳左  
右排冬溫白頭史官勿復道劉石平交且傾到一  
生祇有樽中謀糊獮入袋非吾憂

野香亭集

癸酉

十七

至日雪

白戰灰飛候朱門罷曉趨同雲迷晷景一線失規  
模微徑行隨滅深池看漸無敝裘知未穩好去酒  
家壚

次韻叔父至日雪

乍看陰極六花凝瓦鏤魚鱗月萬層腰曲寒衾三  
尺鐵膝搖孤榻十年燈灰香滴酒騰微屑風緊開  
簾颭碎冰慚咏撒鹽追謝朗閒宵幽書繼誰曾

再題用坡公韻

野香亭集

癸酉

十八

賦得凜凜歲暮

灑窓初作雨纖纖歷亂俄驚氣漸嚴海上神朝鮫  
迸淚庭前兒戲虎粧鹽馴貓戀熱閒依榻歸雀禁  
寒晚觸簷却憶柴門扶杖立冥茫不見蜀山尖  
小會歸休逐曉鴉輪翻縞帶響雷車天虛不夜看  
明月風定無人掃落花梅信未生東閣興李粧先  
試玉皇家北臺名句真千古學步殊慚手八叉

除夜同人分賦

少唱玲瓏歲寒恰有同心聚雞黍殷勤話土風  
玉梅花下數嚴更短燭孤樽坐微明好客不殊淮  
上聚鄉心偏向酒闌生遶街腰鼓寒相亂比屋松  
枝蕒有聲惆悵未乾傷逝淚一家煖熱遠含情

又二首

剪却燈花倦眼明擁爐坐久放閒行驚心爆竹隣  
童戲觸迂熊兒驢子情  
搖膝支頤事未成蹉跎漸欲重功名從今把筆須

豪句一洗平生寒乞聲

野香亭集

癸酉

十九

癸酉稿

終

野香亭集

合肥李孚青丹壑撰

甲戌稿

人日送沈雲襄

憔悴吳興客蹉跎上計非酒無平昔量帶減去年  
圍人日思淮水春心滿釣磯恐因芳草滯未到綠  
時歸

十三夜同人小集

應節黃柑細顆盈坐深婪尾旅愁輕早花艷似矜

野香亭集

甲戌

一

春態臘酒濃於作宦情放夜月高消燭淚試燈風  
緊下簾聲鄉音有伴拚泥飲莫使江淮遠夢生

十五夜再集用清虛堂韻

交親易散眞搏沙盍簪恰喜逢休衙明月上堂燈  
接席千影萬影芙蓉花盛時客况比啖蔗怪底節  
日多離家相邀沒社每不爽有如及晚投林鴉清  
狂自得雅吳語歌聲宛轉詞滂葩酒船數帆行且  
止芋郎一飽分春茶探官嬾從麵蠻卜試鼓聊作  
漁陽撾夜閒欲出踏塵土髮垢猶恐勞搔爬百枝

千炬果一瞥東方日出堪吁嗟人生一世亦如此  
白雲滿眼懷朝霞

十六夜杜少見過同賦長句

犀垂簾押夜風增小聚虛堂伴侶仍衣上浣痕人  
日酒壁間寒影去年燈冰銜靜似東林寺菜把清  
如退院僧不有漆園同志過良宵鄉思正難勝

壽仲佩

移居淮海客繫籍洛陽人五畝山陰業三年帝里  
春千金謝家秀片玉鄰說身未脫囊中穎真成席

野香亭集

甲戌

二

上珍帛鬚談自解墨髮草能神都養寧終滯鋤經  
不久貧鳶肩酬志易牛腹著書新賭酒寒宵雪巾  
車綺陌塵老兄微感激小子舊情親齒等劉和白  
交深雷與陳重吟提印語又過落燈辰莫以冰銜  
冷他時願卜隣

哭彬兒 殤于合肥

病未知時沒未明夢中猶覺掌珠擎方圖半面思  
千里不道三年已一生青袴頓拋兄鄰去紅綿空  
歎母孺成鍾情莫怪王戎哭試聽呼兒谷鳥聲

次韻龐雪崖水部早春詠懷六首

委巷人烟少幽居老寺西愁消朝鵲噪夢破午鷄  
啼微興初思出清樽正可携遙憐江北草新綠接  
隋隄  
病起畏虛室澆書慵早興花雖遲閨發詩自逐年  
增寂寞風雲契艱難爾汝朋招尋腰刀以憑仗一  
枝藤

金勒兼烏榜前春記往還穀紋南楚水眉黛北譙  
山農圃邀皆至林泉日不開何時鞋襪去延佇損

野香亭集

甲戌

三

朱顏

微雪風消後斜陽下小軒未須瓶作屋真覺市如  
村宦况嗟捫足途人笑閉門惟應春燕返茅棟偶  
聞喧

不異東方果乾枯只在枝年侵鐸白早意癩踏青  
遲班史貧寧典裘詩好自知風塵無籍在又滯五  
湖期

朝暮高堂念鄉書春未來心隨黃鵠舉眼向白雲  
開過日消殘卷違時托一盃龐公能好我中隱感

追倍

盤山九詠

石門

巉巖豁一門其寬不容臂怪石蹲向人磨牙欲飛  
墜何處仰中盤風鈴語空翠

清涼石

誰削白芙蓉瑩如明鏡滑陸沉口不言自具清涼  
骨却笑豫章者執熱何時歇

漱玉泉

野香亭集

甲戌

四

泠泠激雲碓珊瑚瀉簷瓦初疑神漢生乃在卓錫  
下日夕寒琮琤濺珠真可把

杏花阪

可憐紅粉年浪擲蓬蒿伍活色與生香風裡愁無  
主不逐馬蹄塵去作龍池雨

龍首巖

蜿蜒樊川龍曾聞飲渭水行道幻爲山綿延六十  
里何來石尉遲窺頭正相似

松坳

野香亭集

蕭然白足僧不挿紅塵脚松風頭上聞松子懷中  
落坐具茯苓深經年廢芒屨

秋月堂

堂下清翠光堂前秋月靜露冷閒無人滿地菁林  
影天風忽送來笑聲在西嶺

巢雲軒

一東還一西半山時半水紛紛暮不歸袖入層軒  
裡莫作無心飛常依不住子

一覽亭

野香亭集

甲戌

五

結茅界筭椎孤亭俯高鳥睥睨四天低兒孫衆峯  
小遙念城中人夢落青溝道

題周安期寫真

細雨斜風下釣遲手持銅斗醉無時忘情口送流  
波去過盡槎頭總不知

舊隱潯陽早擅名誰能折簡致君平披圖記取崖  
邊路好放扁舟雪夜行

都門竹枝詞十首

人日初過作上元携朋燈市小畱連冷官欲買花

燈看二月纔當領俸錢

五層盒子架青霄寶塔珠簾一霎焦肘足相挨都

不覺布衣塵污貴人貂

女伴金箍燕尾肥手提長袖走橋遲前門釘子爭

來摸今歲宜男定是誰

白雲觀裡致漿回白雲觀外起飛埃戴竿跳索般

般有不爲真人也合來

芍藥丁香夾道排梅桃杏李一齊開剪裁不費春

工力又勝三郎羯鼓催

野香亭集

甲戌

六

清明佳節柳條拖放學兒郎手折多早送爺娘上  
墳去好尋閒處打陀羅

棚底層冰一百車端陽已過少榴花葛衣紗褶新

興樣穿往河邊看象牙

昨掬促織水關頭鐵口銅鉗賽餓彪賣得粉侯千

百貫青煤老米不須愁

刻餅分瓜几案頭團圓同拜月光神歸寧阿姊夫

家接目送那知小妹嗔

馬上雄兒結束豪匆匆街市每相遭絕無一事朝

還暮只自看他意氣高

懷洪昉思

夫子竟辭榮西湖卜築成誰人下車揖何處摘船

行亡豈同張儉狂寧負寶嬰清宵思故態一笑絕

冠纓

花朝雨夜懷邵仲英

夜雨瀟瀟感索居懷君輒復愛吾廬綠荷香裏吟

歸興紅杏繁時見手書北地酥梨嘗亦好東頭竹

篠飲何如自從被酒花朝後不過黃墟一載餘

野香亭集

甲戌

七

雨中種樹

久少飛英會閒持種樹書寸泥春潤後小院雨來

初拂瓦枝條軟纏根薜荔疎主人能愛惜會長十

圍餘

上已馮勉曾招同袁杜少龐雪崖飲集花隱

堂

故人閒意惜春殘偶對名花約共看肯遣羈愁消

上已不妨酒債滿長安忘歸西日中厨美解袂東

風雨袖寒真喜同遊劉與白觥籌珍重盡君歡



初夏書懷

笋味茶香旅病清，紫藤紅藥又關情。  
萬緣每向吟時斷，百感偏從酒後生。  
仕類痴兒圖作佛，歸如貧  
千慕傾城蠶絲自裹，憑誰理合鐵難教一錯成。

贈唐生綺園

兒近執經於生

袞袞爭趨庾亮塵，劇憐唐勒獨相親。  
墟頭酒債須微綠，卷內詩題少貴人。  
雙屐方筇偕小步，魚鐘粥鼓共南隣。  
多慚弱息添丁質，也坐扶風帳裡春。

閏五月初四日 瀛臺

野香亭集

甲戌

八

御試賜宴恭紀六首

螭頭晴旭映瞳矐，天際瑤池一望通。  
渡盡蒲灣齊肅立，泠泠仙樂五雲中。

饌玉豐盈出大官，華裯藉地坐來寬。  
殊恩獨念

舒長日 中旨還宣恣飽餐

水殿荷風香滿襟，長廊無暑竹林深。  
天顏咫尺

含毫怯未敢掀髯，肆朗吟

黃帕瓊觴 賜日斜真從天上酌，流霞沾唇已勝

金莖露猶有頭綱八餅茶

安穩蘭舟兩槳輕，垂楊夾岸晚波平。  
紅霞一抹明金碧，如在仇英畫裏行。

碧藕冰桃浥露滋，歸鞍珍重馬行遲。  
入門先發青絲籠，也使恩波及婦兒。

送丘季貞洗馬假歸淮海

吾愛丘夫子，閒心薄一官。  
新裁水田服，竟挂兩梁冠。  
榮比逍遙隱，時稱勇決難。  
秋風門下省，歸興感鷓鴣。

無恙門前柳，平安湖上居。  
輕舟將下水，計日到淮。

野香亭集

甲戌

九

徐斲藥何山好，求田近海餘行窩。  
知處處爭迓小籃輿。

書懷

竟抽手板事非難，爲奉親歡強自寬。  
短氣雞壇青鬢換，靦顏鵷列綠衫寒。  
窮途未免詩多怨，歸夢偏教夜易闌。  
自顧頭銜成一笑，却從塵土羨巖官。

秋海棠

涼風初墮膽瓶蓮，又感名花觸目妍。  
牆脚雲霞開一笑，山中紅粉夢三年。  
碧雞坊裡含朝雨，濯錦江

頭散晚烟便學徐翁作窠住醒鬆醉軟伴秋天

送王汝敬同年省覲歸里兼題寫真

好去王中允辭榮有老親竟爲五湖長眞作九仙  
鄰興盡青門酒歸仍白社人劇憐倦遊者岐路獨  
沾巾

慈竹欣長日高椿及盛年承顏戲萊服戀闕夢花  
磚父老迎龍種漁樵識輞川惟應與裴迪漁村李消  
得此林泉

小春雪霽侍直 南書房

野香亭集

甲戌

十

倏直晨趨雪欲殘清嚴禁禦引中官氣蒸漸溢金  
莖露日近全消白玉欄秘閣儲書容散帙御厨分  
饌勝調蘭小春天上陽和滿不信人間霽後寒

送同年余崑洲侍讀假歸南海

延英酬析感三年荔子枕椰夢裡天去矣誰憐青  
鬢換蕭然仍似白衣還蠻烟覓路逢瀧吏漲海哦  
詩趁蜑船適意西清初罷直鷓鴣啼徹日高眠

次韻戚緘子將歸書懷六首

碌碌東門候戶限又三載何處息勞筋鄉心落淮

海白鷗觸樊籠難於洞紙鐙攬鏡羞故吾青絲靜  
中改

田園極不忘紛華難久止歸爲足穀翁去偶鷗彝  
子思之已爛熟此語眞而旨曹事吾不知誰能共  
料理

窮巷世情寡過門冠蓋稀賴有素心人高論忘朝  
饑但解咏詩瘦未慕如瓠肥早達偶然耳鄧禹毋  
相譏

夢中雙白髮遠懷不可抑轉羨卯君榮晨昏侍寢

野香亭集

甲戌

十一

食雖誦清白誠空憶中門側官貧好消息爲計亦  
已得

戚生瓊樹枝塵埃聊宅載刺每盈車爲文動成  
百本無羨魚情謬謂瞰名客閒續還山吟羈愁風  
雪夕

浪遊豈長策樂事輸江鄉况感嚙指痛久缺堂上  
漿放船泗水緣到家春酒香笑伊乾沒者樂舍空  
道傍

懷王司直

不見王郎久寒宵夢故居未能謁官長且復偶樵  
漁桃葉華燈舫鍾山禿尾驢三年吟醉地惆悵手  
封書

衡麓比部招同諸子小飲偶成長句

猛風三日天空清門前馬蹄踏鐵聲硯冰手冷靜  
搖膝塵螺局促無所營仙郎好事煩折柬糟牀新  
注唧將迎樽香炙美地爐煖殘陽斜映油窓明當  
筵觴政厭瑣細氣飲六博原平生放膽不惜作劉  
毅袒肩正喜從公城憑陵乍脫彥道幘調笑幾絕

野香亭集

甲戌

十一

淳于纓年來宦興真食蓼飢敝乾沒非吾情有時  
瞪目發狂語顧盼不覺傍人驚呢訾粟斯浪自苦  
何如大叫千秋亭愛君磊落遺世俗嗜好盡遣惟  
杯鑑胸中塵滓賴湔濯玉山一到羈愁輕梅花點  
地月照席出門已見參旗橫一斗一石固今夕墻  
頭還約過瓶罍

歲暮雪中集言懷

餽歲留連偶主賓玉梅花亂酒沾唇乍看暮雪如  
催臘不道春寒尙中人籠鶴二千餘里夢隙駒三

十一年身頭銜依舊心空壯無計緘書慰老親

自題小像偶集放翁句

富貴深知欠面團書生老瘦轉酸寒閒心自喜渾  
無事十五年前舊史官

野香亭集

甲戌

十三

甲戌稿終

野香亭集

合肥李孚青丹壑撰

乙亥稿

敬懷兩大人

麻衣記送潞河霜跪起牽裾泣萬行漫道三年殊  
易過有懷一日已爲長眞同清獻廬姑蔑未是端  
明臥洛陽自顧不如雙白燕猶能膝下數廻翔大家  
人臨先王墓去歲夏五忽有雙白燕翔集營間止三日乃去海內作詩者數百家  
淹留秋樹復春花執轡扶輿事轉賒未敢封書奉

野香亭集

乙亥

一

官餼翻因患熱進寒瓜上堂綵服虛箱置嚙指柴  
門幾日斜微祿雖霑違色養却教菽水羨貧家

題畫

蕭疎林樾紅錯磨峯巒翠識得少華清蘇州果肥

賦

橋通何處路徑長無名藥日暮窮幽深儻逢謝康

樂

倪仲佩招飲

清國才人一事無每逢潑甕卽相呼憐君大有穠

青眼笑我真成王白鬚哀樂中年賴絲竹鶯花春  
夢破江湖平生乞命惟鑑杓多謝南隣舊酒徒

宜園九詠

方湖

春水漲一窩湖光新蕩漾面面不通潮風波自無  
恙樂我銅斗歌勝伊小海唱

東來山

亂點千佛頭斜舒五老臂氤氲欲消突兀飛來  
勢日上金芙蓉蜀山眞瑣細

野香亭集

乙亥

二

環綠亭

四圍楊柳浪半天榆莢雨但覺翠浮空不見亭何  
處颯然山風吹軒窓時一露

月洲

搗破白玉盤巧界懸弓式平湖夜寂寥高下光相  
逼潮退沙痕明一片寒星色

坐雲閣

不棲白閣峯不宿紫閣樹獨愛吾廬幽時向繩牀  
住笑看秦嶺西日似行人去

擁練廊

杳靄縹溪煙迷濛鎖巖竹春陰濕不收日傍長廊  
宿佇立久憑欄衣裳浸寒絲

待月軒

漁樵各自歸空山絕行跡軒晚花冥冥一樽聊自  
適少焉明月來卽是瑤臺客

竹榭

漢上賤如蓬渭濱多比棘截得數竿青結作三間  
室記取春雨餘門徑瀟湘色

野香亭集

乙亥

三

釣魚臺

葉嶼復花潭堂堂還策策日得襄陽鱖不數灤河  
鯽多少蓬池人湖山夢中碧

賦得春草

鄉愁極望迴連村一抹高原沒燒痕南浦何人折  
楊柳東風着處誤王孫平舒袍褶春調馬斜掩裙  
腰雨到門憔悴香山老居士初看新綠苦消魂

妾名春草余時方悼亡姬故有末句

題吳門王節母小照五首

野香亭集

烏衣巷口草猶春青粉墻頭少舊隣不信山公早

黃土傷心竟作忍寒人

回首匡廬滿白雲繁華銷歇嘆離羣只今清夢初

驚後猶似笙歌耳畔聞

華屋山丘幾變遷過江惟剩載書船封湖遏未皆

安在白髮飄零二十年

茅茨鷄黍小淹留鄉里周旋閱夏秋無那歸心逐

鴻雁稻梁風雨不勝愁

輕帆直指太湖濱得臥田園不厭貧閒寫華嚴消

野香亭集

乙亥

四

歲月花前自署女遺民

寒食雪夜小集同用寒字

不圖春暮雪猶作十分寒乍得持杯易眞忘行路

難三年逢熟食好節幾長安何限南中思秋千白

晝看

賦得清明節

清明節曉起聞鶯鵲問爾幾時來帝京弄舌猶作  
江南聲不住濃花芳樹裏却令毛羽汚塵滓矜粧  
袷服知是誰高車大馬馳香泥未知踏青向何處



揮鞭不許傍人窺一月春寒信偏仄移檻挂裙非我力

次韻仲佩清明小集言懷之作

苦戀殘裘雪又飛清明如夢景全非北人出郭還愁遠南客尋山卽當歸漫引貧交爲酒敵不教老監困書圍粥香餒白東風晚正好江鄉試袂衣

上巳唐綺園倪仲佩見過

清明太匆遽上巳亦須臾蓬池與南澗被襖誰相呼春如過鳥疾花似故人疎眼中偶然見一枝一

野香亭集

乙亥

五

名姝舊寒倏陳迹拍浮猶可圖求羊隔牆人黃昏欸我廬不辭貰緼袍但念樽易虛歲有一定春人無一生娛酒酣忽感激請客歌吳趨纔聞鄉土曲心已在江湖未知今夕夢得到東南無

送仇滄柱假歸杭州

花時十日雨如塵投綬依然理釣緡憶我初歸桃正發送君又見柳爭新倦遊自署無心子飽食羞爲逐坐人舊眼西湖幸如昨風光猶得及殘春

衡麓兄宅看探春緋桃用坡公松風亭韻

四年彈指拋江村芳華別目時消魂羈愁黯黯已繫念况乃坐困塵埃昏客卿盟主等珠貝荀香何粉誰家園阿大中郎數相見兩株初買風日溫玉妃謫降泣清露息嬌睡覺羞朝暾從此春色在鄰舍閒隨蜂蝶來敲門洗沐未煩處士護珍重具曉東平言清賞不妨置中下渴羗一到須開樽

晚春偕諸同年飲碧山堂

小驀登臨費幽尋數騎通閒情三月飲春事二分空自信王痴樣誰私許季同盡憐沉醉好去日苦

野香亭集

乙亥

六

匆匆

東閣三年閑西山萬古青窓虛矜挂笏客散感和鯖草沒尙書履花深太祝廳依然華屋在惆悵後人經

題畫扇

不着袍褲不幅巾丹山碧水古遺民莫嫌茅屋太蕭瑟多少朱門無主人

題畫冊

一條風景入潺湲疎樹平橋盡日閒彷彿識舟亭

上望歸帆晚過小孤山

水榭林扉處處通輕舟閒送晚潮紅湖光山色佳  
如此惆悵看來是畫中

贈花

容易成幽賞千錢止數株真同對量采不異捧隋  
珠烈日炎官傘狂風金鑊鏤一春心力憊半爲汝  
勤劬

醉吟

鹽米南船幾日行門生酒遞每稽程與春無分何

野香亭集

乙亥

七

妨速入世多違大可驚親串莫談三徑樂嚴慈惟  
望一官成長貧偶向人前說又被時賢笑飾名

題階前花樹

雨中婀娜日中酣處處枝條冒客簪一種紅情兼  
綠意不知何事憶江南

遣興

泥飲平生癖清斟不少停從兒呼彥國任婦勸劉  
伶長日開春甕中宵望酒星况逢南客宴何可獨  
爲醒

筋胸

平時慣低眉今日眞蹣蹣興居偶不慎若然傷血  
脈戚施謔魚蠻蹣蹣笑趙躄作書臂萬觔伏枕背  
千石行若負斗米坐如冠尺璧回顧身卽隨揖讓  
脰疑刺竭來容鬢改星星漸相迫既哀髀肉生還  
嗟肺氣逆三復養生篇蹉跎任頭責

飲潘雪石同年寓齋

巷南巷北日相尋每攪閒眠與苦吟青鏡流年潘  
岳鬢碧山歸夢老萊心清言便爾傾家釀兼味將

野香亭集

乙亥

八

無損俸金囊昔屏風幾人在顏朱草綠自升沉

食櫻桃有感

囊珠匣翠久銷磨其奈銀杯羽化何長日正嗟金  
錯幣忽驚火齊眼前多

水晶鉢裏釘初勻赤玉盤中辨未眞記得親厨分  
飽食劇憐此日又嘗新

夢逐青衣發籠餐覺來眞喜熟金丸只言京國沾  
唇早已是江南鳥啄殘

梅福韓終競擅場輸他樊素口脂香明年擬買珊

瑚樹不向蕭齋種白楊

題袁杜少怪石圖

壺中九峯世所珍玲瓏宛轉還嶙峋阿誰割取一片雲丈夫形狀於菟蹲啜酒窪口醉倚根米家揖客元家樽白雲仙人有清福日玩青蒼勝執玉常恐纖兒欲搔壤落墨爲圖取相逐倦眼模糊疑是真幾度摩挲手仍縮雪浪仇池堅不頑放筆令我幽思攢奔走年來腰脚軟何能及爾安如山

唐綺園見過小飲偶用太白酬東郡小吏携

野香亭集

乙亥

九

斗酒雙魚見贈韻

紛紛昨暮兒肩摩如魚鱗谷婁段薛自相識眼中豈有牆東人巷南酒伴時一顧日賦新詩寄毫素仇家軟美青州賴吳餉留君勿輕去三尺如意醉後揮清言落屑驚霏霏隕天愁殺迷途客燭滅塵昏何處歸

寒疾初起用常建閑齋臥疾二首韻

今夏熱稍遲病餘猶愛日候客遣蓬頭調湯仰蠶室市門足參苓嗟無半千質求閒每不能竊樂經

句疾

濃綠漸蔽屋鼠姑已抽芽枝間有結實地上無落花手指親藥銚足跡踈酒家時引龜茲枕小夢淮淝涯

懷人四首

年年歸夢遶東籬過日惟吟許十詩別後相思何處最祖香亭上酒盈卮

許仁長

因飲巢酣無醒時糟丘真不易台司自言死傍陳墮墓好爲刊吾第二碑

李樹玉

野香亭集

乙亥

十

嘆惜卿何老釣磯願予一倍宦情微還思並馬梅心驛萬里秋空鬪射飛

李友聲

契濶西江樂秀才唐山雲樹苦低徊倩誰論薦雄文似領取白衣修撰來

樂瑾友

送劉弢子宰長沙

劉郎好少年出宰洞庭邊何處長沙郭南風天際船暫爲馮子試不是賈生遷勉矣百城表他時携龍錢

送馮夔宣之犍爲幕

客裡比鄰君最賢無雙書記杜樊川銷魂花月三  
春酒揮手風潮萬里船巫峽猿啼引鄉淚馬湖鳶  
墮嘆蠻烟遙憐眞上凌雲頂坡老空成憶蜀篇

喜時豐年至用坡公喜劉景文至韻

樹頭初日聞鳩呼乍欣霽色開庭隅時苗未須刻  
木咒方外酒徒今正無三年憶君臥林壑封書千  
里煩僕夫難忘洛陽冶春興清歌相答醺相扶豈  
期愁中忽執手我顏杜瘦君坡鬚踏青舊侶喜無  
恙夏畦損能來倪迂調脫律保  
爲衣京華名流車轂聲

野香亭集

乙亥

十一

紛紛眼底皆杭蘇每嗟鄉彥太寥寂相見眞欲吟  
彼姝但恐貧如齊續女李吾合燭親徐吾何時軍  
持得陽倒同泝汴水兼巢湖

題內子畫魚

四年不到巢湖岸應廢轆轤還絕籓夢中秋水送  
人歸覺後愁聞雨淋幔鄉里作畫新涼朝素鱗銜  
尾何逍遙荇藻泳游卽千里空明一碧無風潮庚  
辛未許池中蓄終當遠逝巢湖曲寄書洛鯉與伊  
魴網罟紛紛勿輕觸

野香亭集

送姚山人南歸

竟去何輕脫眞矜不仕尊長淮足秋水一葉到柴  
門樵牧迎黃綺慈親望尹惇徒令倦游子流歎白  
雲繁

愁霖書事

屋角奔泉檻外流作寒風景閉門愁磨沿行蟻知  
何往岸上牽船可自由不耐經旬全着展劇憐五  
月果披裘清波三尺連窮巷宛似秦淮水榭秋

西郭外作

野香亭集

乙亥

十二

涼風作新秋薄霧晨淒淒陂陀困馳驟猶踏前月  
泥鷄聲天上聞日照丹陵西行樹三十里迢遞如  
剪齊上有不停蟬下有長流溪水花與麥秀逐處  
侵瓜畦村鳩呼炊烟田家分菜羹龐眉四五老雜  
坐茅簷低自得安居樂面色無凍梨萬古西郭路  
一日千輪蹄我行亦未已愧此諸杖藜仰首見青  
山惴惴中心迷

贈唐綺園移居

窮者孟郊忽不貧書船初到通路津欲效白傳作



中隱先訪焦革爲東鄰家具瑣細一車滿板輿帖  
妥將慈親覓禮移竹必傍牖四松五柳還當門長  
安僦屋常苦貴經營四壁嗟辛勤公卿縫掖復屠  
僧比戶雜處如雲屯君今得此亦非易已勝白社  
靈臺人齋中且噉少游粥檻外不起元規塵割甑  
指困古人事以求今日徒趨奔賣文雖是淡生活  
要足魚笋供晨昏盈餘尙可了麴蘖不教客至愁  
空樽

贈景升丈別

野香亭集

乙亥

十三

秋風昨夜吹空林候重嗽啣傷人心平明寒雨成  
窮陰聽君初唱還山吟一條風景東西住委巷相  
過費芒屨燭花紅淚賭棋遲白袷春衫翻酒污偶  
來京國小淹留非利非名得自由出既無營歸便  
速睥睨巫媼眞懸腕慈親大耋身六十膝下兒孫  
盡成立園桑郭田帛千匹大屋修椽不須葺清淮  
早雁拍波飛羈人夢覺啼秋衣直沽輕舸待明發  
決如怒隼誰能追黃菊紅萸迺歸客處處行窩信  
所適何年招隱問東家杳渺南天愁一碧

送戚緘子南歸

梁燕生離心林葉亂辭木游子聞秋風亦復思茅  
屋蹉跎北郭養寂寞東方粟瘦馬馱殘書歸來問  
慈竹  
空持舊銅鏡不照千里形遙憐白雲外目盡淮山  
青謝去卿相揖失喜漁樵迎奈何短牆頭冷我雙  
玉瓶

唐秀才綺園

山陰貴公子流寓稱屢空室無王褒烟窓有原憲

野香亭集

乙亥

十四

誦能爲和靖養此樂勝分俸標名古人中吳腐何  
足夢

倪處士荆厓

清閨湖海客于鬚眞絕倫誤語咤神口用意合聖  
人抱膝鸞鳳嘯瞪目鷄鶩羣東閣勿相吏吾志在  
松雲

夏山人爲衣

山人寫山水墨妙師後苑間作營丘法亦倣梅花  
本據地起夜醉升樓忘朝飯畫院用錢塘定腰金



帶返

賣馬後戲題

空囊復空倉曉起憂茫茫眼底長物寡商量及廐  
馬羅帕蓋鞍金絡頭霜蹄初刷旋毛秋芻飽牽驅  
當大路市者爲客爲公侯黃衫少年二十餘白哲  
領下生微鬚口評價值兩無競萬人咋舌桃花駒  
幸逢新主如伯樂休論黃金等山岳乘御倘與凡  
馬殊不惜頻馳千里脚老髯奚官前致詞曩昔屢  
空今有賞但愁輿夫倏告去出戶知君且徒步主

野香亭集

乙亥

十五

人大笑持空鞭借驢明日騎朝天

仿林良畫

秋景寫秋天秋園落眼前禽如秦吉了花是傅延  
年孤石聊相倚寒枝且對眠小含輕帶處可得錦  
衣傳

苦雨雜題

劇憐炎夏似秋清葛袂綿衾各有情三日耳聾鳴  
玉虎一旬眼暗失銅鉦  
墻傾屋漏嘆辛勤那得房廊直架雲經費難尋王

野香亭集

錄事僮僕眞作祖參軍

蕉葉禁風減綠陰石榴亂似破紅襟荷花茉莉俱  
狼藉野草居然長作林

波紋縠縐沒蒼苔舊雨交親罷往回賴有郎中桑  
落酒欸門時見白衣來

謂南鄉  
比鄰

無那關心寒與飢長歌且復坐茅茨傍人莫笑何  
時節不作此聲眞大癡

用東魏宋  
游道語

肩輿大馬雜車輪爭道官街色怒噴泥濘但教疲  
此輩不能苦我閉門人

野香亭集

乙亥

十六

侵曉城頭畫角聲黃昏鄰巷競砧鳴哀蟲一夜兼  
清漏并遣羈人夢不成

展齒碾碾聒耳頻螢疑星點雨疑塵怪他明月如  
新婦自立秋來總避人

江淮故宅近巢湖雨笠烟蓑日釣鱸脚墮紅塵話  
鄉縣止如背癢憶麻姑

茫茫雲霧浩難收風伯誰呼爲掃愁願附臣全訴  
天帝一年惟有一中秋

次韻綺園中秋書事

三九九

昨宵符夢白頭翁  
晴景開顏萬里同  
蜀纈袍輕嗟歲晚  
巴驥馬絆嘆途窮  
抄書病後燈成綠  
飲酒愁時頰易紅  
明月無殊去年看  
依然人臥破窓中

坡東

中秋夜小集

餅如盤大酒如泉  
正是留人促坐天  
每近佳時思速到  
及過良會轉茫然  
快心見月窮陰後  
敗意浮家委巷邊  
爛醉無須聽漏板  
懶朝又擬日高眠

砧聲

野香亭集

乙亥

十七

暗露濕蒼苔  
夜久清砧發  
片石如有情  
寒衣怨明月  
細意疊復開  
玉腕時一歇  
響盡無餘聲  
霜花滿肌骨

蟲聲

長安繁華地  
竹肉盛好音  
誰將歡悅耳  
來聽淒苦吟  
偶然出燈下  
時忽生牆陰  
逞技寂寞中  
嗟汝空用心

葉聲

故綠換新紅  
蕭森映庭戶  
寒日迴春姿  
晴天打窓

雨院靜覺犬行風  
來疑蝶舞夢落淮  
南秋詩成浩無主

雁聲

秋空白如掃  
慘淡來霜羣  
菰米動磬磬  
蘆荻鳴紛紛  
嘹唳邊塞月  
斷續瀟湘雲  
發聲本孤高  
不道人愁聞

送王子摺任金筑

青門綠樹黃別酒  
殊草草殘日盡  
西南是向羅施道  
短驢過梁苑冠  
帶辭老親但云  
縣雖僻寶玉非

野香亭集

乙亥

十八

清貧回頭語  
妻孥堂上勤  
甘旨音書寄  
勿遲此行且  
萬里彝歌墮  
鄉淚秋風吹  
箬林方憎肘  
後印人稱邑中  
黔連山動龍  
鱗刺竹舒虎  
爪裏氈紫薑  
苗桶裙紅犴  
獠不辨人與  
獸結隊來相  
迎爲政遜劉  
李幾時成功  
名生無面團  
相棄置應荒  
野倘不憂米  
鹽敢望羊兼  
馬頗聞長官  
言徵召先蠻  
中未須弔虞  
詡看騎桓典  
驄

對菊

歲月不可留  
逢秋且對菊  
破籬正得氣  
不數北窓

竹晚風吹酒瓶霜螯喜多肉醉嗅撈碎黃洗手團  
寒綠故園一千本烟漑復雨沐舊識園官勤定遶  
湖邊屋五年朝霞山日縱登高足那知入朝市局  
促籠鵬觸夢斷楚江濱莎鷄泣殘燭

壽夏山人雲

風塵共羈旅踏蹬老官廨膠漆見君意苦樂相揮  
解浩歌作南飛清樽卽沆瀣願如西那木不汗亦  
不壞願如鐵柱杖堅貞無朽敗持此壽山人諒不  
詫荒怪昨夜夢故鄉朝來忽揮灑畫出江與淮毫

野香亭集

乙亥

十九

未疑澎湃懸知茅茨內爭念客行邁賢妻話舊年  
兒曹西向拜賤子前致詞轅駒古所戒勿以遠遊  
惡佳辰發長喟徑須盡百觴枯腸渴豪快明年擬  
歸田敝冠青門挂連臂蜀山隱同償清淨債

徐華隱同年送茶笋二首

酒渴初思七舉杯忽聞軍將打門來蘇煎薛煮須  
先試白甄紅泥急遽開  
廉景寺前屏迸地九疑山下錦穿籬煩君相慰南  
烹思正值妻兒晚飯時

九日寄山中兄弟

山中酒應熟湖上蟹新肥遙念人初醉爭憐客不  
歸無言日西下獨立雁南飛未必今宵夢能尋舊  
釣磯

倪仲佩歸自山東

計左誤驅馳天寒欲告誰探囊無阿堵望嶽有新  
詩握臂鮮于尹驚眠皇甫規秭今論此道應被世  
人嗤

晚秋客思

野香亭集

乙亥

二十

紙閣蘆簾掃地清茶烟香縷把書行負暄簷日眞  
無價耐冷瓶花尙有情城外山如南國色林中葉  
似故園聲眼前風物分明是遠夢誰教夜夜生

依韻奉酬仲佩銜恤南還見示之作

比儂初看洛陽春把臂都忘旅食貧上巳清明隨  
處節踏青浮白自由身縱橫桃李三叉市高下田  
塍四角輪兩月東風如夢覺黃塵愁煞宦遊人  
官舍遲淹四閱春蹉跎秦贅兩陳人伯鸞未肯因  
炊釜長孺猶然嘆積薪失意且談鄉井樂分題多

在雨風辰設盤棋局歡場數不向樽前論主賓  
賃春鬻硯事酸辛感激思燒頭上巾鐘鼎未能酬  
不足鬚髯安用羨無倫折腰措大懷多刺雕面兒  
郎馬有塵袞袞相逢相識少日邊何處得閒人  
白雲目斷楚江濱幽信驚傳陟岵人一鰲角名還  
踟躕九羊腸路又艱辛從今遂廢遊嵩展竟去徒  
傷負米身何限焚香誦經痛麻衣血淚漬痕新  
杳杳歸帆通路津寒花猶省送行人述哀袖裏新  
詩本漉酒囊中舊葛巾雙鬢重禁淮海雪五湖不

野香亭集

乙亥

二十一

夢薊門春他時擡鼻清宵坐殘漏孤燈最愴神

和仲佩咏雪

作態飛飛疎密間去人脉脉廣庭閒細堆玉屑成  
挂壁誰試銀刀刻珮環擁被初禁三尺鐵推窓忽  
失幾重山西街風色南鄰酒那許袁安靜閉關

和雪霽

古梅枝上日光移油昏簾邊風颭絲半硯冷雲吟  
雪霽千簷融溜作朝炊剡溪月落舟歸晚梁苑花  
殘客散遲縱得前遊續清賞祇愁白盡謝郎髭

喜邵陸郵至

白頭老監興多違千里窮交愜欸扉一事未成傷  
髀肉三年無恙問腰圍細吟南國新詩卷知返西  
湖舊釣磯閒話當時行樂地香殘酒冷尙依稀

和綺園對雪

前度輕微不蓋土此回浩蕩覺初勻汝南故事新  
詩令淮海風情舊酒人白小堆盤邾莒食松明爇  
地枕衾春鬢絲雪片梅花色相對眞堪作主賓

雪後侍

家大人讌集敬賦用清虛堂韻

野香亭集

乙亥

二十二

蕭然拙宦愁筭沙苦寒槐柳遲排衙臥遊堂中看  
雪後三年僻巷吟梅花昨宵庭前拜家慶斑衣拂  
拭眞還家旅懷失喜親恩邇私心欲傲歸巢鴉明  
燈寒具几席暖佳景玉樹攢霜葩從今頭面且洗  
沐禪貳不敢人前爬何須肥膩黨帳酒未羨清淨  
陶釭茶取漿兒爲上堦跌擊鼓客作迴帆擲人間  
此樂正非易醉中豈復閒咨嗟公餘朝衫奉色笑  
不將癡夢行烟霞

乙亥稿終



野香亭集

合肥李孚青丹壑撰

濟南王士禎阮亭批點

丙子稿

元夕

歲朝逐日薦春盤。又聽歌鐘着處謹。四度良宵非故國。十分明月是長安。酒場隨俗燈供客。宦興從人。蠶卜官。正際時平無一事。閒行不畏漏深寒。十九日偕成竹隱唐綺園邵陸邨夏爲衣飲

野香亭集

丙子

集倪仲佩齋中卽席有作

東風頭髻又新年。燈後花前復此筵。顛飲且追唐進士。狂呼誰禁謝臨川。乍看旅食陳兼味。不信書生解守錢。鄉夢逢春終夜作。卜鄰何日楚江邊。和倪仲佩早春重過崇效寺訪雪塢上人之作得松字

贊公土室記前蹤。不改丹崖與碧松。象外重淹春日展。花間又打午時鐘。謝郎山水心偏雜。陶令杯鐙與太濃。夢裏中峯三百尺。他年瓶鉢許相從。

二月三日衡麓比部兄宅看花得四絕句

塵囂喧囂未舒眉。暖日園林付阿誰。只道長安花事晚。不知春到白雲司。

曉態輕香作意開。傲他陶柳復林梅。莫愁烈日兼風雨。乞取羅生九錫來。

愛依几榻供人眼。不傍青溪與碧巖。記得去年三月飲。滿身紅粉脫春衫。

家釀頻傾醉阿連。快心閒畫坐花前。年來不作江南夢。又向東風一惘然。

野香亭集

丙子

答趙愚菴

鏡湖卜築久逃名。辛苦囊書事遠行。耐辱定應推表聖。不言幾使失瞿明。酒酣夜月孤峯嘯。琴碎春風一市驚。何限着紅騎馬客。誰知餅肆有邪卿。

喜從孫康事至

客去閒草堂。一日人事畢。梳髮珍黑絲。攤飯養微疾。兒童乍傳呼。咲語循廊壁。忽來中眷孫。喜愈萬里姪。坡詩今朝復何別已改歲時。居仍舊容膝。每感淵明言。同派願膠漆。杜甫真見濟王渾。果逢述



從茲共竈炊。不須跨驢出。芳樹流鶯啼。比舍糟牀  
滴。領取無邊春。韋家好風日。

午行

穉柳夭桃村路長。始憐絕塞未荒涼。牛羊未耜陂  
塘水。眼底分明是故鄉。

古春閨詞

樓外嬌花玳瑁簾。前好鳥弄綿蠻。尋常春夢能  
千里。可到遼西四十關。

唐書玉歸自中州却贈

野香亭集

丙子

三

衣上洛陽雨。袖中嵩少雲。送行猶雪積。歸到已春  
分。檀木窓初啟。桃花酒又醺。封題舊厨畫。今日笑  
還君。

獨往獨來真能學  
乘根器人不能學

和陵村清明

塵眼瞥過一百六。又看萬戶起新烟。汲泉定夢參  
寥井。應節誰分蹴鞠錢。畫鴨家鄉傷遠道。賣錫風  
日感流年。郊遊怕犯嚴城鼓。且對來禽坐冷氈。

懷戚緘子

野香亭集

丙子

四

夜夢江南春。曉憶江南客。當時楊柳枝。又綠長安  
陌。三月手封書。一年望行展。驚衆太常輿。動色安  
陽檄。古人奚可師。錦袍慰垂白。莫謂祿養非時清。  
厭山澤。

對雨

頭髮因塵垢。無由快湔滌。一春情所嚮。失喜聞淅  
瀝。映空始散絲。着地俄鳴鑼。窸紙漬斜飛。盆魚煦  
踈滴。茗添新水香。瓶愛林花摘。淒淒風料峭。瀟瀟  
畫岑寂。象展閒自蠟。油衣煩屢澣。言尋舊雨交。一

醉展良觀

新晴懷黃樹功揚州

綠樹弄風日。青山媚媚娥。朝來好晴景。閒坐憐輕  
過。豈乏一瓢酒。獨飲空顏酡。相思江夏生。終年悅  
巖阿。夢中招不來。情深廣陵波。花開白土塋。念子  
揚清歌。時無鵝鴨兒。封書當奈何。離官寸亦樂。此  
語真非訛。

獻題斗室十韻

老屋何年構。非亭不是軒。焦先妨肘壁。庾信礙眉

門木榻三支脚。茅椽半露根。開窓臨北冷。垂幔向南溫。落日雞爭入。然燈鼠競喧。風來塵漠漠。雨過晝昏昏。僅足容書棐。纔堪貯酒樽。倚檐愁敗瓦。履地怯危墩。聞見蛙蹲井。行藏虱處禪。莫隨蠻觸國。自有一乾坤。

長安春風歌

黃雲翳空晝。糝糊沙驚石。擊紛號呼居。人行人飽塵。土鶯潛燕伏。師鷄鵬阿姨作態。孟婆怒洛陽姊妹。浩無主如願。方思乞鶴仙。失路翻愁嫁。龍女羣。

野香亭集

丙子

五

喧盡寂聽杳冥。惟有揭簾開戶聲。分明寒自崑崙發。誰道溫從楊柳生。窮巷書生少顏色。偃蹇匡牀聞太息。豈惟平捲三重茅。將恐全傾四立壁。吹花故事久相傳。占候還應大放顛。馳情明日官街客。騎馬肩輿俱可憐。

送夏山人南還六首

自惜倪黃手。三年畫紙鳶。今朝握雙筆。真去寫龍眠。

絕超

小住天際雲。欲歸弦上箭。請看山鷓鴣。南飛豈辭倦。

古

塞上柳花狂。燕姬壓酒香。興酣江北客。愁殺殿西郎。家臨楚與吳。路指齊兼魯。君到桃花城。桃花已如雨。下馬撫阿宣。迎門慰薛媛。莫嘆忍饑寒。囊有鵝溪絹。

野香亭集

丙子

六

周翟交情在。音書好寄將。劇憐尋友夢。難得到潯陽。

三月十五日恭隨 家大人暨諸同好飲集

妙光閣卽席分賦兼示靜公

欣陪杖履散朝衙。草綠山門一徑斜。不障苦遊惟此寺。解留人住是繁花。錦袍欲索佳賓句。玉帶還遺老衲家。珍重香林亭上酒。已虛七十五韶華。

雨

春晚新沾濕。虛堂亦自幽。鉤簾歸燕早。拄杖落花

稠漸作空階怨。初成小院愁。宵來可憐處。半醉攤黃紬。

送趙仲宣授正字歸里

不須嘆蓬累。領取秘書郎。仍是騎驢客。還歸復禮鄉。山川雖大好。梨筍亦難忘。何限騎閭語。春心塞草長。

曉起言懷

飛花三尺草堂前。百舌偏嘖聒曉眠。不出從人爭道路。無聊留客話神仙。竇威十載真徒爾。元稹同

野香亭集

丙子

七

年亦偶然。昨夢扁舟楊柳岸。一篷春雨睡江烟。

寄情運筆  
俱在天際

楊花四首

昨宵遍撒沈郎錢。今日平鋪白雪氈。好是鄉園春氣味。兒童力困午風前。

東城南陌望茫茫。撲地漫天上下狂。飛去好尋稠席墜。遭逢底用竟陵王。

纔黏簾押拂窓櫺。倏過長亭到短亭。飄蕩今生原不恨。後身還怕作浮萍。

舊遊平地入新愁。一夢楊花歲五周。省得銷魂釀酒處。謝家飛絮漂陽樓。

情而不知其所起一  
往而深此詩是也

哭袁士旦宛陵人

空持犀塵哭中郎。黃紙金章事已荒。縱得來生酬不足。較量甘苦可相當。

歸觀朝陽復夕曛。招魂江水又江雲。敬亭山下棠梨道。新起蓮花博士墳。

士旦自是可惜人  
得此亦可恨

野香亭集

丙子

八

題唐綺園送夏山人詞後

搔頭傅粉競纖妍。爭似嬌施出自然。徒愛東都新

樂府。阿誰解薦柳屯田。

玉笛新吹阿鞞迴。離人歸夢滿江淮。他年好記填詞處。三月初三抱劍街。

題吳里人醉紅圖小像

博帶褒衣好年少。詞華風貌擅潘江。停杯數袵微

吟罷。日暮桃花滿玉缸。

春草春鶯復柳枝。劉家空說十娥眉。香塵無跡皆

輕燕百琲眞珠合與誰

和仲佩過崇效寺看新綠之作

誰將螺子黛輕染萬株新色未多經雨陰還不蔽  
人厨烟借姿態池水闢精神再到支公室濃應過  
四隣

題原不著色相詩亦如  
之可悟羚羊挂角之妙

寄園二首用太白宣城清溪韻

洛陽好園林。新安佳山水。昔游墮渺茫。遙情坐思  
此。豈知清夢處。却在紅塵裡。咲躡漁童踪。來訪元

野香亭集

丙子

九

眞子

禽作南中聲石有太古色。踢閣目先送穿林。哨微  
側碧泉吾肺腑白鶴吾舊識。明年桃花時刺船問  
消息

藐姑射之仙耶

初夏對月獨飲作

明月萬萬古照耀無休期。世人萬萬古解玩知爲  
誰人豈盡不知但苦少閒時。春風舍我去單衣動  
涼颼初見下闌干。俄覺樹陰移竹根蕭冷冷。窓紗

野香亭集

透遲遲。光輝滿交牀。左手持酒卮。右手舞如意。猶  
恐傷蛾眉。獨樂異衆歡。冷坐勝熱馳。心存義皇地。  
口誦滄浪詞。自對長安月。五歲吟新詩。未卜江南  
月。定向何年窺。歡畢悲又攪。興盡橫參旗。

絕自寫胸情  
去離飾

雨夜題齋壁

窓檻蕭騷濕。敦牟闌干拖。袖聽難休雖。云一室粗  
容膝。奈可低檐動。打頭消夜清。樽因病減。困人殘  
卷背燈收。建昌紙被楊花枕。不寐心情始欲愁。

野香亭集

丙子

十

絕世風姿自非慧  
業文人誰能解此

肩輿行

王郎生無八駟命。短髮蕭騷愧青鏡。猶須秋請復  
春朝。誰容無病常稱病。旅進旅退公事了。徂東徂  
西作吊慶。一身稊米人海中。卹能奴僕生新敬。擔  
夫爭道兼都盧。驢驘紛雜還柴車。小侯驕馬截街  
至。傳呼亂下紅珊瑚。肩輿被驅如掃葉。偃仄趨避  
黃公墟。墟頭小留無不可。有酒不賒愁煞我。姪女  
雖然工數錢。指點銀瓶口空哆。衡流方羊魚尾

四〇七



沙塵終日搖心旌。白門廊廡青溪舫。惆恍傷人羈旅情。

善雖  
令人解頤

豆莢

帶藿牽箕手。自烹玉盤新。剝碧珠盈漫。云苦筍催人去。一頃南山減宦情。

用事  
便得旁見側出

題長史叔齋前棗樹

安邑千章綠。新分一樹栽。猶憐卜居晚。不及見花來。

野香亭集

丙子

十一

開阮巷正垂蔭。兵厨初潑醅。何當秋薦後。布席叱來來。

黃昏鵲

黃昏乍聞啁啾聲。起看乾鵲喧中庭。不知旁午報何事。相呼相應如丁寧。未必明朝真可喜。聊取閒中悅雙耳。世間空慕崔圓妻。幾見上梁桐樹裏。黃鶯歌管鸚鵡言巧。簧慧舌人所憐。嗟汝本無二鳥福。賀彼光榮自刺促。汝鵲汝鵲雖棲棲。猶勝空房鳥夜啼。

中夏偕酒伴飲唐綺園齋中各賦長句

巷南北復街東西。相過不用勞馬蹄。黃昏剝啄驚幽棲。先生下堂手杖藜。昇階一咲扶阮嵇。行厨布席走小奚。鰓魚忘憂酒到臍。齒健不畏栗與梨。駝囊垂罄雜以醯。五斗一斛吞虹霓。雖露狂態無訶詆。莫嘆暮鹽又朝齏。朱門肥膩令人低。此會真足拂壁題。嚴更催人難久稽。出戶硯痕展齒齋。小雨新霽微有泥。街心明月初如珪。還家兩炬迎中閨。鄉里大勝周澤妻。不因酣醉嘲低迷。到牀舌強甘。

野香亭集

丙子

十二

建溪但愁熟寐聞晨鷄

字坦率入妙中有  
糴後語非漢人不辦

南憐看棗花

棗林寺裡吹香候。曾共山僧遶徑行。此日眼明逢舊識。他時鼻嗅又前生。烟浮几席陰陰色。風過衣巾簌簌聲。今歲相期來歲至。夕陽倚樹自題名。

先醉

纔舉三蕉量已盈。人前先作玉山傾。朝來照鏡驚顰。曉疑有青蟲鼻內生。



獨醉

柳枝作態桃株咲蝶舞鶯歌春日長清興閉門成獨醉儘教惡客慕糟漿

是獨醉令  
人笑

宿醉

昨逢不是持齋日酩酊知誰扶上牀曉色侵窓諸物見覺來猶認月光

懼醉

自着朝衫踏軟塵私筵公讌畧沾唇也非好共何

野香亭集

丙子

十三

郎醒但怕輕言中聖人

羨醉

青蛾綠幘艷樓臺歌舞紛紛醉未回何日南隣尋酒伴千秋亭上亦淋灰

憶醉

近日相期戒泥飲形神惆悵久乖離平生踏草攀花處一倍情深不寐時

病醉

死要陶家取作壺爲官但乞步兵厨假令不飲生

無病未必功名勝酒徒

種自是論

擬醉

柑榴枕上不成眠閑煞餘寒乍暖天丑未觴須卯申醉江南舊對到花前

勸醉

百榼千鍾兼一石如淮如乳復如渾陳醴神道劉伶土有酒誰澆到馬塍

語作達

野香亭集

丙子

十四

任醉

解事貧妻爲我謀君雖止酒却添愁濁醪妙理言堪味一任頻斟罄卽休

同醉

銀瓶入手照流霞從事郎官未足袴隣叟山樵同醉好塔前初放數枝花

狂醉

耳熱髯張一座傾酒聲酒氣雜彭觥狂來因飲還巢飲不顧樽前失老兵

有目  
中何處  
桓元子

新烟

裊裊逗微風，輕輕漾素空。  
桃花如不隔，人在碧紗中。

新水

羅縠紋微皺，漣漪弄鴨頭。  
看他初着雨，已解學江流。

唐  
床人

新燕

野香亭集

丙子

十五

阿那雙棲處，新來訪莫愁。  
窺簾千萬語，誰爲上金鉤。

新草

似水平如掌，如絲散似烟。  
踏青游女伴，羅襪自相憐。

新鶯

羌笛與秦箏，無情又有情。  
鳥雖成北鳥，聲只是南聲。

新柳

未織條條浪，先裁葉葉春。  
褪黃初不覺，着綠便愁人。

新蝶

一自辭秦漢，新粧金粉微。  
還無過牆力，不離草頭飛。

新月

再拜初三月，偷將天寶鑾。  
明朝青鏡裏，眉樣又時新。

諸詩更千百年只如旦晚筆  
研者此鍾退谷所以目唐人也

野香亭集

丙子

十六

十八夜對月

望後第三夜，清圓消一分。  
豈惟今宵惜，從此須殷勤。  
吳剛倚桂樹，笑煞早眠人。  
月應知我意，花影移滿身。  
太空如潑水，不受一片雲。  
疎星散四五，河漢沒纖痕。  
無物非極明，有物明乃神。  
譬彼瞳在目，更益秋水新。  
涼風洒毛髮，暗露霑衣頻。  
曹松簾初拂，孫登榻已陳。  
罷去若有失，欲臥還逡巡。  
大類出桃源，惘恍縈心魂。  
向晨祝融毒，始信嫦娥恩。

毒熱偶書排悶

久作京華人風土頗習熟其地稱高涼寒多暑不  
酷每當盛夏時早晚猶春服邇來十年間倏然變  
舊俗冬雪不到地炎風翻破肉誰使南北氣廻換  
轉坤軸朝曦出未高勢已燎原陸亭午燃十爐几  
席不可觸屈曲一日中深甌兼縛束汗流際薄暮  
一蘇幸新浴街頭響銅碗冰壺買寒玉雖得片時  
爽暑威消易速上鳥下游魚心欣無彼福江淮寡  
塵囂人家牛山谷茂林隨處有清泉取自足斜陽  
映酒旗追涼白湖曲以茲三伏候未覺苦炎毒頻

野香亭集

丙子

十七

年結遐想望倦千里目中宵稍便靜起呼趾離祝  
願假雙飛翼夢魂暫相逐

題梅桐岩廷尉寫真

酒鎗茗碗宦情閒靈藥丹經髮未斑梧月竹風青  
玉簾薰香人對敬亭山

北寺稱平畫寂然職詩日過五花磚流傳遍織登  
中布又見江東二百年

不寐

枕畔論衡消睡物壺中歡伯破愁兵卽能孤燭殘

香裡一婢琵琶一婢爭

分合彈琵琶事  
析亦妙

熱甚漫書

着衣畏似穿金甲逃暑思如放白鵬一壑一丘尋  
不得江南涼煞好湖山

雨

晚雨瀟瀟快掩襟北窓風價萬黃金小池流駛跳  
魚亂獨樹涼歸聚鳥深燒燭初宜留客話聽泉忽  
起住山心樵青賣藥錢雖少且得清樽伴苦吟

野香亭集

丙子

十八

復居故宅謝別西街諸子

編籬疊石向門排一字闌干四達齋心喜忽逢新  
牖竹眼明重見舊庭槐正如東野移家具亦效南  
宮揭荊牌只有隔牆忘不得酒人多在市西街

瓶荷

清骨冰姿媚婉孌一枝嫣紅一枝白擎含笑靨  
含顰尹夫人見邢夫人高粱一勾取漲後膽瓶冷  
浸相鮮新風前掩作張郎醉雨中迸落湘妃淚遊  
情脉脉若耶溪禪心杳杳東林寺北地高涼六月

寒空明無復憂炎官疎簾清簾晝如水。暗香自解  
吹齊統。黎婦不足矜茉莉。楚僖未許誇芳蘭。屈曲  
瓶中雖踟躕。猶幸常爲人愛惜。橫湖鑑湖空離披。  
枯時惟助秋風悲。

行問字裏別具遠  
情信是文外獨絕

茉莉

九里花田雪。何年渡海來。無人秋院晚。隨意數枝  
開。摘露闌干遍。簪香沐浴回。瓶荷零落後。又爲汝  
低徊。

野香亭集

丙子

十九

簾

乍鋪新碧角。忽謝舊青氈。紋作春波縐。光生雨點  
圓。清涼慵早起。風味滿橫眠。預恐添衾候。齊紈共  
棄捐。

六朝人謝齊物啓  
不過如此佳佳

題畫

紅樹蒼山逐望開。早潮送去晚潮回。誰能更向疎  
篷底。添個樵青夫婦來。

海寧查浦生子詩

門第鹽官組印重。南高峯接北高峯。查湖諸彥推  
查浦。大似慈明表八龍。  
吉夢經年作瑞符。庭中烏鳳掌中珠。旅懷喜溢開  
書後。先禮張神挾彈圖。  
湯餅遙知慶里隣。爭誇天上石麒麟。桃花靨面勞  
閨思。自裹犀錢報遠人。  
摩頂聞聲歎絕奇。占英卜貴幾人知。紅綾黃榜君  
家事。眞見義之又有之。

題吳興沈隱居遺照

野香亭集

丙子

二十

几席圖書靜講堂。吳興風貌晉唐裝。芙蓉城主頭  
銜貴。安用生爲吏部郎。

竹

東林叢篠宛羅浮。書客榮如千戶侯。從此窓蕉不  
岑寂。風枝雨葉對吟秋。

玉簪

山麝紛紛晚襲襟。數枝擎出步廊深。漢宮金翠看  
都厭。新尙夫人白玉簪。

木槿

池上籬邊雨復晴。自開自落自經營。花奴去作神仙後。赤板橋西又一生。

### 秋海棠

借他梨白與桃紅。粉膩朱凝面面工。自別春城諸戚里。又將桂子嫁秋風。

### 秋宵新霽恭侍

家大人及諸子宴集聽歌

### 童絲竹卽事成詩

媚人晚景思飛英。欽賢一室無將迎。盲風驟雨已陳迹。衣裳綵縹吹秋聲。黃昏諸物忽有影。仰見新

### 野香亭集

丙子

二十一

月初西橫櫻桃鐸。鐸可映字琥珀倒。瀉琉璃明荷香。竹露暗侵席。酒船迅健聲彭觥。絲幘小隊抱樂器。紅牙玉笛胡琴笙。綠雲清切絲竹肉。千樹萬樹啼春鶯。候重不敢作嗽。唧流泉未放鳴琮琤。少華清光異肥膩。笑渠冠珮羅優伶。承顏歡宴素心足。豈效齷齪憂功名。從來門厨靜如水。後樂爲慶今宵晴。

### 送從姪蒼存落第南歸

桂蕊寒無香。殘蟬寂不嘒。初送杜勤歸。又雪剗蕢。

### 野香亭集

丙子

二十一

涕平生中眷親。竹林未相離。自顧痴湛流。講易慚傾濟。櫻許山魏間。虛名竊當世。一葉寄狂飈。恆愁少根柢。所賴我龍文。芝蘭照庭砌。方期千里馳。竟爾霜蹄蹶。土梗羞低眉。雲霄讓高髻。碧山不負吾青鞋。作長計。亂憂清砧起。遠心驚隼逝。淫霖艱首途。水勢秋猶銳。跬步僕馬遲。遙村烟火細。西風添髻霜。泥淤感執袂。洪濤浸日邊。澤國浮天際。獸畝龍所宮。柴門浪頭閉。將恐無垣墻。遑思飽粗糲。不知混茫中。誅茅定何詣。且從甫里游。垂綸兼鼓枻。

### 功第

### 九日妙光閣

烏啼欲曉。霜初日散。蒼涼閒過。無人處。山門秋葉黃。繩牀小。三昧蕭寺。五重陽。幾個登高客。佳時在故鄉。

所思  
散意

### 次韻章豈績九日書懷



霽景親人卵色天。寒蕪秋老望蒼然。消魂斑駁聞  
邊雁。乞命黃花減俸錢。野性久成山水癖。良辰偏  
動古今憐。持螯把酒如常得。便擬浮家問釣船。  
云西湖多少開風月  
待覓漁翁釣船

和程信臣九日妙光閣

未能免俗且擎登。挑榼來尋破竈僧。高閣半空穿  
巷見。清砧一片隔牆聲。疎情豈戀東曹掾。深意將  
求大樂丞。選佛場中無賴飲。醉鄉日月亦餘乘。

答唐綺園見懷二首

野香亭集

丙子

二十二

三歲同窮巷。唐衢信我師。詞華與風義。夫子實兼  
之。秋水庚辛檻。春花丑未庖。圍爐揮扇候。相憶輒  
相隨。  
暫爾離人海。初憐謝馬蹄。牀仍分上下。城忽限東  
西。祿米安陽令。田園翟氏妻。清宵論仕隱。愁滿五  
雲溪。

題狄向濤悼亡詩後二首

殷勤治熱覓金漿。取冷中庭踏夜霜。猶幸平生少  
離別。九原不怨易前廊。  
以易彥祥為前寧其妻作一元

剪梅詞寄之中有句云  
食就前歸忘却回廊

樂府新成泣酒闌。斷腸風日小長干。柳枝桃葉春  
還在。只憶梅花共歲寒。

和邵陸村書齋新理之作

真遂幽居計。蕭然退院僧。書聲出何處。竹裡見窓  
燈。竊效東臯子。來依北渚朋。行窩隨地好。莫念舊  
茅櫓。

題漁家便面

碧波青障晚春天。繫纜蘆灘柳岸邊。風景憶曾親

野香亭集

丙子

二十四

見處丙寅三月白門前。

白傳詩上得語與未能去春  
風戲水店門前風味略似

瓦盆銅斗酒錢麤。罩畔筌塋坐釣徒。好補天隨漁

具錄五湖今作五人湖。  
五人中繪酒船漁具

打得長魚拜浪婆。脚敲吳榜唱吳歌。水鄉生長無

名姓。誰識龜蒙與志和。

夢裡桃源畫裡傳。軟紅香土感年年。終當賣却籃  
輿去。別買吳江鴨嘴船。

送戴田有歸桐山舊隱

雪白蘭薰久絕倫，每輕榮祿厭風塵。偶然囊却孤  
琴去，眞與龍眠作主人。  
移竹尋梅計不疎，雙桐門徑七松居。白楊齋室青  
楊巷，日把花經種樹書。  
南湖波接太湖平，四面青山三面城。他日相思戴  
安道，不辭雪後刺船行。  
江南夫子無雙士，何遂翛然事隱棲。多恐秦僧論  
骨相，未容閒處聽黃鸝。

野香亭集

丙子

二十五

丙子稿

終

野香亭集

合肥李孚青丹壑撰

丁丑稿

上元後四日趙繡麟招友生野飲，余適以事  
羈，未赴，悵然有作。

殘燈節事水東流，無計懷杯就樂游。未向竇中窺  
八達，獨教車下對三闌。酒徒自具神仙福，巫媼空  
成鬢髮秋。那不芳春容易擲，二分塵土一分愁。

題陳元師小照兼贈令嗣桂林司馬

野香亭集

丁丑

玉色神明醉色新，簪冠道服照青春。不妨樂志眠  
雲月，膝上佳兒慘綠人。

龔橘畦席上賦花朝風得南字

衣聲綵縹髮鬢髻，暫謝緇塵喜盍簪。六度花朝過  
目鳥，廿年冰署盡絲蠶。刁刁將恐茅茨拔，習習誰  
教草木酣。昨夢騎驢治春去，怨紅愁綠滿江南。

甲園雜咏六首

爲深陽秋  
向壽賦

秋影草堂

植堂前  
桂樹

豈知幽隱樹，眞在清虛境。風窓拾薄金，月地眠秋

影仰視學仙人辛勤夜何永

逸舫

分明甫里舟恰作思屋光烟巒枕上青  
蓉池席邊綠官舫笑嚴程風波日馳逐

披霞幄

瀨上初燒春芬芳入彌望流霞散酒鱗  
濯錦飄衣桁日射紅琉璃一片齊奴障

嘯亭

且置老莊書一窳孫阮旨偶聞高柳  
蟬發聲寫清

野香亭集

丁丑

二

微空亭畫杳冥迴風竹中起

清陰館

萬木聳扶疎空翠蒼然合仰無火傘張  
俛有清陰匝虛籟驚晏眠苔痕欲侵榻

溶溪

剪取長蕩波溶溪清瀏瀏樵青唱迎潮  
漁童拍銅斗自樂鴨頭船不識湖州守

送馮躬暨太守之官廣州

霏吳扇越治聲聞紫馬新行五嶺雲  
眞幸黥花椎

髻輦小馮君繼大馮君

翹首羊城意萬重蠻人瀧吏得相從  
何由身似飛來寺同上天南第一峯

歌舞并州風日新桃花照眼酒沾唇  
倘經歌舞岡前路定憶芳春汐社人

絲竹曾窺東閣開講堂未坐許追陪  
綠衣早卜黃裳貴領取金鉏赤棒來

送張繩思歸里

幽州雪片大如掌二月城頭海螺響  
春墮虛無杏

野香亭集

丁丑

三

渺間心落歸雲飛鳥上曉把陽關三  
疊圖醉眼向天吟鷓鴣拙謀謬算竟何  
益故園待我芟榛蕪紛紛作郡兼南北  
誰得宦成鬚髮黑天公獨念倦遊人特  
賜湖光與山色塵中百事鴻毛輕惟有  
酒徒縈別情愁將良會笙歌耳去聽嚴  
程鈴鐸聲我亦懷歸蜀峯側自裏蠶絲  
行不得難教竹作葛陂龍潞水春流聞  
太息

哭李樹玉表兄

摧折瓊瑤枝淒涼桃李月淚盡長眠人  
白滿中年

髮平生黃鄭親貧居共林樾日作天寧遊杯鐙難  
肴核淮波碧濠羅蜀山青挿笏展齒無春秋留題  
遍吳越便擬師向禽追從少休歇狂飈捲紅塵吹  
我如飄筏未免挈銅鉢流浪趨金闕廿載舊期衫  
重羞裏痴骨相思芳春草萋萋雨中發方期踐息  
壤望衡老耕垌豈知少微垣竟作流星沒雪涕向  
南天悲心入恍惚家本黔婁貧誰爲理墳碣妻孥  
守茅茨應不充薇蕨自慚王子衡遠羈類顛蹶何  
由身爲雲奮飛逐鷹鷂負君有百端挽詞愁澁訥

野香亭集

丁丑

四

李友聲四兄至

花初冒蝶柳藏鶯熨眼迴廊社雨晴牆外車聲春  
夢破樽前鄉語客愁輕功名未必羊頭賤歲月難  
令馬角生執荻編荆成底事那逢梁柳不關情

送阮巖公落第南歸

世人競愛桃李姿蒼松淵底愁棲遲春風但解榮  
軟美獨抱礪硯徒爾爲江左俊人道南秀英才粹  
德眞吾師寒年纖績儉歲稷廟廊所用非公誰貢  
身耻作無錫長自視鸞鳳人鳬鷺結束身手決強

弱矜衍文采分雄雌青冥萬里共仰首健翮誤拂  
頽風垂豈云宋五果坦率深悔柳七工填詞勿喚  
綱官作諧笑今之玉署問寒饑嚼蠟况味正相似  
輸我安穩眠茅茨枝頭子規苦催客直沾冰泮青  
琉璃運租船便且歸去秦淮鍾阜聊舒眉三畝雖  
蕪幸猶在栽桑種秫娛妻兒從此浮雲懶西向土  
牛不下行何時踏閭欲語日又暮招隱倘可郵新  
詩

哭陸氏妹

野香亭集

丁丑

五

洛城幽信感開函渾淚愁禁地判三千里招魂何  
處是不知到越到江南  
人間不久住明香夢覺空庭碧落長柳絮無情春  
又起祗應腸斷謝東陽

宋培菴招飲

青鞵五里過城闌小試南烹費酒繙潑火雨中三  
日病妬花風裏一分春久知鼻觶原非蔡寧顧頭  
顱要責秦心喜齋前紅杏樹他年許作隔牆人  
慈仁寺看海棠敬和 家大人韻

川紅雙樹象王家烟際看如隔翠紗出浴未消湯  
殿酒試衣新濯錦城霞已憐絕艷牽心眼莫恨無  
香挂齒牙失笑經營膽瓶事一春擔上買殘花

次韻徐華隱同年閏三月七日妙光閣宴集  
之作二首

送春心性早休衙結夏衣衫欲試紗初地有情淹  
展齒好山無限對簷牙卽看象外深留景散怨塵  
中晚得花多謝東皇酬不足更從九十益韶華  
登臨闕閣復攀林密艷繁香一望深白足行厨市

野香亭集

丁丑

六

兼味平頭合樂聚濃陰興閑逐晴莎步酒醒清  
生午磬音絕愛修仁話風月慚將下調續高吟

送龔橘畦之雍州

故人汗漫情拂衣常在口坐惜綠消眉臥驚柳生  
肘懶耕陽羨田去飲新豐酒猶及逐春歸不落飛  
花後

眼明五千仞芙蓉幸無恙失喜禿尾驢眞行灞橋  
上秦爭迎牧之山禽識種放平生名岳懷因君感  
微尚

送姚君山歸桐城

芍藥枝頭白晝長杜鵑聲裏促行裝飄風忽送孤  
雲去惆悵樽前失渴羌  
筆札相仍苦閉關吟髭愁斷髻愁斑今朝得試盧  
敖杖第一先遊何處山  
綠窓頻望大刀頭緘畫函詩厯幾秋昨讀襄陽耆  
舊傳鹿門妻子勝封侯  
歸人自愛龍眠好畫壁飛英又寂寥奈可送春還  
送客碧山堂上兩魂銷

野香亭集

丁丑

七

雨

中宵雷殷牀鑽火室如墨目眩飛電光心悸獨塞  
默合勢瀉清快着瓦萬弩力窓外行波濤門前儼  
溝洫汎流走池魚急溜亂林翼蕭爽徹平明佳聲  
聽安極將成三尺盈未便一犁息側聞春月霖有  
年大江北昨把手中書旅人有顏色京師復霑足  
鬢絲喜生黑定知巷陌間矜談好稼穡不妨仲蔚  
園蓬蒿及檻闥

臥病



閒懶果爲患疲癯乃相因藥氣入新嗅布衾尋舊  
溫神魂游空虛飄飄隨風雲回思昨日健已有仙  
凡分精神馬上郎顧盼輕塵氛始離程羅檻復過  
金張門攬身若鷹隼出曉歸黃昏何處二豎子等  
閑來中人

題陳雲卿寫真

負局先生本谷神方瞳偃骨悟前身偶然磨鏡辭  
汾晉女子寧知賣藥人

南漢宮詞

野香亭集

丁丑

八

蠻土春偏瘴癘和玲瓏椒壁受涼多名香偏薰無  
烟起底事龔疎笑阿摩  
昭陽殿外雨初收時有眞珠瀉御溝半夜齊驚紅  
日上不知曉珀在東樓  
內苑晶丸晚薦餘紅雲宴罷引羊車良家玉貌三  
千輩解助蕭閒只媚豬  
羅綺紛紛闌草謹新嚴花禁勅中官大家垂拱閒  
無事愛結珠龍九五鞍

夜坐吟

野香亭集

當前實境過卽空誰勞誰逸牛馬風欲養微軀試  
沐浴沸泉柔滑融黃宮瓜剖胭脂冰削玉起傍長  
廊設斬竹人間自得無事貧衆裡從呼不材木况  
逢西北風塵清時雨初過雙眼明碧空萬里夜如  
水中宵坐久無流星最憐風露侵殘醉清景清樽  
曳所賜早知飲酒勝儀同多謝池蛙呈鼓吹

送程元敬任興平縣丞

麥風梅雨蟬聲長道邊驕馬嘶斜陽茂陵贊府吳  
郡郎新添佳氣眉間黃決若碧落豪鷹翔玉京回

野香亭集

丁丑

九

首塵茫茫家遠不牽兒女腸一鞭直走天西疆貳  
職百里同輝光昔賢曾號仙與香杏園槐市廳事  
傍渭河繡嶺遙相望想君憑臨增慨慷吟吊秦漢  
兼隋唐鐔刃不頓有底忙酒鎗遊展隨清狂豈惟  
丞不負崔汪將見尹亦驚韋張廳官得居山水鄉  
襟懷竊傲中書堂他時清白聞廟廊列岳慎勿忘  
雍涼

雨中送友聲之通潞

侵晨別我向通潞紅染衣走風雨觸熱衝泥老

蕩子慣放短驢如脫兔漫郎卽事羈有年傍人競  
笑枝頭乾車中久作新婦閑雖有去路空雲烟高  
麗莊前水方壯急漿亂帆交下上渡頭倘遇故鄉  
船應爲殷勤致吳餉

雨夜同人小集值武林徐秉丹至因留宿槐  
軒各賦一首

汐社無須折簡呼虛堂酒熟雨聲麤眞憐對設徐  
生榻不惜平分阮籍厨君自偶思來北闕我方頻  
夢到西湖酣歌莫聽空階滴恐遣歡場百感俱

野香亭集

丁丑

十

六月初八日西郊書事同張隨齋同年作

曲肱假寐始黃昏不覺殘更促駿奔宵短纔堪煮  
羊腍晝長已足熟熊蹯

筍轎衝泥十丈強險如帆向逆風張此行亦爲公  
私急莫笑鳴蛙閣閣忙

斷崖欹岸幾時平蹠蹠輿夫之字行乞火難於見  
明月尋常燦燭棘薪輕

尺五甘泉得坦途丹陵泝北淨烟蕪須臾紅日開  
寥廓雨橫風豪寂若無

回首西山廿載違白雲常傍夢魂飛今朝一事千  
秋快恰與天香共袖歸

行樹交陰滿路蟬高梁橋上起炊烟何人得似張  
公子勸醉黃墟借酒錢

樵歌牧笛晚相迎茅舍疎籬別有情坐羨汝曹安  
可及愁從極樂寺前生

脾病

不信駢蹄味偏饕藜藿腸逢人求紫笋何地足紅  
薑須藉吳綿暖休就鄭席涼更憐新止酒難入黑

野香亭集

丁丑

十一

甜鄉

送成都費滋衡

暑風几席日凝塵一卷驚看冰雪新二百年來無  
此作三千士裏有斯人仰攻未敢窺殷浩附載初  
欣識賀循坐汝樓頭我樓下兎毫塵尾許相親  
草閣淹留倏夏闌遠心初感客衣單偶然流寓長  
安樂奈可懷歸蜀道難不慕鵷行兼鴈序好尋鹿  
柴與牛欄憐君後夜馳情處橫笛清謳燭淚殘

月夜浦息菴招同諸子飲集凝翠軒

婁東詩老有閒心手闌軒窓就綠陰上頓偶留看  
竹客南烹却損賣文金懶依槐柳隨潘陸悔別嵩  
丘負向禽聽罷吳趨在燕市月殘酒冷最情深

立秋日再集半舸

桐樹小搖落主人池館秋涼風任衣帶暮雨下簾  
鉤清釀郎官好新歌水調愁殷勤吟半舸合眼到  
滄洲

槐蔭軒小飲書事兼示一二知己

跬步相尋展齒輕酒船歌扇未忘情不妨病後爲

野香亭集

丁丑

十一

顛飲何幸人間得懶名暑尚餘威朝自雨秋微有  
力夜還晴那堪一片江南思更聽陽陶簪栗聲

酬徐乘丹

少年意氣倚朱顏荷甌寧知旅食艱欲博安陽娛  
白髮故教明逸出青山爲詩不在歸韋下談道應  
居魏晉間縱是西湖無限好藜牀土室亦空閒

七月初一夜始聞蟋蟀

能酒雨冥冥閒翻促織經秋方初一夜愁滿第三  
廳近忽燈前失清還枕上醒爭知明鏡裏減我髩

痕青

寄答趙秋谷同年見懷之作

樓桐何處恣攀登忽漫空中寄剡藤春夢一場僞  
耳婦香烟三世法華僧心牽藥裹長相守力飲醇  
醪近益能二事勝人真自幸已兼沈謝兩吳興詩來  
云若除善病兼能酒百不如人亦可憐

送王于六內兄歸里

摩鳥集闕感嚴程千里音書六載情不作相如子  
雲事等閒來訪陸韓卿

野香亭集

丁丑

十二

正憐明月逢張八忽漫秋風送魏三注目搖鞭騎  
馬去人生不合別江南

題杭州潘達五小像

騎省風情樂面城鏡中未見二毛生自聽宋緯簫  
聲久不記錢塘謝好箏

送程信臣及第歸省

榜花眞喜張吾軍自顧顛毛不可耘未及中年稱  
老婦獨驚七度避郎君秋光入眼成春色黃氣生  
眉近白雲爭識宮袍前進士遙知人迓罄鄉枌

秋雨再經廣慧寺題琦上人房

支筇秋雨裡來聽講時鐘古佛泉中冷吳僧人外  
逢雁聲成小却鴨脚失前蹤欲識瀉山面天西無  
數峯

送田梅嶼南行用蘇文忠送張嘉州韻

骭髀不千公與侯蕭散不乞郡與州白銀黃札輕  
涕唾愛食蛤蜊青莖遊澗松籬菊偶回首鄉心已  
在浮山口直沽水波鴨綠平今日扁舟落吾手田  
郎舒嘯萬籟秋田郎下筆三峽流羨君明月峭帆

野香亭集

丁丑

十四

去獨憐羽服登黃樓年少知歸近稀有鄙人猶戀  
焦家酒朝士儀形隱士心何路重尋畫灰叟

秋日過倪仲佩新居小飲

前年同僦西街屋牆共槐陰窓共竹今年卜宅宣  
武門君忽徙寓如荒村相思輒復信足到頻過仍  
是吾南隣蒿萊手剪庭新沐悠然靜對西山綠但  
滿坐上雲霞交未須戶外朱丹穀芳菊乍綻眼已  
明籬根便有重陽情灤河鮮鯽越州酒粗豪一笑  
空盤罌書生食籍冥冥改登席全無松韭在不圖

居類盧玉川乃能厨似羊臨海看君用意今陳遵  
取醉不計來朝貧生前一杯古所歎傾身障簾嗟  
何人

壽成竹隱丈

小隱汝南市兒童知地仙秋遊羊識路春雨鹿耕  
田銅匙嗟陳跡青山見少年曾聞清夢裡名字月  
中懸

送袁杜少宮允假歸東明

同年比舍感昏晨無那幽襟厭軟塵朱紱儘多捫

野香亭集

丁丑

十五

足客青山眞見乞身人都門誰畫揚司業賓榻終  
思杜正倫莫道魏州秋色好漫郎非不憶菰蓴

和友聲九日埵兒山之作

敞亭園殿夕陽閒自古丹丘解駐顏莫念人間廬  
子國且登天上埵兒山一年心似飛黃葉今日身  
同放白鷗破帽秋風幾重九樽前羞插菊花還

仲佩招看菊花醉後書事

不道秋光在比隣鄧黃陳白亞枝新多情誰似陶  
徵士手拗寒香念故人



磨蟻轅駒有底忙鄉愁宦況日禁當此時消得三  
升酒全倚能歌田順郎

酬人送苦酒

性厭梁甘味清樽日報空黃昏到盆甕明月上簾  
櫳力勁愁城破香深隔縣通何殊陳叔達一斗絆  
無功

病中和陸村懷鄉之作

聽咏懷鄉句情深調更工雖憐君髮雪幸愈我頭  
風携酒嚴霜裡敲門明月中豈徒湖上好茅屋在

野香亭集

丁丑

十六

江東

十月廿四日對雪用聚星堂韻仍禁體物諸  
字

地爐氣凜燃松葉攤鼻微吟愛初雪不辭灰裡撥  
陰何衝寒勝賞真奇絕欸屏忽到盧齊輩驚起袁  
安屐齒折老柏弄姿瘦竹肥池面無痕山春滅啄  
簷不定凍禽爭橫空時見飢鷹掣鬚頭交帚一徑  
出翠袖添杯雙頰纈重裯油窓初有情跋履沒靴  
俱屑屑沾衣入座亦復佳明日泥塵愁一瞥張燈

須極酒徒醉有年將聽田公說且拚酬勸五更鐘  
正怕禁當三尺鐵

小至夜酒間分韻

坐深落月復斜河殘雪堦前尙沒靴兩眼年華駒  
影速連宵衫袖酒痕多消閒細按除紅譜出令爭  
嚴卷白波明日新愁添一線休辭醉醉類似初荷

送趙繡麟之曾稽

同惜樽前趙倚樓誰家長笛引離憂久拋楊柳樓  
燕市忽見梅花憶越州中路春生初變樹過江雪

野香亭集

丁丑

十七

細不侵裘羨他滿眼佳山水雙屐三舟勝五侯

同友聲飲徐聖遊齋中

閒憶徐君中聖人欸門李益共盧綸酒場意興憐  
深夜貧日心情盼早春彈指休嗟霜入髯低頭恐  
負月如銀流年取次過三九重約東風菜把陳

歲暮再飲聖遊齋中

玉梅花裡草堂前烏炭明燈復此筵老大方將傷  
去日兒郎何事喜新年鄉心不逐寒更斷春信先  
從臘鼓傳餽餽果蔬亦相樂誰家爛用水衡錢



偶題

富都那豎盡分符湖粉搔頭好髭鬚進士出身果  
何用空將殘卷詫妻孥

野香亭集

丁丑

十八

丁丑稿

終

野香亭集

合肥李孚青丹壑撰

戊寅稿

同生曲二首

庭階久坐處磚上隱雙趺芒屨猶在壁歸與尋酒  
徒  
戛門詖蕩蕩欲上畏驚風春秋去堂堂可憐顏色  
紅

塘上行

野香亭集

戊寅

一

莫向塘上行愁人是塘水薰風荷花開涼風荷葉  
死

讀十六國春秋小樂府

遮須夸

機上發皮囊題文白玉方神山無主者下界取劉  
郎

褰衣吟

莫服三斛灰棘子壞衣襟勿怨生室馨棘子欲成  
林

赭白馬

齒長猶奇駿重看鮑氏驄鑄銅兼勒讚不忘棘城功

長安謠

草付久成讖大魚將作龍可憐瞎兒目不望洛門東

宮牆墜

佛念非童子東平是婦人寧爲石橋鬼不作寄奴臣

野香亭集

戊寅

二

一虹斷

位過三公貴身兼四相奇久推祚鍾李惟有范賢知

二姬死

感激彌留言一死甘如薺未信平生心空用夫人禮

西北槐

不奮北平勇偏傳好學名今年秦隴植忽向酒泉生

野香亭集

東門書

老父在東門老狐在東序涼王三十年石人血如雨

重瞳子

王侯接踵來龍麟瑞可數雖非重華聖頗類項羽武

忠孝淚

競下含辛淚誰分孝與忠北門勿輕毀人納夕陽公

野香亭集

戊寅

三

呂光喜

呂光休浪喜馬傷偶然耳豈意鮮卑兒能知三讓美

衰庚戌

有德如鄭莊引禮論晏子何驍朗公言卜年則一紀

五谿山

敝快原有獸禍成掌集梟精靈憑廣武不使公府逃

四二五

北部人

昔聞雌變雄今見陰爲陽白日庫斗頭射人入皇堂

黑渠戰

子孫銳如鐵土堅不可錐前有石馬行後有鵝青飛

華山畿六首

華山畿南徐幾千里定知歡是誰雲陽路迢迢再拜阿母慈

野香亭集

戊寅

四

妾有雙蔽膝贈郎勝盧醫郎竟輕舉席畢命親抱持  
阿母含悲酸車載經華山華山妾門前  
牛不動待浴豈惹湯感歡恩意重  
掃儂遠山眉梳儂飛仙髻聽歌華山畿  
儂不寡棺中雙鴛鴦家人莫叩打

白鼻騮

日一石主人口許心尙惜腹饑且求飾外觀熊皮障泥數十年

書後蜀

艷魄驚飛霹靂車白楊紅錦怨寒沙從今不唾青  
城地蜀國新添姓痛家  
玉骨冰肌絕代人陳詩忍誦國亡因不揮乾德三  
年淚安用圖他挾彈神

賦得劉生贈劉西園

隱然一敵國標名三輔中目閃山巖電腰明睚眦  
龍吐詞驚落屑行事輕發蒙東平老孫子今日爲  
誰雄

野香亭集

戊寅

五

人日

拜春厭嚙踏肩輿無休期望門儘投刺不復問某  
誰歸來如夢寐安知爲公私放朝始七日奔走已  
半之那將有限年虛擲在驅馳偷閒傳生宴盍簪  
聊舒眉勿爲失歲嗟但恨得酒遲勿恨得酒遲後  
拈有白髭舞罷墮銀幡東風吹接羣早梅開笑頰  
一引千留犁少年安可忽情深酒闌時

李玉少表弟至

紅綠堆盤酒甕香眼中表弟忽他鄉行人衣帶青

齊雨倦客鬚添紫塞霜快意花前重執手開書病  
後九迴腸六年光景如春夢故態羞逢李十郎

花朝飲陳友菴宅

擾擾風塵際留人君最賢不教後閣走竟許大牀  
眠發興花生日吟春客去年晝長歸未晚還在月  
升前

春雪

風色空庭過客疎摩松壓竹上階除正思携酒聽  
黃鳥却作尋詩跨白驢着地自消春潤後拂簷不

野香亭集

戊寅

六

凍晚炊初無情耐忍清寒睡漏板燈花四壁虛

浦息菴齋中對酒

百花開到桐初月懸玉弓麴生風味別熊白兼豬  
紅戶外阮孚展座上夸甫客還我糟丘臺獨醒百  
無益

晚春邵陸村招飲

芳春已如客無計緩歸期能了杯鐙事南莊老斛  
斯交情百年見酣法六朝遺欲狀殘花態翻風三  
十時

題友聲表兄汐社集後

浮山三月花如霰沒社草堂夢中見燕姬酒熱春  
茫茫君忽乘風來日傍新詩黃絹字瘡竹開卷爛  
然眩凡目莫嘲魏郎閒弄戟早識班生飛食肉仕  
宦當作執金吾俛首筆硯令人愚豫章合抱鵠豐  
羽毛骨如君生豈虛

早朝

佳氣餘寒盡朝衫到曉溫春風歸別館暗露濕中  
垣南極瞻天市西山對國門廿年漸逐坐無恙卽

野香亭集

戊寅

七

深思

寄壽秋潭翁

早歲朝衫染塵垢筋驚肉緩真自取雖營顏駟一  
囊粟只想陶潛五株柳夢中舊路愁雲烟覺後新  
詩握瓊玖秋潭山莊信幽境拱合青峯環綠畝三  
間矮屋牛欄西一徑疎籬雞柵後窓前黃鳥晴晴  
啖門外白湖清瀏瀏不求鳳詔走蒲輪惟望馬軍  
送樽酒捉鼻尋常恐不免捫膝棲遲果無負我生  
微尚愛林壑旅食嗟如蠅在口昨從君平筮得咸

未卜後爰爲上九高風契濶行十霜伐薪汲泉事  
已久鄙吝日生寡聞道寸莛空憶洪鐘扣卽今初  
開第五秩親戚遙知迭爲壽堆盤挈榼復傾壺各  
有所獻隨薄厚安能比立梁城陽同進松枝兼大  
斗章成聊當鶴南飛應逐春風到淮右

美人便面

不隨粉黛闌傾城瓦質蘭形畏見輕賦就小山行  
尙把青絲自署女諸生

送玉少南歸

野香亭集

戊寅

八

送客青門指故山馳情只在暮雲間江鷗隨處飛  
都得那比雕籠老白鷗  
東風料峭雨模糊春草茫茫花事無破帽疲驢尋  
知醉滕南薛北酒錢癡

送唐綺園之河東幕

代馬嘶風去雁門行人揮袂倒離樽明年再試春  
衫日記取長安舊酒痕  
安西幕府士如雲爭似枚臯迴出羣座上紫髯看  
小異定逢碧眼識參軍

水複山重別路長河東春盡棗花香白頭夢邊羊  
腸坂莫認并州是故鄉

立夏日風雨卽目

鶉鳩聲裡試羅裳芳樹朝來半改粧却笑殘花怯  
風雨正如呂炫與蕭娘

嫩寒微熱競勾留蘄簾吳綿雨不收送去春光迎  
夏景可憐愛妾換驂騑

得家書寄二子楸琳

阿楸十三勤六經阿琳附晤垂七齡細君信有譽

野香亭集

戊寅

九

兒癖頻題牋尾矜室馨從來讀書如啖蔗寸晷分  
陰果無價芝蘭欲使生庭前梨栗慎毋喧膝下賦  
鷗吟鳳期青雲兩省當年有弟昆乃公願作張憑  
父汝輩須追李迪孫

偶閱梅妃傳

二南少小矢堅貞謝女風姿畫不成豈似華清娘  
子貴金鷄障裏別鍾情  
梅花無色荔枝香驛使難教到上陽常重孤山林  
處士一生相守勝三郎



送龐雪崖太守之官建寧

官柳陰濃宿雨寒南風吹綠渡桑乾玉堂畫省皆  
清寂才子偏宜向建安

丹山碧水望重重眞踏江郎昔日蹤十六洞莧雲  
外落武彝君在萬芙蓉

紫馬前頭竹馬譁再逢景祐舊名家使君心似松  
溪水第一先供的乳茶

政簡閒情及典墳靜披吟卷坐斜曛他年名上屏  
風後還汝黃金四十斤

野香亭集

戊寅

十

喜何岱露業師至都

捧手橫經繫夢思越雲秦樹達書遲絳紗許列三  
千後草屨蒙矜十五時覆粥牀前知教誨進鱸堂  
上卜台司廿年槐市相逢處風月依然易水湄

送友聲之通州

比儂初泛潞河船弄水乘潮學長年無事攤錢連  
雨日有情中酒阻風天肘間楊柳雖觀後胸內山  
川尙眼前愛汝獨吹橫笛罷哦詩閒臥柁樓烟

芍藥

深叢密房欄檻周帶雨姪姘映日柔弄姿作態雖  
見賞中有一段揚州愁謝郎胭脂坡老雪曩昔香  
名尙頗頡春城姊妹散如烟獨艷誰將阿姨埒東  
風放顛南風妒主人偷閒且珍護膽瓶洗滌待花  
殘莫令空向圖中看

喜雨用謝元暉和何議曹郊遊二首韻

氣涼動衫袖微風先樹林霖雨霽而至沾酒皆佳  
音水禽自入戶池泉深及尋園官畦圃念農夫賦  
澹心翻匙與下筯一飽欣從今

野香亭集

戊寅

十一

今雨絕逢迎不出宜靜者挂笏西山頭讀書北窓  
下目瞬流相續耳傾浩如瀉屬無居士置衣誰侍  
郎假刺促詎微尙藜牀愜過夏

四月十五夜同友生各賦月事得庚元規

不起元規塵明月滿武昌南樓脊良夜叅佐無相  
妨笑執阿源手瀟洒委冠裳老子興不淺高談據  
湖牀鐺杓勿復置清景蘇吾僵江天映寒鏡千頃  
凝秋霜遙望樊口山一髮辨微茫仗節居上流勢  
已傾建康茂弘同休戚何獨近太陽聆彼角巾言

睢盱未能忘他時捉玉塵石城詠清光

十九日恭隨 家大人偕及門諸君子讌集  
豐臺芍藥園卽席書事得長歌一首

西山鴉雛色飄來眉睫間豐臺金粉粧招人雲霞  
邊隼旗幢幢衝曉烟取道中頂徑不偏荷錢柳浪  
將軍園低徊默記舊行跡廿年電走情依然歸仁  
芍藥一萬本三十四品呈鮮妍塵中洞芟許共賞  
尋常不障閒人觀採春亭上騁遠目鋪錦列繡皆  
當前大旋小旋無定態亦有玉板紛牽連動如陽

野香亭集

戊寅

十一

阿衣綠舞靜作孫壽啼紅漣無須步障庇烈日行  
樹濃蔭高叅芟古井泉脉通裂帛不憂時雨經旬  
慳畫欄碧檻引曲折拂襟惹袖窮賁緣武成世講  
棟梁器鸞鳳翔集何聯翩病鶴自顧翎翮短眸晚  
霄漢慚隨肩幸陪趨隅杖履後歎密得味醇醪言  
陽陶洛兒兩部全甌觥視地衆樂繁清歌激楚傾  
長筵一聲一顆驪珠圓聽風聽水傳新翻伊涼細  
按四月寒廣場寂寂晝不喧醺舉無算飛觥船遲  
迴拍浮樂未極花影已逐斜陽遷勝地豈不解留

客嚴城魚鑰催掩關殷勤語別翠微裏晚風沙路  
吹醺顏休越漸隱坡隴隔漁人初出桃花源重  
謝白望公等明朝惠我青瑤鐫

生日

蓬萊輕脫墮塵凡送老生涯此綠衫壯歲身成當  
道李少年運似使風帆方因損益思追向豈意著  
龜反得咸盛世郎官躋壽域不妨甲子換頭銜  
端午

膏肓可是在菰蘆欲飽魚羹何處無刻綠蒲陳小

野香亭集

戊寅

十三

人態鬪香草長客兒鬚辭家歲月追風驟望海心  
情戢翼鳬獨幸五兵銷盡候時平不佩赤靈符

追悼李樹玉三兄兼贈令嗣大嵩

荷鋤真見伯倫埋宿草蕭蕭馬鬣哀在日苦多沽  
酒債夜臺空送紙錢財

休因四十嘆王濛玉舉兒郎勝阮公車下相逢難  
悲喜不須索貌虎賁中

送恒州別駕叔之官

白傅慕廬阜王祥歌海沂朝乘使者傳今古竝光

輝麥秀迎銅印榴花撲皂衣惟愁竹林寂獨向道南歸

前歲偶行役曾經成德軍馬蹄趙州土衫袖太行雲樹勢循環轉河流到郭分今宵瞻昂畢遠思忽紛紜

送成竹隱歸山陰

豈知入蓮幕不似採荷花歸興輕炎暑蕉衣去若耶何年子猷棹一問戴逵家倘得石橋渡相期凌紫霞

野香亭集

戊寅

十四

寄懷白湖山人夏雲

山人白湖置茆屋過日丹青樂幽獨晴摹道子嘉陵江雨臨老可貧簪竹五經三史人共推別來卷軸知十圍遠寄不煩輶舸力妙畫通靈應解飛附書告我近有得畊釣粗能足衣食筆頭久結山水緣眉際已無精悍色瓦官往事記模糊白湖夢裏清而妹終南老仙不可遇空留壁上畫瀛圖

郭外送客

新蟬傾近聽平蕪豁遠見村路散濃樹行人綠綠

轉畏日翻衣綿禁風勝搖扇馬跡猶重重雲山空一片

酬徐霽月見訊暑疾

冷官不宜熱暑疾漫相尋只許攢眉坐何堪攤鼻吟薰香衣有潤丸藥日長陰佳句來城北徐公好我深

寄內

年年丹粉費蠻牋見畫真同聽杜鵑悔負蒙山相戒意移封難似上青天

野香亭集

戊寅

十五

書中頻屬拂衣回字裏行間莫浪猜不爲鹿門偕隱計可知嚙指望歸來

雨窓隨筆

搖膝搔頭困老顛晴天坐甌雨逃禪一句巾襪無尋處何有雨衣共馬鞭  
籬火隣烟乍有無驚風動竹似菰蘆偶飄一葉隨  
流水忽憶扁舟泛白湖  
補屋移牀廢穩眠只愁伸脚踏流泉紅氍翠臘紗  
帷暝閒看門生戲意錢

也思買酒發顏紅  
老婢艱行泥滓中  
眼望仇家無路到  
分明只隔兩三弓

却得塵埃靜  
不揚浪花無際望  
蒼涼北方事事南  
中異獨有愁霖似故鄉

沈宋爭工應制篇  
龍池雨立奏金牋  
阿儂未是鳳樓手  
塗抹不離茅屋邊

題駕部郎中兄小貧簷谷

駕兄昨卜蒼簷竹  
靜境先從僻巷求  
偶借一椽營上番  
便看數尺長東頭  
休思淇澳傷羈宦  
得住

野香亭集

戊寅

十六

湘勝列侯餘景未應輸  
老可徑須題作小洋州

蒸暑

屏軀委洪爐  
四周熾烏炭  
綺羅鎧甲披  
襪襪兜鑒冠蕉扇才  
葉輕祇足疲手腕  
當時好風雨  
今作魚鴈斷夜靜  
雲少休又愁  
羊脾爛祝融  
催火輪如收骨利幹  
畏涼慕滿屏  
忘情學嵇鍛  
雖僅九十日勝過百歲半  
家山久不談  
昨夢江浦岸  
深思赤脚行老鶴無羽翰  
雕籠望青霄  
何殊事木鑽  
朶頤秋風鱸年年空此歎

七月七日熱甚雜題五絕句

立秋七日未成秋  
昨歲西風何處求  
須及此時披拂好  
後來惟解助人愁

寒冰鏤作鳳兼龍  
炙手消來頃刻空  
欲覓炎官不到處  
只除天上與山中

韞縠頻鬆履後穿  
奔逃無異飲狂泉  
中宵地底驚雷動  
人命輕于失葉蟬

前一夕地震

握蛇騎虎大艱難  
旁午辛勤進一餐  
面帶蓮花心着火  
頓成方士餌金丹

野香亭集

戊寅

十七

天孫今夕鑒微衷  
不乞男才及女工  
願得年年賜涼冷  
從教拙似柳河東

初食荔支書事

閩帆鮮貢水晶丸  
黛葉細枝六月寒  
名品新移天上種  
宋香從此在長安  
北人食指今朝動  
眼底江霞口內冰  
姑射神仙難再見  
却愁萋母視蓮蕩

書眉

千聲百囀最憐渠  
歲月金絲舊侶疎  
莫怪秋霜侵



八字前身天寶女尙書

史局新涼遲宋谷懷檢討不至戲柬一首

涼風清禁喜衣乾獨倚槐根白玉欄  
橐筆憑誰呼小宋殿西閒煞李鄆鄆

臥病

三神山路遠遊能筇屐空從夢裡登  
餌藥茹茶眞自苦用心輸與蜜殊僧

圓蒲新悟事南能一別寒巖久未登  
不解宰官滋味好淨翁元是在家僧

野香亭集

戊寅

十八

古藤書屋席上醉歌示息菴

茅齋去此牛鳴近日日來尋市門  
隱吳歛齊瑟總新聲椒花墨花盡  
良醞藤梢倒挂青猿鬚藤子亂點  
紅珊瑚涼風搖蕩響纏結明月窈窕  
穿扶疎清宵可人動深酌既醉相看  
便蕭索未斷名心殘暑微不猶福命  
秋雲薄在昔登仙今坐禪一州斗大  
亦欣然惟思巾上生雨燭敢慕堂下  
啣三鱗幽憂勿復紛成積還就濃陰  
拈重碧玉盤漸沉銀漢斜夢覺華筵  
曉無迹

野香亭集

寄贈常州吳道巖

頻年挂額望鸛籠今日開書蠟淚紅  
羨煞延陵秋醉後鴨城閒挽竹枝弓

三絕才名未易兼獨教綵筆夢江淹  
人間惟有書辭盡盡得君何太不廉

薄遊初識長垣澤感舊難忘杵臼間  
便欲買田陽羨上借儂一半瀉湖灣

蟲鳴曲

夏不及新蟬春不及嬌鶯嗷唧窓  
砌間問爾何不

野香亭集

戊寅

十九

平既異孤吟侶又非八音鳴却令偏  
聽者分作兩般聲大都萬人中一半  
含苦情一半得意人愛助秋夜清予  
性極弘和入耳無虧成爛醉不爲解  
美睡不爲驚酒醒夢覺後尋跡日已  
生

王廷徵至自江南四首

旅寄輒思曇首頻傷哀樂中年合眼  
庾家墓上今宵秋月仍圓面上新醺  
燕酒鬢邊猶帶吳霜技盡朱生陳左  
人驚佛國湖牀

四三三



接檻不殊衡宇拍肩各笑行藏我自玉關人老君  
何銅鉢僧忙  
借問浮家南土何如起宅東都且譜桃花楊柳莫  
唱驪駒鷓鴣

野香亭集

戊寅

二十

戊寅稿終

茸裘吹颶柳綿風客子光陰冷澹中霞綺一編雙  
眼活燈花連夜十分紅纖從蠶布文增價買與雞  
林譯盡通怪道先生噴俗客張衡不作與誰同  
牛毛鱗角嘆星闌虹影誰餐第九丹夢去不須尋  
李杜詩成直欲詣張韓萬層巖壑攀尋遠滿握珠  
璣檢汰難三十年來吾後輩兩籠箋許傍吟壇  
往從友人所借讀丹壑先生野香亭前集詩別  
去數年宛宛在臆如空中之聲月中之色手挹  
之而遙神遇之而接也丁丑再入都前集已付

野香亭集

作跋

十一

剖劇世之言詩者皆能宗而誦之先生復授余  
續集益自甲戌至丁丑春所成者命余讀且論  
次之昔陸務觀謂東坡詩援據閎博指趣深遠  
不敢爲之說余又何敢論先生之詩然廻環唱  
嘆之餘覺與世之宗而誦之者別有神會處是  
則余之深幸得讀先生詩而先生之所以謬屬  
之於余也輒綴二詩於乙處歸之他日丁丑集  
終猶能賜之卒讀否是歲四月二十六日海寧  
查嗣琛識